

per spes mea, tota fiducia mea,	lium meum, sapientia mea, por-
divitiarum mea, delectatio mea, ju-	tio mea, possessio mea, thesau-
cunditas mea, gaudium meum,	rus meus, in quo fixa, & firma &
quies & tranquillitas mea, pax	immobiler semper sit radicata
mea, suavitas mea, odor meus,	mens mea, & cor
dulcedo mea, cibus meus, refe-	meum,
ctio mea, refugium meum, auxi-	A M E N.

## RHYTMUS S. THOMÆ AD SACRAM EUCCHARISTIAM.

<b>A</b> Doro te devotè latens Deitas,	Fac me tibi semper magis credere,
Quæ sub his figuris verè lati-	In te spem habere, te diligere.
tas:	O memoriale mortis Domini,
Tibi se cor meum totum subicit,	Panis vivus, vitam præstans homi-
Quia te contemplans totum deficit.	ni!
Visus, tactus, gustus in te falli-	Præsta meæ menti de te vivere,
tur,	Et te illi semper dulcè sapere.
Sed auditu solo tutò creditur:	Pie pellicane Jesu Domine,
Credo quidquid dixit Dei Filius,	Me immundum munda tuo sangui-
Nihil hoc verbo veritatis verius.	ne:
In cruce latebat sola Deitas,	Cujus una stilla saluum facere
At hic latet simul & humanitas:	Totum mundum quit ab omni sce-
Ambo tamen credens, atque con-	lere.
fitens	Jesu, quem velatum nunc aspi-
Peto, quod petivit latro pœnitens.	cio,
Plagas, sicut Thomas, non in-	Oro fiat illud, quod tam sitio:
tueor,	Ut te revelata cernens facie,
Deum tamen meum te confiteor.	Visu sim beatus tuæ gloriæ, Amen.

✠ A. ✠ M. ✠ D. ✠ G. ✠



H

PRO-

Postcommunio.

**Q**uos tantis, Domine, largiris  
uti mysteriis: quæsumus, ut  
effectibus nos eorum veraciter  
aptare digneris. Per Dominum  
nostrum.

De S. Maria. Postcommunio.

**H**æc nos communio, Domine,  
purget à crimine: & inter-  
cedente beatâ virgine Dei Genitri-  
ce Mariâ, cœlestis remediî faciat  
esse confortes.

Pro Papa. Postcommunio.

**H**æc nos, quæsumus Domine,  
divini sacramenti perceptio  
proteget: & famulum tuum N.  
quem pastorem Ecclesiæ tuæ præ-  
esse voluisti, unâ cum commissio  
sibi grege, salvet semper, & muniat.  
Per Dominum nostrum.

Vel contra persecutores Ecclesiæ.  
Postcommunio.

**Q**uæsumus Domine Deus no-  
ster: ut quos divinâ tribuis  
participatione gaudere, humanis  
non sinas subjacere periculis. Per  
Dominum nostrum.

## DOMINICA IV.

Post Epiphaniam.

Introitus.

**A** Dorâte Deum  
omnes Angeli  
ejus: audiuit, &  
latata est Sion:  
& exultaverunt  
filia Judæ. *Psal-*  
*mus.* Dominus regnavit, exulter  
terra: latentur insula multæ. *V.*  
Glória Patri.

Oratio.

**D**EUS, qui nos in tantis pericu-  
lis constitutos, pro humana  
scis fragilitate non posse subsiste-  
re: da nobis salutem mentis & cor-  
poris; ut ea, quæ pro peccatis no-  
stris patimur, te adjuvante vincâ-  
mus. Per Dominum nostrum.

De S. Maria. Oratio.

**D**EUS, qui salutis æternæ, bea-  
tæ Mariæ virginitate fecun-  
dâ, humano generi præmia præsti-  
tisti: tribue quæsumus; ut ipsam  
pro nobis intercedere sentiâmus,  
per quam meruimus auctorem vi-  
tæ suscipere, Dominum nostrum  
Jesum Christum Filium tuum.

Contra persecutores Ecclesiæ.

Oratio.

**E**cclésiæ tuæ, quæsumus Dômi-  
ne, preces placatus admitte:  
ut, destructis adversitatibus & er-  
roribus universis; securâ tibi ser-  
viat libertate. Per Dominum no-  
strum.

*Vel pro Papa. Deus omnium  
fidelium. ut in Dominica præce-  
denti. Pag. 55.*

*Si autem hæc Dominica venerit  
post festum Purificationis, dicitur  
secunda Oratio, Acunctis. ut infra  
in Dominica sequenti. Pag. 59. &  
tertia ad libitum Sacerdotis.*

**L**ectio Epistolæ Beati Pauli  
Apóstoli ad Romanos.

**F**ratres, Nèmini quidquam de-  
beatis, nisi ut invicem diliga-  
tis: qui enim diligit proximum, le-  
gem implèvit. Nam: non adulte-  
râbis: non occides: non furâbe-  
ris: non falsum testimonium di-  
ces: non concupisces: & si quod

H

est



est aliud mandatum, in hoc verbo instauratur: Diliges proximum tuum sicut teipsum. Dilectio proximi malum non operatur. Plenitudo ergo legis est dilectio.

**Graduale.** Timebunt Gentes nomen tuum Domine, & omnes Reges terrae gloriam tuam. **V.** Quoniam aedificavit Dominus Sion, & videbitur in maiestate sua. **Alleluja, alleluja.** **V.** Dominus regnavit, exultet terra: latentur insulae multae. **Alleluja.**

**Sequentia sancti Evangelii**  
secundum Matthaeum.

**I**n illo tempore: Ascendente Jesu in naviculam, secuti sunt eum discipuli ejus: & ecce motus magnus factus est in mari, ita ut navicula operiretur fluctibus, ipse vero dormiebat. Et accesserunt ad eum discipuli ejus, & suscitaverunt eum, dicentes: Domine, salva nos, perimus. Et dicit eis Jesus: Quid timidi estis, modicae fidei? Tunc surgens, imperavit ventis & mari, & facta est tranquillitas magna. Porro homines mirati sunt, dicentes: Qualis est hic, quia venti & mare obediunt ei? **Credo.**

**Offertorium.** Dextera Domini fecit virtutem, dextera Domini exaltavit me: non moriar, sed vivam, & narrabo opera Domini.

**Secreta.**

**C**oncède quaesumus omnipotens Deus: ut huius sacrificii munus oblatum, fragilitatem nostram ab omni malo purget semper, & muniat. Per Dominum nostrum.

**De S. Maria. Secreta.**

**M**uneribus nostris, quaesumus Domine, precibusque susceptis: & caelestibus nos munda mysteriis, & clementer exaudi.

**Contra persecutores Ecclesiae. Secreta.**

**P**rotege nos Domine, tuis mysteriis servientes: ut divinis rebus inhaerentes, & corpore tibi famulemur, & mente. Per Dominum nostrum.

**Vel pro Papa. Secreta.** Oblatis, quaesumus Domine: **ut in Dominica praecedenti. Pag. 56.**

**Communio.** Mirabantur omnes de his, quae procedebant de ore Dei.

**Postcommunio.**

**M**uneris tua nos Deus a delationibus terrenis expediant, & caelestibus semper instaurent alimentis. Per Dominum nostrum.

**De S. Maria. Postcommunio.**

**H**ec nos communio, Domine, purget a crimine: & intercedente beata virgine Dei genitrice Maria, caelestis remedii faciat esse consortes.

**Contra persecutores Ecclesiae. Postcommunio.**

**Q**uaesumus Domine Deus noster: ut quos divina tribuis participatione gaudere; humanis non sinas subiacere periculis. Per Dominum nostrum Jesum Christum Filium.

**Vel pro Papa. Postcommunio.** Hec nos, quaesumus Domine: **ut in Dominica praeterita. Pag. 57.**

DOMI-

## DOMINICA V.

**Post Epiphaniam.**

**Introitus.**

**A**dorate Deum omnes Angeli ejus: audivit, & letata est Sion: & exultaverunt filiae Judae. **Psal. 96.** Dominus regnavit, exultet terra: latentur insulae multae. **V.** Gloria Patri.

**Oratio.**

**F**amiliam tuam, quaesumus Domine, continua pietate custodi: ut quae in sola spe gratiae caelestis innititur, tua semper protectione muniatur. Per Dominum nostrum.

**Ad poscenda suffragia Sanctorum.**

**Oratio.**

**A**cunctis nos, quaesumus Domine, mentis & corporis defende periculis: & intercedente beata & gloriosa semper Virgine Dei Genitrice Maria, cum beatis Apostolis tuis Petro & Paulo, atque beato N. & omnibus Sanctis, salutem nobis tribue benignus & pacem; ut, destructis adversitatibus & erroribus universis, Ecclesia tua securam tibi serviat libertatem.

**In hac Oratione nomina SS. Michaelis, & Joannis Baptistae praeposuntur Apostolis.**

**Tertia Oratio dicitur ad libitum Sacerdotis.**

**Lectio Epistolae beati Pauli**  
Apostoli ad Colossenses.

**F**ratre, Induite vos sicut electi Dei, sancti, & dilecti, viscera

ra misericordiae, benignitatem, humilitatem, modestiam, patientiam: supportantes invicem, & donantes vobismetipsis, si quis adversus aliquem habet querelam: sicut & Dominus donavit vobis, ita & vos. Super omnia autem haec, charitatem habete, quod est vinculum perfectionis: & pax Christi exaltet in cordibus vestris, in qua & vocati estis in uno corpore: & grati estote. Verbum Christi habitet in vobis abundanter, in omni sapientia, docentes, & commonentes vosmetipsos, psalmis, hymnis, & canticis spiritualibus, in gratia cantantes in cordibus vestris Deo. Omne quodcumque facitis in verbo, aut in opere, omnia in nomine Domini Jesu Christi, gratias agentes Deo & Patri per Jesum Christum Dominum nostrum.

**Graduale.** Timebunt Gentes nomen tuum Domine, & omnes Reges terrae gloriam tuam. **V.** Quoniam aedificavit Dominus Sion, & videbitur in maiestate sua. **Alleluja, alleluja.** **V.** Dominus regnavit, exultet terra: latentur insulae multae. **Alleluja.**

**Sequentia sancti Evangelii**  
secundum Matthaeum.

**I**n illo tempore: Dixit Jesus turbis parabolam hanc: Simile factum est regnum caelorum homini, qui seminavit bonum semen in agro suo. Cum autem dormirent homines, venit inimicus ejus, & superseminavit zizania in medio tritici, & abiit. Cum autem crevisset herba, & fructum fecisset, tunc apparuerunt & zizania. Acceden-

H 2

tes



tes autem servi patrisfamilias, dixerunt ei: Domine, nonne bonum semen seminasti in agro tuo? Unde ergo habet zizania? Et ait illis: Inimicus homo hoc fecit. Servi autem dixerunt ei: Vis, imus, & colligimus ea? Et ait: Non: ne forte colligentes zizania, eradicetis simul cum eis & triticum. Sinite utraque crescere usque ad messem, & in tempore messis dicam messoribus: Colligite primum zizania, & alligate ea in fasciculos ad comburendum, triticum autem congregate in horreum meum. **Credo.**

**Offertorium.** **D**extera Domini fecit virtutem, dextera Domini exaltavit me: non moriar, sed vivam, & narrabo opera Domini.

**Secreta.**

**H**ostias tibi Domine placationis offerimus: ut & delicta nostra miseratus absolvas, & nutantia corda tu dirigas. Per Dominum nostrum.

**Ad poscenda suffragia Sanctorum.**  
**Secreta.**

**E**xaudi nos Deus salutaris noster: ut per hujus sacramenti virtutem, a cunctis nos mentis & corporis hostibus tuearis; gratiam tribuens in presenti, & gloriam in futuro.

**Tertia ad libitum.**

**Communio.** Mirabantur omnes de his, quae procedebant de ore Dei.

**Postcommunio.**

**Q**uæsumus omnipotens Deus: ut illius salutaris capiamus effectum, cujus per hæc mysteria pignus accepimus. Per Dominum nostrum.

**Ad poscenda suffragia Sanctorum.**  
**Postcommunio.**

**M**undet & muniat nos, quæsumus Domine, divini sacramenti munus oblatum: & intercedente beatâ Virgine Dei Genitrice Mariâ, cum beatis Apóstolis tuis Petro & Paulo, atque beato **N.** & omnibus Sanctis; a cunctis nos reddat & perversitatibus expiatis, & adversitatibus expeditos.

**Tertia ad libitum.**

## DOMINICA VI.

**Post Epiphaniam.**

**Introitus.**



**A**dorate Deum omnes Angeli ejus: audivit, & latata est Sion: & exultaverunt filiae Judæ. **Psal.**

**mus.** Dominus regnavit, exultet terra: latentur insulae multae. **Psal.**  
**Glória Patri.**

**Oratio.**

**P**resta quæsumus omnipotens Deus: ut semper rationabilia meditantes, quæ tibi sunt placita, & dictis exequamur, & factis. Per Dominum nostrum.

**Ad poscenda suffragia Sanctorum.**  
**Oratio.**

**A**cunctis nos, quæsumus Domine, mentis & corporis defende periculis: & intercedente beatâ & gloriosâ semper virgine Dei genitrice Mariâ, cum beatis Apóstolis tuis Petro & Paulo; atque beato **N.** & omnibus Sanctis, salutem nobis tribue benignus & pa-

cem;

cem; ut, destructis adversitatibus & erroribus universis, Ecclesia tua securâ tibi serviat libertate.

**Tertia ad libitum.**

**Lectio Epistolæ beati Pauli**  
Apóstoli ad Thessalonicenses.

**F**rattres, Grátias ágimus Deo semper pro omnibus vobis, memoriam vestri facientes in orationibus nostris sine intermissione, memores operis fidei vestræ, & laboris, & charitatis, & sustinentiæ spei Domini nostri Jesu Christi, ante Deum & Patrem nostrum: scientes fratres, dilecti a Deo, electionem vestram: quia Evangelium nostrum non fuit ad vos in sermone tantum, sed & in virtute, & in Spiritu Sancto, & in plenitudine multa, sicut scitis quales fuérimus in vobis propter vos. Et vos imitatores nostri facti estis, & Domini, excipientes verbum in tribulatione multa, cum gaudio Spiritus Sancti: ita ut facti sitis forma omnibus credentibus in Macedonia, & in Achia. A vobis enim diffamatus est sermo Domini, non solum in Macedonia, & in Achia, sed & in omni loco fides vestra, quæ est ad Deum, profecta est; ita ut non sit nobis necesse quidquam loqui. Ipsi enim de nobis annuntiant qualem introitum habuerimus ad vos: & quomodo conversi estis ad Deum à simulacris, servire Deo vivo, & vero, & expectare Filium ejus de cælis (quem suscitavit ex mortuis) Jesum, qui eripuit nos ab ira ventura.

**Graduale.** Timebunt Gentes nomen tuum Domine, & omnes

Reges terræ glóriam tuam. **Psal.**  
**Quoniam** edificavit Dominus Sion, & videbitur in majestate sua. **Alleluja, alleluja.** **Psal.**  
**Dominus** regnavit, exultet terra: latentur insulae multae. **Alleluja.**

**Sequentia sancti Evangelii secundum Matthæum.**

**I**n illo tempore: Dixit Jesus turbis parabolam hanc: Simile est regnum cælorum grano sinapis, quod accipiens homo seminavit in agro suo: quod minimum quidem est omnibus seminibus: cum autem creverit, majus est omnibus oleribus, & fit arbor, ita ut volucres cæli veniant, & habitent in ramis ejus. Aliam parabolam locutus est eis: Simile est regnum cælorum fermento, quod acceptum mulier abscondit in farinæ satis tribus, donec fermentatum est totum. Hæc omnia locutus est Jesus in parabolis ad turbas: & sine parabolis non loquebatur eis: ut impleretur quod dictum erat per Prophetam dicentem: Aperiam in parabolis os meum, eruclabo abscondita a constitutione mundi. **Credo.**

**Offertorium.** **D**extera Domini fecit virtutem, dextera Domini exaltavit me: non moriar, sed vivam, & narrabo opera Domini.

**Secreta.**

**H**æc nos oblatio, Deus, mundet quæsumus, & renover, gubernet, & protegat. Per Dominum nostrum.

**Alia Secreta.**

**E**xaudi nos Deus salutaris noster: ut per hujus sacramenti virtutem, a cunctis nos mentis &

H 3

corporis



corporis hostibus tuearis; gratiam tribuens in presenti, & gloriam in futuro.

**Tertia ad libitum.**

**Communio.** Mirabantur omnes de his, quæ procedebant de ore Dei.

**Postcommunio.**

**C**œlestibus Domine, pasci delictis: quæsumus; ut semper eadem, per quæ veraciter vivimus, appetamus. Per Dominum.

**Alia Postcommunio.**

**M**undet & muniat nos, quæsumus Domine, divini sacramenti munus oblātum: & intercedente beatâ Virgine Dei genitrice Mariâ, cum beatis Apóstolis tuis Petro & Paulo, atque beato **N.** & omnibus Sanctis; à cunctis nos reddat & perversitatibus expiātos, & adversitatibus expeditos.

**Tertia ad libitum.**

## DOMINICA

**In Septuagesima.**

*Statio ad S. Laurentium extra muros.*

**Introitus.**



**C**ircumdederunt me gemitus mortis, dolores infēni circumdederunt me: & in tribulatione mea invocavi Dominum, & exaudivit de templo sancto suo vocem meam. **Psalmus.** Diligam te Domine, fortitudo mea: Dominus firmamentum meum, & refugium meum, & liberator meus. **✠.** Gloria Patri.

**Non dicitur, Gloria in excelsis ab hac Dominica usque ad Pascha, exceptis Feriâ quintâ in Cœna Domini, & Sabbatō sanctō, & quando dicitur Missa de Festo.**

**Oratio.**

**P**reces populi tui, quæsumus Domine, clementer exaudi: ut qui iustè pro peccatis nostris affligimur, pro tui nominis gloria misericorditer liberemur. Per Dominum nostrum.

**Ad poscenda suffragia Sanctorum.**

**Oratio.**

**A**cunctis nos, quæsumus Domine, mentis & corporis defende periculis: & intercedente beatâ & gloriôsâ semper virgine Dei genitrice Mariâ, cum beatis Apóstolis tuis Petro & Paulo, atque beato **N.** & omnibus Sanctis, salutem nobis tribue benignus & pacem; ut, destructis adversitatibus & erroribus universis, Ecclesia tua securâ tibi serviāt libertate. Per eundem Dominum nostrum. **si dicenda est ultimô locô.**

**Tertia ad libitum.**

**Sic dicitur secunda & tertia Oratio à festo Purificationis usque ad Feriam IV. Cinerum exclusivè, quando non est Duplex: nisi Dominica Septuagesimæ venerit ante festum Purificationis, vel in ipsa die Purificationis: quia tunc dicuntur Orationes sicut in Dominica III. post Epiphaniam, de sancta Maria, & contrâ persecutores Ecclesiæ, vel pro Papa. Pag. 55. Simili modô fiat in Sexagesima, & Quinquagesima.**

**Lectio**

**Lectio Epistolæ Beati Pauli**  
Apóstoli ad Corinthios.

**F**ratres, Nescitis quod ii qui in stadio currunt, omnes quidem currunt, sed unus accipit præmium? Sic currite ut comprehendatis. Omnis autem, qui in agone contendit, ab omnibus se abstinet: & illi quidem ut corruptibilem coronam accipiant; nos autem incorruptam. Ego igitur sic curro, non quasi in incertum: sic pugno, non quasi aërem verberans: sed castigo corpus meum, & in servitutem redigo: ne fortè cum aliis prædicaverim, ipse reprobus efficiar. Nolo enim vos ignorare fratres, quoniam patres nostri omnes sub nube fuerunt, & omnes mare transierunt; & omnes in Moyse baptizati sunt, in nube, & in mari: & omnes eandem escam spiritalem manducaverunt, & omnes eundem potum spiritalem biberunt: (bibeant autem de spiritali, consequente eos, petra: petra autem erat Christus:) sed non in pluribus eorum beneplacitum est Deo.

**Graduale.** Adjutor in opportunitatibus, in tribulatione: sperent in te, qui novērunt te: quoniam non derelinquis quærentes te, Domine. **✠.** Quoniam non in finem oblivio erit pauperis: patientia pauperum non peribit in æternum: exurge Domine, non prævaleat homo.

**Tractus.** De profundis clamavi ad te Domine, Domine exaudi vocem meam. **✠.** Fiant aures tuæ intendentes in orationem servi tui. **✠.** Si iniquitates observaveris Do-

mine, Domine quis sustinebit? **✠.** Quia apud te propitiatio est, & propter legem tuam sustinui te Domine.

**A Septuagesima usque ad Feriam quartam Cinerum, Tractus dicitur tantum in Dominicis, & Festis: in Feriis autem, quando repetitur Missa de Dominica, non dicitur, sed tantum Graduale.**

**Sequentia sancti Evangelii secundum Matthæum.**

**I**n illo tempore: Dixit Jesus discipulis suis parabolam hanc: Simile est regnum cœlorum homini patrifamilias, qui exiit primò mane conducere operarios in vineam suam. Conventionē autem factā cum operariis ex denario diurno, misit eos in vineam suam. Et egressus circa horam tertiam vidit alios stantes in foro otiosos, & dixit illis: Ite & vos in vineam meam, & quod justum fuerit dabo vobis. Illi autem abiērunt. Iterum autem exiit circa sextam & nonam horam: & fecit similiter. Circa undecimam verò exiit, & invenit alios stantes, & dicit illis: Quid hic statis totā die otiosi? Dicunt ei: Quia nemo nos conduxit. Dicit illis: Ite & vos in vineam meam. Cum serò autem factum esset, dicit dominus vineæ procuratori suo: Voca operarios, & redde illis mercedem, incipiens à novissimis usque ad primos. Cum venissent ergo qui circa undecimam horam venerant, acceperunt singulos denarios. Venientes autem & primi arbitrati sunt quod plus essent accepturi: acceperunt autem & ipsi singulos



singulos denarios. Et accipientes murmurabant adversus patremfamilias, dicentes: Hi novissimi una hora fecerunt, & pares illos nobis fecisti, qui portavimus pondus diei, & æstus. At ille respondens uni eorum, dixit: Amice non facio tibi injuriam: nonne ex denario convenisti mecum? Tolle quod tuum est, & vade: volo autem & huic novissimo dare sicut & tibi. Aut non licet mihi, quod volo, facere? an oculus tuus nequam est, quia ego bonus sum? Sic erunt novissimi primi, & primi novissimi. Multi enim sunt vocati, pauci vero electi. **Credo.**

Psal.  
91.

**Offertorium.** Bonum est confiteri Domino, & psallere nomini tuo, Altissime.

**Secreta.**

**M**uneribus nostris, quaesumus Domine, precibusque suscipis: & celestibus nos munda mysteriis, & clementer exaudi. Per Dominum nostrum.

**Si Dominica Septuagesimæ venerit ante festum Purificationis, vel ipsa die Purificationis, Secreta de S. Maria erit, Tua, Domine. ut in ejusdem Missa votiva infra.**

**Alia Secreta.**

**E**xaudi nos Deus salutaris noster: ut per hujus sacramenti virtutem, a cunctis nos mentis & corporis hostibus tuearis; gratiam tribuens in presenti, & gloriam in futuro.

**Tertia ad libitum.**

Psal.  
50.

**Communio.** Illumina faciem tuam super servum tuum, & salvum me fac in tua misericordia: Domine.

ne non confundar, quoniam invocavi te.

**Postcommunio.**

**F**ideles tui, Deus, per tua dona firmantur: ut eadem & percipiendo requirant, & querendo finire fine percipiant. Per Dominum.

**Alia Postcommunio.**

**M**undet & muniat nos, quaesumus Domine, divini sacramenti munus oblatum: & intercedente beata virgine Dei genitrice Maria, cum beatis Apostolis tuis Petro & Paulo, atque beato N. & omnibus sanctis; a cunctis nos reddat & perversitatibus expiatis, & adversitatibus expeditis.

**Tertia ad libitum.**

**Benedicamus Domino.** R. Deo gratias.

## DOMINICA

**In Sexagesima.**

**Statio ad S. Paulum.**

**Introitus.**

**E**xurge, quare obdormis Domine? exurge, & ne repellas in finem: quare faciem tuam avertis, obli-visceris tribulationem nostram? adhæsit in terra venter noster: exurge Domine, adjuva nos, & libera nos. **Psalmus.** Deus, auribus nostris audivimus: patres nostri annuntiaverunt nobis. **Gloria Patri.**

**Oratio.**

**D**EUS, qui conspicias, quia ex nulla nostra actione confidimus:

mus: concede propitius; ut contra adversa omnia, Doctoris Gentium protectione muniamur. Per Dominum nostrum Jesum Christum Filium tuum.

**Ad poscenda suffragia Sanctorum.**

**Oratio.**

**A**cunctis nos, quaesumus Domine, mentis & corporis defende periculis: & intercedente beata & gloriosa semper virgine Dei genitrice Maria, cum beatis Apostolis tuis Petro & Paulo, atque beato N. & omnibus Sanctis, salutem nobis tribue benignus & pacem; ut, destructis adversitatibus & erroribus universis, Ecclesia tua secura tibi serviat libertate.

**Tertia ad libitum.**

**Lectio Epistolæ Beati Pauli Apostoli ad Corinthios.**

2. Cor.  
11. d.

**F**ratres, Libenter suffertis insipientes, cum sitis ipsi sapientes. Sustinetis enim si quis vos in servitutem redigit, si quis devorat, si quis accipit, si quis extollitur, si quis in faciem vos cadit. Secundum ignobilitatem dico, quasi nos infirmi fuimus in hac parte. In quo quis audet (in insipientia dico) audeo & ego: Hebraei sunt, & ego: Israelitæ sunt, & ego: Semen Abraham sunt, & ego: Ministri Christi sunt (ut minus sapiens dico) plus ego: in laboribus plurimis, in carceribus abundantius, in plagis supra modum, in mortibus frequenter. A Judæis quinque, quadragenas, una minus, accépi. Ter virgis cæsus sum, semel lapidatus sum, ter naufragium feci, nocte & die in profundo maris fui, in

itinerebus sapere, periculis fluminum, periculis latronum, periculis ex genere, periculis ex Gentibus, periculis in civitate, periculis in solitudine, periculis in mari, periculis in falsis fratribus: in labore & ærumna, in vigiliis multis, in fame & siti, in jejuniis multis, in frigore & nuditate: præter illa quæ extrinsecus sunt, instantia mea quotidiana, sollicitudo omnium Ecclesiarum. Quis infirmatur, & ego non infirmor? quis scandalizatur, & ego non uror? Si gloriari oportet: quæ infirmitatis meæ sunt, gloriabor. Deus & Pater Domini nostri Jesu Christi, qui est benedictus in sæcula, scit quod non mentior. Damasci præpositus Gentis Aræ regis, custodiebat civitatem Damascenorum, ut me comprehenderet: & per fenestram in porta dimissus sum per murum, & sic effugi manus ejus. Si gloriari oportet (non expedit quidem) veniam autem ad visiones, & revelationes Domini. Scio hominem in Christo ante annos quatuordecim (sive in corpore nescio, sive extra corpus, nescio, Deus scit) raptum hujusmodi usque ad tertium cælum. Et scio hujusmodi hominem (sive in corpore, sive extra corpus, nescio, Deus scit) quoniam raptus est in Paradisum: & audivit arcana verba, quæ non licet homini loqui. Pro hujusmodi gloriabor: pro me autem nihil gloriabor nisi in infirmitatibus meis. Nam, & si voluero gloriari, non ero insipiens: veritatem enim dicam: parco autem, ne quis me existimet supra id quod videt in me, aut ali-

Cap.  
12. a.

I

quid



quid audit ex me. Et ne magnitudo revelationum extollat me, datus est mihi stimulus carnis mea angelus satanae, qui me colaphizet. Propter quod ter Dominum rogavi ut discederet a me: & dixit mihi: Sufficit tibi gratia mea: nam virtus in infirmitate perficitur. Libenter igitur gloriabor in infirmitatibus meis, ut inhabitet in me virtus Christi.

**Graduale.** Sciant Gentes, quoniam nomen tibi Deus: tu solus Altissimus super omnem terram. *Psalmus 82.*  
*Psalmus 95.* Deus meus, pone illos ut rotam, & sicut stipulam ante faciem venti.

**Tractus.** Commovisti Domine terram, & conturbasti eam. *Psalmus 95.* Sana contritiones ejus, quia mota est. *Psalmus 95.* Ut fugiant a facie arcus: ut liberentur electi tui.

### Sequentia sancti Evangelii secundum Lucam.

*Luc. 8. 2.* **I**N illo tempore: Cum turba plurima convenirent, & de civitatibus properarent ad Jesum, dixit per similitudinem: Exiit, qui seminat, seminare semen suum: & dum seminat, aliud cecidit secus viam, & conculcatum est, & volucres celi comederunt illud. Et aliud cecidit supra petram: & natum aruit, quia non habebat humorem. Et aliud cecidit inter spinas, & simul exortae spinae suffocaverunt illud. Et aliud cecidit in terram bonam: & ortum fecit fructum centuplum. Hae dicens, clamabat: Qui habet aures audiendi, audiat. Interrogabant autem eum discipuli ejus, quae esset haec parabola. Quibus ipse dixit: Vobis datum est nosse

mysterium regni Dei, ceteris autem in parabolis; ut videntes non videant, & audientes non intelligant. Est autem haec parabola: Semen est verbum Dei. Qui autem secus viam, hi sunt qui audiunt: deinde venit diabolus, & tollit verbum de corde eorum, ne credentes salvi fiant. Nam qui supra petram: qui cum audierint, cum gaudio suscipiunt verbum: & hi radices non habent: qui ad tempus credunt, & in tempore tentationis recedunt. Quod autem in spinas cecidit, hi sunt, qui audierunt, & a solitudinibus, & divitiis, & voluptatibus vitae, euntes, suffocantur, & non referunt fructum. Quod autem in bonam terram: hi sunt, qui in corde bono & optimo audientes verbum retinent, & fructum afferunt in patientia. *Psalmus 16.* **Credo.**

**Offertorium.** Perfice gressus meos in semitis tuis, ut non moveantur vestigia mea: inclina aurem tuam, & exaudi verba mea: mirifica misericordias tuas, qui salvos facis sperantes in te Domine.

### Secreta.

**O**blatum tibi Domine sacrificium, vivificet nos semper & muniat. Per Dominum nostrum Jesum Christum Filium tuum.

### Alia Secreta.

**E**xaudi nos Deus salutaris noster: ut per hujus sacramenti virtutem, a cunctis nos mentis & corporis hostibus tuearis; gratiam tribuens in praesenti, & gloriam in futuro.

### Tertia ad libitum.

**Communio.** Introibo ad altare Dei,

Dei,

Dei, ad Deum qui laetificat juventutem meam.

### Postcommunio.

**S**upplices te rogamus, omnipotens Deus: ut quos tuis reficis sacramentis, tibi etiam placitis moribus dignanter deservire concedas. Per Dominum nostrum Jesum Christum Filium tuum.

### Alia Postcommunio.

**M**undet & muniat nos, quæsumus Domine, divini sacramenti munus oblatum: & intercedente beata Virgine Dei genitrice Mariâ, cum beatis Apostolis tuis Petro & Paulo, atque beato N. & omnibus Sanctis; a cunctis nos reddat & perversitatibus expiatis, & adversitatibus expeditos.

### Tertia ad libitum.

**B**enedicamus Domino. *Psalmus 132.* Deo gratias.

## DOMINICA

### In Quinquagesima.

Statio ad S. Petrum.

### Introitus.

*Psalmus 30.* **E**sto mihi in Deum protectorem, & in locum refugii, ut salvum me facias: quoniam firmamentum meum, & refugium meum es tu: & propter nomen tuum dux mihi eris, & enutries me. *Psalmus 132.* In te Domine speravi, non confundar in aeternum: in iustitia tua libera me, & eripe me. *Psalmus 132.* Gloria Patri.

### Oratio.

**P**reces nostras, quæsumus Domine, clementer exaudi: at-

que a peccatorum vinculis absolutos, ab omni nos adversitate custodi. Per Dominum nostrum.

### Ad poscenda suffragia Sanctorum.

### Oratio.

**A**cunctis nos, quæsumus Domine, mentis & corporis defende periculis: & intercedente beatâ & gloriosâ semper Virgine Dei genitrice Mariâ, cum beatis Apostolis tuis Petro & Paulo, atque beato N. & omnibus Sanctis, salutem nobis tribue benignus & pacem; ut, destructis adversitatibus & erroribus universis, Ecclesia tua secura tibi serviat libertate.

### Tertia ad libitum.

**Lectio Epistolæ beati Pauli**  
Apostoli ad Corinthios.

*1. Cor. 13. 2.* **F**ratres, Si linguis hominum loquar, & Angelorum, charitatem autem non habeam, factus sum velut aes sonans, aut cymbalum tinniens. Et si habuero prophetiam, & noverim mysteria omnia, & omnem scientiam: & si habuero omnem fidem ita ut montes transferam, charitatem autem non habuero, nihil sum. Et si distribuero in cibos pauperum omnes facultates meas, & si tradidero corpus meum ita ut ardeam, charitatem autem non habuero, nihil mihi prodest. Charitas patiens est, benigna est: Charitas non amulatur, non agit perperam, non inflatur, non est ambitiosa, non quaerit quæ sua sunt, non irritatur, non cogitat malum, non gaudet super iniquitate, congratuletur autem veritati: omnia suffert, omnia credit, omnia sperat, omnia sustinet. Charitas



ritas nunquam excidit: siue prophetiæ evacuabuntur, siue linguæ cessabunt, siue scientia destruetur. Ex parte enim cognoscimus, & ex parte prophetamus. Cum autem venerit quod perfectum est, evacuabitur quod ex parte est. Cum essem parvulus, loquebar ut parvulus, sapiebam ut parvulus, cogitabam ut parvulus. Quando autem factus sum vir, evacuavi quæ erant parvuli. Videmus nunc per speculum in ænigmate: tunc autem facie ad faciem. Nunc cognosco ex parte: tunc autem cognoscam sicut & cognitus sum. Nunc autem manent; fides, spes, charitas, tria hæc: major autem horum est charitas.

**Graduale.** Tu es Deus, qui facis mirabilia solus: notam fecisti in Gentibus virtutem tuam. **V.** Liberasti in brachio tuo populum tuum, filios Israël & Joseph.

**Tractus.** Jubilare Deo omnis terra: servite Domino in lætitia. **V.** Intrate in conspectu ejus in exultatione: scitote quod Dominus ipse est Deus. **V.** Ipse fecit nos, & non ipsi nos: nos autem populus ejus, & oves pascuæ ejus.

### Sequentia sancti Evangelii secundum Lucam.

**I**N illo tempore: Assumpsit Jesus duodecim, & ait illis: Ecce ascendimus Jerosolymam, & consummabuntur omnia, quæ scripta sunt per Prophetas de Filio hominis. Tradetur enim Gentibus, & illudetur, & flagellabitur, & conspuetur: & postquam flagellaverint, occident eum, & tertiâ die resurget. Et ipsi

nihil horum intellexerunt, & erat verbum istud absconditum ab eis, & non intelligebant quæ dicebantur. Factum est autem, cum appropinquaret Jericho, cæcus quidam sedebat secus viam, mendicans. Et cum audiret turbam prætereuntem, interrogabat quid hoc esset. Dixerunt autem ei, quod Jesus Nazarenus transiret. Et clamavit, dicens: Jesu Fili David, miserere mei. Et qui præibant, increpabant eum ut taceret. Ipse vero multo magis clamabat: Fili David miserere mei. Stans autem Jesus, jussit illum adduci ad se. Et cum appropinquasset, interrogavit illum, dicens: Quid tibi vis faciam? At ille dixit: Domine ut videam. Et Jesus dixit illi: Respice, fides tua te salvum fecit. Et confestim vidit, & sequebatur illum, magnificans Deum. Et omnis plebs ut vidit, dedit laudem Deo. **Credo.**

**Offertorium.** Benedictus es Domine, doce me justificationes tuas: in labiis meis pronuntiavi omnia judicia oris tui.

### Secreta.

**H**Æc hostia, Domine quasumus, emundet nostra delicta: & ad sacrificium celebrandum, subditorum tibi corpora mentesque sanctificet. Per Dominum.

### Alia Secreta.

**E**Xaudi nos Deus salutaris noster: ut per hujus sacramenti virtutem, a cunctis nos mentis & corporis hostibus tuearis; gratiam tribuens in præsentem, & gloriam in futuro.

### Tertia ad libitum.

**Communio.** Manducaverunt, &

saturati

saturati sunt nimis, & desiderium eorum attulit eis Dominus: non sunt fraudati a desiderio suo.

### Postcommunio.

**Q**uasumus omnipotens Deus: ut qui cœlestia alimenta percipimus, per hæc contra omnia adversa muniamur. Per Dominum.

### Alia Postcommunio.

**M**undet & muniat nos, quasumus Domine, divini sacramenti munus oblatum: & intercedente beatâ Virgine Dei genitricem Mariâ, cum beatis Apostolis tuis Petro & Paulo, atque beato **N.** & omnibus Sanctis; a cunctis nos reddat & perversitatibus expiatis, & adversitatibus expeditos.

### Tertia ad libitum.

**B**enedicamus Domino. **R.** Deo gratias.

## FERIA IV. CINERUM.

**Ante Missam benedicuntur cineres facti de ramis olivarum, si ve aliarum arborum, præcedenti annò benedictis, hoc modò.**

**Finitâ Nonâ, Sacerdos indutus pluviali violaceo, vel sine casula, cum ministris similiter indutis, procedit ad benedicendum cineres in vase aliquo super Altari positos. Et primò cantatur à Choro sequens Antiphona.**

**E**Xaudi nos Domine, quoniam benigna est misericordia tua: secundum multitudinem miserationum tuarum respice nos Domine.

**Psalmus.** Salvum me fac Deus: quoniam intraverunt aquæ usque ad animam meam. **V.** Gloria Patri. **Repetitur, E**xaudi nos.

**Deinde Sacerdos in cornu Epistolæ, non vertens se ad populum, manibus junctis (quod servatur etiam in Orationibus omnium benedictionum quoad manus junctas) dicit Dominus vobiscum. R.** Et cum spiritu tuo. **Orémus.**

### Oratio.

**O**Mnipotens sempiternæ Deus, parce penitentibus, propitiare supplicantibus: & mittere digneris sanctum Angelum tuum de cœlis, qui bene dicat, & sanctificet hos cineres, ut sint remedium salubre omnibus nomen sanctum tuum humiliter implorantibus, ac semetipsos pro conscientia delictorum suorum accusantibus, ante conspectum divinæ clementiæ tuæ facinora sua deplorantibus, vel ferenissimam pietatem tuam suppliciter obnixèque flagitantibus: & præsta per invocationem sanctissimi nominis tui; ut, quicunque per eos aspersi fuerint, pro redemptione peccatorum suorum, corporis sanitatem, & animæ tutelam percipiant. Per Christum Dominum nostrum. **R.** Amen.

### Orémus.

**D**EUS, qui non mortem, sed penitentiam desideras peccatorum: fragilitatem conditionis humanæ benignissime respice, & hos cineres, quos causâ proferendæ humilitatis, atque promerendæ veniæ, capitibus nostris imponi decernimus, bene dicere pro tua pietate dignare: ut, qui nos cinere-

I.3

rem



rem esse, & ob pravitatis nostræ demeritum in pulverem reversuros cognoscimus; peccatorum omnium veniam, & præmia penitentibus repromissa, misericorditer consequi mereamur. Per Christum Dominum nostrum. *R.* Amen.

*Orémus.*

**D**EUS, qui humiliatiōne flēctēris, & satisfactiōne placāris: aurem tuā pietatis inclina precibus nostris; & capitibus servōrum tuorum, horum cinerum aspersiōne contactis, effunde propitius grātiā tuā benedictiōnis: ut eos & spīritu compunctiōnis repleas, & quæ iustē postulāverint, efficaciter tribuas; & concessā perpetuō stabilita, & intacta manere decernas. Per Christum Dominum nostrum. *R.* Amen.

*Orémus.*

**O**Mnipotens sempiternus Deus, qui Ninivitis in cinere & cilicio penitentibus, indulgentiæ tuæ remedia præstitisti: concede propitius; ut sic eos imitemur habitu, quatenus veniæ prosequamur obtentu. Per Dominum nostrum Jesum Christum Filium tuum.

*Postea Celebrans, imposito incenso in thuribulo, ter aspergit cineres aquā benedictā, dicendo Antiphonam, Asperges, sinē cantu & sinē Psalmo, & ter adolet incenso. Deinde dignior Sacerdos ex Clero accedens ad Altare, imponit cinerem Celebranti non genuflexo. Si verò non adsit alius Sacerdos ipse met Celebrans, genibus flexis coram Altari, sibi ipsi cineres imponit in capite, nihil dicens: & cantatur statim à Choro Antiphona.*

Immutemur habitu, in cinere & cilicio: jejunemus, & ploremus ante Dominum: quia multum misericors est dimittere peccata nostra Deus noster.

*Alia Antiphona.*

*Inter vestibulum & Altare plorabunt Sacerdotes ministri Domini, & dicent: Parce Domine, parce populo tuo: & ne claudas orationem tuam Domine.*

*Sequitur*

*R.* Emendemus in melius, quia ignoranter peccavimus: ne subito preoccupati die mortis, queramus spatium penitentiae, & invenire non possimus. *\* Attēde Domine, & miserere: quia peccavimus tibi. \* Adjuva nos Deus salutaris noster: & propter honorem nominis tui Domine libera nos. Attēde Domine. \* Gloria Patri, & Filio, & Spiritui Sancto. Attēde.*

*Sacerdos verò, dum cantatur Antiphonæ, & Responsorium, detecto capite, primò imponit cineres digniori Sacerdoti, à quo ipse accepit, deinde ministris paratis, genibus flexis coram Altari, dicens: Memēto homo, quia pulvis es, & in pulverem revertēris.*

*Postea veniunt alii, primò Clerus per ordinem, deinde populus: & genibus flexis ante Altare singulatim recipiunt cineres à Sacerdote, ut dictum est de Ministris. Completā Cinerum impositione Sacerdos dicit, Dominus vobiscum.*

*Orémus.*

**C**oncede nobis Domine, præsidia militiæ Christianæ sanctis inchoare jejuniis: ut contra spirituales nequities pugnaturi, continentia

continentiæ muniamur auxiliis. Per Christum Dominum nostrum. *R.* Amen.

*Deinde dicitur Missa.*

*Statio ad S. Sabinam.*

*Introitus.*

**M**isereris omnium Domine, & nihil odisti eorum quæ fecisti, dissimulans peccata hominum propter penitentiam, & parcens illis: quia tu es Dominus Deus noster. *Psalmus. Miserere mei Deus, miserere mei: quoniam in te confidit anima mea. \* Gloria Patri.*

*Oratio*

**P**raesta Domine fidelibus tuis: ut jejuniōrum veneranda solēnnia, & congrua pietate suscipiant, & secūra devotiōne percurrant. Per Dominum nostrum Jesum Christum.

*Ab hac die, usque ad Dominicam de Passione, post Orationem diei dicuntur duæ sequentes Orationes.*

*Ad poscenda suffragia Sanctorum.*

*Oratio.*

**A**c cunctis nos, quæsumus Domine, mentis & corporis defende periculis: & intercedente beata & gloriōsa semper virgine Dei genitrice Maria, cum beatis Apostolis tuis Petro & Paulo, atque beato *N.* & omnibus Sanctis, salutem nobis tribue benignus & pacem; ut, destructis adversitatibus & erroribus universis, Ecclesia tua secūra tibi serviat libertate.

*Pro vivis & defunctis.*

*Oratio.*

**O**Mnipotens sempiternus Deus, qui vivorum dominaris simul & mortuorum, omniumque misereris, quos tuos fide & opere futuros esse prænoscis: te supplices exoramus; ut, pro quibus effundere preces decrevimus, quosque vel præsens sæculum adhuc in carne retinet, vel futurum jam exutos corpore suscepit, intercedentibus omnibus Sanctis tuis, pietatis tuæ clementiā, omnium delictorum suorum veniam consequantur. Per Dominum nostrum Jesum Christum Filium tuum.

*Lectio Joëlis Prophetae.*

**H**æc dicit Dominus: Convertimini ad me in toto corde vestro, in jejūnio, & in fletu, & in planctu. Et scindite corda vestra, & non vestimenta vestra, & convertimini ad Dominum Deum vestrum: quia benignus & misericors est, patiens & multæ misericordiæ, & præstabilis super malitia. Quis scit si convertatur, & ignoscat, & relinquat post se benedictionem, sacrificium & libamen Domino Deo vestro? Canite tuba in Sion, sanctificate jejūnium; vocate cætum, congregate populum, sanctificate ecclesiam, coadunate senes, congregate parvulos, & fugentes ubera: egrediatur sponsus de cubili suo, & sponsa de thalamo suo. Inter vestibulum & altare plorabunt sacerdotes ministri Domini, & dicent: Parce Domine, parce populo tuo: & ne des hereditatem tuam in opprobrium, ut dominentur eis



eis nationes. Quare dicunt in pópulis: Ubi est Deus eórum? Zelátus est Dóminus terram suam, & pepércit pópulo suo. Et respóndit Dóminus, & dixit pópulo suo: Ecce ego mittam vobis fruméntum, & vinum, & óleum, & replebimini eis: & non dabo vos ultrà opprobrium in Géntibus: dicit Dóminus omnipotens.

**Graduale.** Miserère mei Deus, miserère mei: quóniam in te confidit ánima mea. *✠.* Misit de ccelo, & liberávit me: dedit in opprobrium conculcantes me.

**Tractus.** Dómine, non secúndum peccáta nostra, quæ fécimus nos: neque secúndum iniquitates nostras retribuas nobis. *✠.* Dómine, nè memíneris iniquitatum nostrárum antiquárum: citò anticipent nos misericórdiæ tuæ, quia páuperes facti sumus nimis. *✠.* Adjuva nos Deus salutáris noster: & propter glóriam nóminis tui Dómine, libera nos: & propítius esto peccátis nostris propter nomen tuum.

**Supradictus Tractus ab hac die dicitur Feria II. IV. & VI. usque ad Feriam IV. majoris Hebdomadæ, nisi proprius assignetur.**

### Sequéntia sancti Evangélii secúndum Matthæum.

**I**n illo témpore: Dixit Iesus discípulis suis: Cúm jejunátis, nolíte fieri sicut hypócritæ tristes. Exterminant enim fácies suas, ut appareant homínibus jejunantes. Amen dico vobis, quia receperunt mercèdem suam. Tu autem, cúm jejunas, unge caput tuum, & fá-

ciem tuam lava, nè videáris homínibus jejunans, sed Patri tuo, qui est in abscondito: & Pater tuus, qui videt in abscondito, reddet tibi. Nolíte thesaurizáre vobis thesauros in terra: ubi ærúgo, & tinea demolitur: & ubi fures effódiunt, & furántur. Thesaurizáte autem vobis thesauros in cælo: ubi neque ærúgo, neque tinea demolitur, & ubi fures non effódiunt, nec furantur. Ubi enim est thesaurus tuus, ibi est & cor tuum.

**Offertorium.** Exaltábo te Dómine, quóniam suscepisti me, nec delectásti inimicos meos super me: Dómine clamávi ad te, & sanásti me.

### Secreta.

**F**ac nos, quæsumus Dómine, his munéribus offerendis conveniénter aptári: quibus ipsius venerábilis sacraménti celebrámus exórdium. Per Dóminum.

**Alia Secreta usque ad Dominicam Passionis.**

**E**xáudi nos Deus salutáris noster: ut per hujus sacraménti virtutem, à cunctis nos mentis & corporis hóstibus tueáris; grátiam tribuens in præsentí, & glóriam in futuro.

**D**eus, cui soli cónitus est número electórum in superna felicitáte locándus: tribue quæsumus; ut intercedéntibus ómnibus Sanctis tuis, universórum, quos in oratióne commendátos suscepimus, & ómnium fidélium nómina, beátæ prædestinatiónis liber adscripta retíneat. Per Dóminum nostrum.

**Præfatio.** Qui corporáli jejunio.

Et

**Et dicitur quotidie usque ad Dominicam Passionis, etiam in Festis, si in eis propria non habeatur.**

**Communio.** Qui meditábitur in lege Dómini die ac nocte, dabit fructum suum in témpore suo.

### Postcommunio.

**P**ercépta nobis, Dómine, præbeant sacraménta subsidium: ut tibi grata sint nostra jejunia, & nobis proficiant ad medelam. Per Dóminum nostrum.

### Alia Postcommuniones.

**M**undet & múniat nos, quæsumus Dómine, divíni sacraménti munus oblátum: & intercedente beátâ Virgine Dei genitríce Mariâ, cum beátis Apóstolis tuis Petro & Paulo, atque beáto N. & ómnibus Sanctis; à cunctis nos reddat & perversitatibus expiátos, & adversitatibus expeditos.

**P**urificent nos, quæsumus omnipotens & misericors Deus, sacraménta quæ sumpsimus: & intercedéntibus ómnibus Sanctis tuis, præsta: ut hoc tuum sacramentum non sit nobis reátus ad pœnam, sed intercessio salutáris ad véniam: sit ablútio scelerum, sit fortitúdo fragílium, sit contra ómnia mundi perícula firmaméntum: sit vivórum atque mortuórum fidélium, remissio ómnium delictórum. Per Dóminum nostrum.

**Deinde Sacerdos absolute dicit: Orémus. Et Diaconus (si in Officio Diaconatus serviat) versus ad populum junctis manibus dicit: Humiliáte cápita vestra Deo. Alioquin ipse Sacerdos, stans in eodem loco ante librum, & non vertens se ad populum.**

### Oratio.

**I**nclinátes se, Dómine, majestáti tuæ, propitiátus inténde: ut qui divíno múnere sunt refécti, cceléstibus semper nutriántur auxiliis. Per Dóminum nostrum.

**Et hic modus dicendi Orationem super populum servatur tantummodo in Missis de Feria usque ad quartam Feriam majoris Hebdomadæ. Deinde**

**Benedicamus Dómino. *ry.* Deo gratias.**

## FERIA V.

*Statio ad S. Georgium.*

### Introitus.

**D**um clamárem ad Dóminum, exaudivit vocem meam ab his, qui appropínquant mihi: & humiliávit eos, qui est ante sæcula, & manet in ætérnum: iacta cogitatum tuum in Dómino, & ipse te enútriet. **Psalmus.** Exáudi Deus oratiónem meam, & nè despexeris deprecatió-nem meam: inténde mihi, & exáudi me. *✠.* Glória Patri.

### Oratio.

**D**eus, qui culpâ offénderis, pœnitentiâ placáris: preces pópuli tui supplicántis propítius respice; & flagélla tuæ iracúndiæ, quæ pro peccátis nostris merémur, avérte. Per Dóminum nostrum Iesum Christum Fílium tuum.

**Alia Orationes, ut supra in Feria IV. Cinerum. Pag. 71.**



## Lectio Isaïæ Prophætæ.

**I**n diebus illis: Ægrotavit Ezechias usque ad mortem: & introiit ad eum Isaïas filius Amos Propheta, & dixit ei: Hæc dicit Dominus: Dispone domui tuæ, quia morieris tu, & non vives. Et convertit Ezechias faciem suam ad parietem, & oravit ad Dominum, & dixit: Obsecro Domine, memento quæso, quomodo ambulaverim coram te in veritate, & in corde perfecto, & quod bonum est in oculis tuis fecerim. Et flevit Ezechias fletu magno. Et factum est verbum Domini ad Isaïam, dicens: Vade, & dic Ezechia: Hæc dicit Dominus Deus David patris tui: Audi vi orationem tuam, & vidi lachrymas tuas: ecce ego adjiciam super dies tuos quindecim annos: & de manu regis Assyriorum eruam te, & civitatem istam, & protegam eam, ait Dominus omnipotens.

**Graduale.** Jacta cogitatum tuum in Domino, & ipse te enutriet. *Psalm. 54.*  
*✠.* Dum clamarem ad Dominum, exaudivit vocem meam ab his, qui appropinquant mihi.

**Sequentia sancti Evangelii secundum Matthæum.**

**I**n illo tempore: Cum introisset Jesus Capharnaum, accessit ad eum Centurio, rogans eum, & dicens: Domine, puer meus jacet in domo paralyticus, & male torquetur. Et ait illi Jesus: Ego veniam, & curabo eum. Et respondens Centurio, ait: Domine, non sum dignus, ut intres sub tectum meum: sed tantum dic verbo, & sanabitur puer meus. Nam & ego homo sum

sub potestate constitutus, habens sub me milites, & dico huic: Vade, & vadit: & alii, Veni, & venit: & servo meo, Fac hoc, & facit. Audiens autem Jesus miratus est, & sequentibus se dixit: Amen dico vobis, non inveni tantam fidem in Israël. Dico autem vobis, quod multi ab Oriente & Occidente venient, & recumbent cum Abraham, & Isaac, & Jacob in regno celorum: filii autem regni ejicientur in tenebras exteriores: ibi erit fletus, & stridor dentium. Et dixit Jesus Centurioni: Vade, & sicut credidisti, fiat tibi. Et sanatus est puer in illa hora.

**Offertorium.** Ad te Domine levavi animam meam: Deus meus in te confido, non erubescam: neque irideant me inimici mei: etenim universi, qui te expectant, non confundentur. *Psalm. 24.*

**Secreta.**  
**S**acrificiis presentibus, Domine quæsumus, intende placatus: ut & devotioni nostræ proficiant, & salutem. Per Dominum nostrum.

**Alia Secreta, ut in Feria IV. Cinerum. Pag. 72.**

**Communio.** Acceptabis sacrificium justitiæ, oblationes, & holocausta, super altare tuum Domine. *Psalm. 10.*

**Postcommunio.**  
**C**oelæstis doni benedictione percipere, supplices te Deus omnipotens deprecamur: ut hoc idem nobis & sacramenti causa sit, & salutis. Per Dominum nostrum.

**Alia Postcommuniones, ut in Feria IV. Cinerum. Pag. 73.**

**Super populum.** Oremus.  
 Humiliare capita vestra Deo.

Oratio.

## Oratio.

**P**arce Domine, parce populo tuo: ut dignis flagellationibus castigatus, in tua miseratione respiret. Per Dominum nostrum.

## FERIA VI.

Statio ad SS. Joannem & Paulum.

## Introitus.

**A**udivit Dominus, & misertus est mihi: Dominus factus est adjutor meus. *Psalm. 124.*  
**E**xaltabo te

Domine, quoniam suscepisti me: nec delectasti inimicos meos super me. *✠.* Gloria Patri.

## Oratio.

**I**nchoata jejunia, quæsumus Domine, benigno favore proficere: ut observantiam, quam corporaliter exhibemus, mentibus etiam sinceris exercere valeamus. Per Dominum nostrum.

**Alia Orationes, ut in Feria IV. Cinerum. Pag. 71.**

## Lectio Isaïæ Prophætæ.

**H**æc dicit Dominus Deus: Clama, ne cesses: quasi tuba exalta vocem tuam, & annuntia populo meo scelera eorum, & domui Jacob peccata eorum. Me etenim de die in diem quærunt, & scire vias meas volunt: quasi gens, quæ justitiam fecerit, & iudicium Dei sui non dereliquerit: rogant me iudicia justitiæ: appropinquare Deo volunt. Quare jejunavimus, & non aspexisti: humiliavimus animas nostras, & nescisti? Ecce in die jeju-

nii vestri invenitur voluntas vestra, & omnes debitores vestros repetitis. Ecce ad lites & contentiones jejunatis & percutitis pugnoni impiè. Nolite jejunare sicut usque ad hanc diem, ut audiatur in excelsis clamor vester. Numquid tale est jejunium, quod elegi, per diem affligere hominem animam suam? numquid contorquere quasi circulum caput suum, & saccum & cinerem sternere? numquid istud vocabis jejunium, & diem acceptabilem Domino? Nonne hoc est magis jejunium quod elegi? dissolve colligationes impietatis, solve fasciculos deprimentes; dimitte eos, qui confracti sunt, liberos, & omne onus dirumpe. Frange esurienti panem tuum, & egenos vagosque induc in domum tuam: cum videris nudum, operi eum; & carnem tuam ne despexeris. Tunc erumpet quasi mane lumen tuum, & sanitas tua citius oriatur, & anteibit faciem tuam justitia tua, & gloria Domini colliget te. Tunc invocabis, & Dominus exaudiet: clamabis, & diceret: Ecce adsum. Quia misericors sum, Dominus Deus tuus.

**Graduale.** Unam petii à Domino, hanc requiram, ut inhabitem in domo Domini. *✠.* Ut videam voluptatem Domini: & protegar à templo sancto ejus. *Psalm. 26.*

**Tractus.** Domine, non secundum peccata nostra, quæ fecimus nos: neque secundum iniquitates nostras retribuas nobis. *✠.* Domine, ne memineris iniquitatum nostrarum antiquarum: cito antici-

K 2

pent



pent nos misericórdiæ tuæ, quia pauperes facti sumus nimis. **Ps.** Adjuva nos Deus salutaris noster: & propter glóriam nóminis tui Dómine libera nos: & propitius esto peccátis nostris, propter nomen tuum.

### Sequéntia sancti Evangélíi secúndum Matthæum.

**Matt. 23. g.** **I**N illo témpore: dixit Jesus discipulis suis: Audistis quia dictum est: Diliges próximum tuum, & ódio habébis inimicum tuum. Ego autem dico vobis: Diligite inimicos vestros, benefacite his qui odérunt vos: & oráte pro persequentibus, & calumniántibus vos: ut sitis filii Patris vestri, qui in cælis est: qui solem suum oriri facit super bonos & malos: & pluit super justos & iniustos. Si enim diligitis eos qui vos diligunt, quam mercèdem habébitis? nóne & publicáni hoc faciunt? Et si salutaveritis fratres vestros tantum, quid amplius facitis? nóne & ethnici hoc faciunt? Estote ergo vos perfecti, sicut & Pater vester cælestis perfectus est. Atténdite ne justitiam vestram faciátis coram homínibus, ut videámini ab eis: alióquin mercèdem non habébitis apud Patrem vestrum, qui in cælis est. Cum ergo facis eleémosynam, noli tubá canere ante te, sicut hypócritæ faciunt in synagógis, & in vicis, ut honorificentur ab homínibus. Amen dico vobis, receperunt mercèdem suam. Te autem faciente eleémosynam, nésciat sinistra tua quid faciat dextera tua: ut sit eleémósyna tua in

abscondito, & Pater tuus, qui videt in abscondito, reddet tibi.

**Offertorium.** Dómine, vivifica me secúndum elóquium tuum: ut sciam testimónia tua.

#### Secreta.

**S**acrificium, Dómine, observántiæ quadragesimális, quod offerimus, præsta quæsumus, ut tibi & mentes nostras reddat acceptas, & continentíæ promptiórís nobis tribuat facultatem. Per Dóminum nostrum.

**Alia Secreta, ut in Feria IV. Cinerum. Pag. 72.**

**Communio.** Servíte Dómino in timóre, & exultáte ei cum tremóre: apprehéndite disciplinam, ne pereátis de via justa.

#### Postcommunio.

**S**píritum nobis, Dómine, tuæ charitátis infúnde: ut, quos uno pane cælesti satiásti, tua facias pietáte concordes. Per Dóminum nostrum Jesum Christum Fílium tuum, Qui tecum vivit & regnat in unitáte ejusdem Spíritus Sancti Deus, per ómni sæcula sæculórum. **R.** Amen.

**Alia Postcommuniones, ut in Feria IV. Cinerum. Pag. 73.**

**Super populum.** Orémus. Humiliáte cápita vestra Deo.

#### Oratio.

**T**uere Dómine pópulum tuum, & ab ómnibus peccátis clementer emúnda: quia nulla ei nocébit advérsitas, si nulla ei dominetur iniquitas. Per Dóminum nostrum Jesum Christum Fílium tuum, Qui tecum vivit.

## SABBATO.

Statio ad S. Triphonem.

### Introitus.



Udívit Dóminus, & misértus est mihi: Dóminus factus est adjutor meus. **Psalmus.** Exaltábo te

Dómine, quóniam suscepísti me: nec delectásti inimicos meos super me. **Ps.** Glória Patri.

### Oratio.

**A**desto Dómine supplicatióibus nostris, & concède: ut hoc solémne jejunium, quod animabus corporibusque curándis salúbriter institútum est, devóto servítio celebrémus. Per Dóminum nostrum.

**Alia Orationes, ut in Feria IV. Cinerum. Pag. 71.**

### Lectio Isaiæ Prophætæ.

**H**æc dicit Dóminus Deus: Si abstúleris de médio tui catenam, & desieris exténdere dígitum, & loqui quod non prodest. Cum effúderis esuriénti ánimam tuam, & ánimam afflíctam repléveris, oriétur in ténébris lux tua, & ténébræ tuæ erunt sicut merídiæ. Et réquiem tibi dabit Dóminus semper, & implébit splendóribus ánimam tuam, & ossa tua liberábit; & eris quasi hortus irriguus, & sicut fons aquarum, cujus non deficient aquæ. Et ædificabúntur in te deserta sæculórum: fundaménta generatiónis & generatiónis suscitábis: & vocáberis ædificátor sépium, avértens semitas in quiétem. Si

avérteris à sabbato pedem tuum, facere voluntátem tuam in die sancto meo, & vocáveris sabbatum delicátum, & sanctum Dómini gloriósum, & glorificáveris eum dum non facis vias tuas, & non invenitur voluntas tua, ut loquáris sermónem: Tunc delectáberis super Dómino, & sustollam te super altitúdines terræ, & cibábo te hereditáte Jacob patris tui. Os enim Dómini locútum est.

**Graduale.** Unam pétii à Dómino, hanc requíram, ut inhábitem in domo Dómini. **Ps.** Ut vídeam voluntátem Dómini: & prótegar à templo sancto ejus.

### Sequéntia sancti Evangélíi secúndum Marcum.

**I**N illo témpore: Cum serò esset, erat navis in médio mari, & Jesus solus in terra. Et videns discipulos suos laborántes in remigándo (erat enim ventus contrarius eis) & circa quartam vigíliam noctis venit ad eos ámbulans supra mare: & volébat præterire eos. At illi ut vidérunt eum ambulántem supra mare, putavérunt phantásma esse, & exclamavérunt. Omnes enim vidérunt eum, & conturbáti sunt. Et statim locútus est cum eis, & dixit eis: Confidite, ego sum, nolíte timére. Et ascendit ad illos in navim, & cessávit ventus. Et plus magis intra se stupébant: non enim intellexérunt de panibus: erat enim cor eórum obcæcátum. Et cum transfretássent, venérunt in terram Genésareth, & applicuerunt. Cúmque egréssi essent de naví, continuò cognovérunt eum:



& percurrentes universam regionem illam, cepérunt in grabatis eos, qui se malè habébant, circumferre, ubi audiébant eum esse. Et quocúmque introibat, in vicos, vel in villas, aut civitates, in platéis ponébant infirmos, & deprecabántur eum, ut vel fimbriam vestimentí ejus tangerent: & quotquot tangébant eum, salvi fiebant.

**Offertorium.** Dómine, vivífica me secundum eloquium tuum: ut sciam testimónia tua.

**Secreta.**

**S**uscipe Dómine sacrificium, cuius te voluisti dignanter immolatione placari: presta quæsumus, ut hujus operatione mundati, beneplacitum tibi nostræ mentis offeramus affectum. Per Dóminum nostrum Jesum Christum Filium tuum.

**Alia Secreta, ut in Feria IV. Cinerum. Pag. 72.**

**Communio.** Servite Dómino in timóre, & exultate ei cum tremóre: apprehendite disciplinam, nè pereatis de via justa.

**Postcommunio.**

**C**œlestis vitæ múnere vegetati, quæsumus Dómine: ut quod est nobis in præsentí vita mysterium, fiat æternitatis auxilium. Per Dóminum nostrum Jesum Christum Filium tuum: Qui tecum.

**Alia Postcommuniones, ut in Feria IV. Pag. 73.**

**Super populum.** Oremus.  
Humiliáte capita vestra Deo.

**Oratio.**

**F**ideles tui Deus, per tua dona firméntur: ut eadem & perci-

piendo requirant, & quærendo finè fine percipiant. Per Dóminum nostrum.

## DOMINICA I.

**In Quadragesima.**

**Statio ad S. Joannem in Laterano.**

**Introitus**

**I**nvocabit me, & ego exaudiam eum: eripiam eum, & glorificabo eum: longitudine dierum adimplébo eum. **Psalms.** Qui

habitat in adjutorio Altissimi: in protectione Dei celi commorabitur. **Gloria Patri.**

**Oratio.**

**D**EUS, qui Ecclesiam tuam annua quadragesimali observatione purificas: presta familiæ tuæ: ut quod à te obtinere abstinendo nititur, hoc bonis operibus exquatur. Per Dóminum nostrum Jesum Christum Filium tuum.

**Ad poscenda suffragia Sanctorum.**

**Oratio.**

**A**cunctis nos, quæsumus Dómine, mentis & corporis defende periculis: & intercedente beata & gloriósa semper Virgine Dei genitrice María, cum beatis Apóstolis tuis Petro & Paulo, atque beato N. & omnibus Sanctis, salutem nobis tribue benignus & pacem; ut, destrúctis adversitatibus & erroribus universis, Ecclesia tua securá tibi sérviat libertate.

**Pro vivis & defunctis. Oratio.**

**O**mnípotens sempitérne Deus, qui vivorum domináris si-

mul

mul & mortuorum, omniumque miseris, quos tuos fide & opere futuros esse prænocis: te supplices exoramus; ut, pro quibus effundere preces decrévimus, quosque vel præsens sæculum adhuc in carne retinet, vel futurum jam exutos corpore suscepit, intercedentibus omnibus Sanctis tuis, pietatis tuæ clementia, omnium delictorum suorum veniam consequantur. Per Dóminum nostrum Jesum Christum Filium tuum.

**Lectio Epistolæ Beati Pauli**  
Apóstoli ad Corinthios.

**F**ratres, Exhortamur vos, nè in vacuum grátiam Dei recipiatis. Ait enim: Témpe accépto exaudivi te, & in die salutis adjuvi te. Ecce nunc tempus acceptabile, ecce nunc dies salutis. Nemi dantes ullam offensiónem, ut non vituperetur ministérium nostrum: sed in omnibus exhibeamus nosmetipsos sicut Dei ministros, in multa patientia, in tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in jejuniis, in castitate, in scientia, in longanimitate, in suavitate, in Spiritu Sancto, in charitate non ficta, in verbo veritatis, in virtute Dei, per arma justitiæ à dextris, & à sinistris; per glóriam, & ignobilitatem; per infamiam, & bonam famam; ut seductores, & veraces: sicut qui ignoti, & cogniti: quasi morientes, & ecce vivimus: ut castigati, & non mortificati: quasi tristes, semper autem gaudentes; sicut egentes, multos

autem locupletantes: tanquam nihil habentes, & omnia possidentes.

**Graduale.** Angelis suis Deus mandavit de te, ut custodiant te in omnibus viis tuis. **In** manibus portabunt te, nè unquam offendas ad lapidem pedem tuum.

**Tractus.** Qui habitat in adjutorio Altissimi, in protectione Dei celi commorabitur. **Dicet Dómino:** Susceptor meus es tu, & refugium meum, Deus meus sperabo in eum. **Quoniam** ipse liberavit me de laqueo venantium, & à verbo aspero. **Scapulis** suis obumbrabit tibi, & sub pennis ejus sperabis. **Scuto** circumdabit te veritas ejus: non timebis à timóre nocturno. **A sagitta** volante per diem, à negotio perambulante in tenebris, à ruína & demonio meridiáno. **Cadent** à latere tuo mille, & decem millia à dextris tuis: tibi autem non appropinquabit. **Quoniam** Angelis suis mandavit de te, ut custodiant te in omnibus viis tuis. **In** manibus portabunt te, nè unquam offendas ad lapidem pedem tuum. **Super aspidem & basiliscum** ambulabis, & conculcabis leonem & draconem. **Quoniam** in me speravit, liberabo eum: protegam eum, quoniam cognovit nomen meum. **Invocabit** me, & ego exaudiam eum: cum ipso sum in tribulatione. **Erípiam** eum, & glorificabo eum: longitudine dierum adimplébo eum: & ostendam illi salutare meum.

**Sequentia**



Sequentia sancti Evangelii  
secundum Matthæum.

**I**N illo tempore: Ductus est Jesus in desertum à Spiritu, ut tentaretur à diabolo. Et cum jejunasset quadraginta diebus, & quadraginta noctibus, postea esuriit. Et accedens tentator, dixit ei: Si Filius Dei es, dic ut lapides isti panes fiant. Qui respondens, dixit: Scriptum est: Non in solo pane vivit homo: sed in omni verbo, quod procedit de ore Dei. Tunc assumpsit eum diabolus in sanctam civitatem, & statuit eum super pinnaculum templi, & dixit ei: Si Filius Dei es, mitte te deorsum. Scriptum est enim: Quia Angelis suis mandavit de te, & in manibus tollent te, ne forte offendas ad lapidem pedem tuum. Ait illi Jesus: Rursum scriptum est: Non tentabis Dominum Deum tuum. Iterum assumpsit eum diabolus in montem excelsum valde: & ostendit ei omnia regna mundi, & gloriam eorum, & dixit ei: Hæc omnia tibi dabo, si cadens adoraveris me. Tunc dicit ei Jesus: Vade Satana: Scriptum est enim: Dominum Deum tuum adorabis, & illi soli servies. Tunc reliquit eum diabolus: & ecce Angeli accesserunt, & ministrabant ei. **Credo.**

**Offertorium.** Scâpulis suis obumbrabit tibi Dominus, & sub penis ejus sperabis? scuto circumdabit te veritas ejus.

## Secreta.

**S**acrificium quadragesimalis initii sollemniter immolamus, te Domine deprecantes: ut cum epu-

larum restrictione carnalium, à noxiis quoque voluptatibus temperemus. Per Dominum nostrum.

## Alia Secreta.

**E**Xaudi nos Deus salutaris noster: ut per hujus sacramenti virtutem, à cunctis nos mentis & corporis hostibus tuearis; gratiam tribuens in presenti, & gloriam in futuro.

**D**EUS, cui soli cognitus est numerus electorum in superna felicitate locandus: tribue quaesumus; ut intercedentibus omnibus Sanctis tuis, universorum, quos in oratione commendatos suscepimus, & omnium fidelium nomina, beata predestinationis liber adscripta retineat. Per Dominum nostrum.

**Communio.** Scâpulis suis obumbrabit tibi Dominus, & sub penis ejus sperabis: scuto circumdabit te veritas ejus.

## Postcommunio.

**T**ui nos, Domine, sacramenti libatio sancta restauret: & à vetustate purgatos, in mysteriorum salutaris faciat transire consortium. Per Dominum nostrum.

## Alia Postcommuniones.

**M**undet & muniat nos, quaesumus Domine, divini sacramenti munus oblatum: & intercedente beata Virgine Dei genitrice Maria, cum beatis Apóstolis tuis Petro & Paulo, atque beato N. & omnibus Sanctis; à cunctis nos reddat & perversitatibus expiâtos, & adversitatibus expeditos.

**P**urificent nos, quaesumus omnipotens & misericors Deus, sacramenta quæ sumpsimus: & intercedentibus omnibus Sanctis tuis,

præsta;

præsta; ut hoc tuum sacramentum non sit nobis reatus ad penam, sed intercessio salutaris ad veniam: sit ablutio scelerum, sit fortitudo fragilium, sit contra omnia mundi pericula firmamentum: sit vivorum atque mortuorum fidelium, remissio omnium delictorum. Per Dominum nostrum.

## FERIA II.

Statio ad S. Petrum ad Vincula.

## Introitus.

**S**icut oculi servorum in manibus dominorum suorum: ita oculi nostri ad Dominum Deum nostrum, donec misereatur nobis: miserere nobis Domine, miserere nobis. **Psalmus.** Ad te levavi oculos meos: qui habitas in cælis. **Gloria Patri.**

## Oratio.

**C**onverte nos Deus salutaris noster: & ut nobis jejunium quadragesimale proficiat, mentes nostras cælestibus instrue disciplinis. Per Dominum nostrum Jesum Christum Filium tuum.

**Alia Orationes ut in Dominica præcedenti. Pag. 78.**

## Lectio Ezechiëlis Prophætæ.

**H**æc dicit Dominus Deus: Ecce ego ipse requiram oves meas, & visitabo eas. Sicut visitat pastor gregem suum, in die quando fuerit in medio ovium suarum dissipatarum: sic visitabo oves meas, & liberabo eas de omnibus lo-

cis, in quibus dispersæ fuerant in die nubis & caliginis. Et educam eas de populis, & congregabo eas de terris, & inducam eas in terram suam: & pascam eas in montibus Israël, in rivis, & in cunctis sedibus terræ. In pascuis uberrimis pascam eas, & in montibus excelsis Israël erunt pascua earum: ibi requiescent in herbis virentibus, & in pascuis pinguibus pascuntur super montes Israël. Ego pascam oves meas: & ego eas accubare faciam, dicit Dominus Deus. Quod perierat, requiram, & quod abjectum erat, reducam, & quod confractum fuerat, alligabo, & quod infirmum fuerat, consolidabo, & quod pingue & forte, custodiam: & pascam illas in iudicio, dicit Dominus omnipotens.

**Graduale.** Protector noster aspice Deus, & respice super servos tuos. **Gloria.** Domine Deus virtutum, exaudi preces servorum tuorum.

**Tractus.** Domine, non secundum peccata nostra, quæ fecimus nos: neque secundum iniquitates nostras retribuas nobis. **Gloria.** Domine, ne memineris iniquitatum nostrarum antiquarum: cito anticipent nos misericordie tue, quia pauperes facti sumus nimis. **Gloria.** Adjuva nos Deus salutaris noster: & propter gloriam nominis tui Domine, libera nos: & propitius esto peccatis nostris propter nomen tuum.

Sequentia sancti Evangelii  
secundum Matthæum.

**I**N illo tempore: Dixit Jesus discipulis suis: Cum venerit Fi-

L

lius



lius hominis in maiestate sua, & omnes Angeli cum eo, tunc sedebit super sedem maiestatis sue: & congregabuntur ante eum omnes gentes, & separabit eos ab invicem, sicut pastor segregat oves ab hædis: & statuet oves quidem à dextris suis, hædos autem à sinistris. Tunc dicet Rex his, qui à dextris ejus erunt: Venite Benedicti Patris mei, possidete paratum vobis regnum à constitutione mundi. Esurivi enim, & dedistis mihi manducare: sitiivi, & dedistis mihi bibere: hospes eram, & collegistis me: nudus, & cooperuistis me: infirmus, & visitastis me: in carcere eram, & venistis ad me. Tunc respondebunt ei iusti, dicentes: Domine, quando te vidimus esuriëntem, & pavimus te: sitiëntem, & dedimus tibi potum? quando autem te vidimus hospitem, & collegimus te: aut nudum, & cooperuimus te? aut quando te vidimus infirmum, aut in carcere, & venimus ad te? Et respondens Rex, dicet illis: Amen dico vobis, quamdiu fecistis uni ex his fratribus meis minimis, mihi fecistis. Tunc dicet & his, qui à sinistris erunt: Discédite à me maledicti in ignem ætérnum, qui paratus est diabolo, & angelis ejus. Esurivi enim, & non dedistis mihi manducare: sitiivi, & non dedistis mihi potum: hospes eram, & non collegistis me: nudus, & non cooperuistis me: infirmus, & in carcere, & non visitastis me. Tunc respondebunt ei & ipsi, dicentes: Domine, quando te vidimus esuriëntem, aut sitiëntem, aut hospi-

tem, aut nudum, aut infirmum, aut in carcere, & non ministravimus tibi? Tunc respondebit illis, dicens: Amen dico vobis: Quamdiu non fecistis uni de minoribus his, nec mihi fecistis. Et ibunt hi in supplicium ætérnum; iusti autem in vitam ætérnam.

**Offertorium.** Levabo oculos meos, & considerabo mirabilia tua Domine, ut doceas me iustitias tuas: da mihi intellectum, & discam mandata tua.

**Secreta.**

**M**unera tibi Domine oblata sanctifica: nósque à peccatorum nostrorum maculis emunda. Per Dominum nostrum Jesum Christum Filium tuum.

**Alia Secreta ut in Dominica præcedenti. Pag. 80.**

**Communio.** Amen dico vobis, quod uni ex minimis meis fecistis, mihi fecistis: venite Benedicti Patris mei, possidete paratum vobis regnum ab initio sæculi.

**Postcommunio.**

**S**alutaris tui, Domine, munere satiati, supplices exoramus: ut cujus letamur gustu, renovemur effectu. Per Dominum nostrum Jesum Christum Filium tuum.

**Alia Postcommuniones ut in Dominica præcedenti. Pag. 80.**

**Super populum.** Oremus. Humiliate capita vestra Deo.

**Oratio.**

**A**bsolve, quæsumus Domine, nostrorum vincula peccatorum: & quidquid pro eis meremur, propitiatus averte. Per Dominum nostrum Jesum Christum Filium tuum: Qui tecum vivit.

FERIA

## FERIA III.

Statio ad S. Anastasiam.

**Introitus.**



Psal. 89.

Ibid.

**D**omine, refugium factus es nobis à generatione & progénie: à sæculo & in sæculum tu es.

**Psal. mus.** Priusquam montes fierent, aut formaretur terra & orbis: à sæculo & usque in sæculum tu es Deus. ✠. Gloria Patri.

**Oratio.**

**R**espice Domine familiam tuam, & presta: ut apud te mens nostra tuo desiderio fulgeat, quæ se carnis maceratione castigat. Per Dominum nostrum.

**Alia Orationes, ut in Dominica præcedenti. Pag. 78.**

**Lectio Isaiæ Prophætæ.**

Isaiæ 55. b.

**I**n diebus illis: Locutus est Isaias Prophæta, dicens: Quærite Dominum, dum inveniri potest: invocate eum, dum propè est. Derelinquat impius viam suam, & vir iniquus cogitationes suas, & revertatur ad Dominum, & miseretur ejus, & ad Deum nostrum: quoniam multus est ad ignoscendum. Non enim cogitationes meæ, cogitationes vestræ: neque via vestra, via mea, dicit Dominus. Quia sicut exaltantur cæli à terra, sic exaltata sunt via mea à viis vestris, & cogitationes meæ à cogitationibus vestris. Et quomodo descendit imber, & nix de cælo, & illuc ultra non revertitur, sed inebriat terram, & infundit eam, &

germinare eam facit, & dat semen ferenti, & panem comedenti: sic erit verbum meum, quod egredietur de ore meo: non revertetur ad me vacuum, sed faciet quæcunque volui, & prosperabitur in his, ad quæ misi illud: ait Dominus omnipotens.

**Graduale.** Dirigatur oratio mea, sicut incensum in conspectu tuo, Domine. ✠. Elevatio manuum mearum, sacrificium vespertinum.

**Sequentia sancti Evangelii secundum Matthæum.**

**I**n illo tempore: Cum intrasset Jesus Jerosolymam, commota est universa civitas, dicens: Quis est hic? Populi autem dicebant: Hic est Jesus Prophæta à Nazareth Galilææ. Et intravit Jesus in templum Dei, & ejiciebat omnes vendentes, & ementes in templo; & mensas numulariorum, & cathedras vendentium columbas evertit: & dicit eis: Scriptum est: Domus mea domus orationis vocabitur: vos autem fecistis illam speluncam latronum. Et accesserunt ad eum cæci, & claudi in templo: & sanavit eos. Videntes autem Principes sacerdotum, & Scribæ, mirabilia quæ fecit, & pueros clamantes in templo, & dicentes: Hosanna Filio David: indignati sunt, & dixerunt ei: Audis quid isti dicunt? Jesus autem dixit eis: Utique. Nunquam legistis: Quia ex ore infantium & lactentium perfecisti laudem? Et relictis illis, abiit foras extra civitatem in Bethaniam: ibique mansit.

**Offertorium.** In te speravi Domine: L 2 mine:



mine: dixi: Tu es Deus meus, in manibus tuis tempora mea.

**Secreta.**

**O**blatis, quæsumus Dómine, placare munéribus: & a cunctis nos defende periculis. Per Dóminum nostrum.

**Alia Secreta, ut in Dominica præcedenti. Pag. 80.**

**Communio.** Cum invocarem te, exaudisti me, Deus iustitiæ meæ: in tribulatione dilatasti me: miserere mihi Dómine, & exaudi orationem meam.

**Postcommunio.**

**Q**uæsumus omnipotens Deus: ut illius salutâris capiâmus effectum, cujus per hæc mystéria pignus accepimus. Per Dóminum nostrum.

**Alia Postcommuniones, ut in Dominica præcedenti. Pag. 80.**

**Super populum. Orémus.**

Humiliâte capita vestra Deo.

**Oratio.**

**A**scendant ad te, Dómine, preces nostræ: & ab Ecclesiâ tuâ cunctam repelle nequitiam. Per Dóminum nostrum Jesum.

\*\*\*\*\*  
**FERIA IV.**  
**Quatuor Temporum Quadragesimæ.**

*Statio ad S. Mariam Majorem.*

**Introitus.**

**R**eminiscere miserationum tuarum Dómine, & misericordiæ tuæ, quæ a sæculo sunt: nè unquam dominentur nobis inimici nostri:

libera nos Deus Israël ex omnibus angustiiis nostris. **Psalms.** Ad te Dómine levavi animam meam: Deus meus in te confido, non erubescam. **Glória Patri.**

**Post Kyrie elíson. dicitur, Orémus.** Flectâmus genua. **Levâte.**

**Oratio.**

**P**reces nostras, quæsumus Dómine, clementer exaudi: & contra cuncta nobis adversantia, dexteram tuâ maiestatis extende. Per Dóminum nostrum Jesum Christum Filium tuum: Qui tecum.

**Lectio libri Exodi.**

**I**n dièbus illis: Dixit Dóminus ad Móysen: Ascende ad me in montem, & esto ibi: daboque tibi tabulas lapideas, & legem ac mandata quæ scripsi: ut doceas filios Israël. Surrexerunt Móyses & Josue minister ejus: ascendensque Móyses in montem Dei, senioribus ait: Expectate hîc donec revertamur ad vos. Habētis Aaron & Hur vobiscum: si quid natum fuerit quæstionis, referētis ad eos. Cumque ascendisset Móyses, operuit nubes montem, & habitavit glória Dómini super Sinai, tegens illum nube sex dièbus: septimo autem die vocavit eum de medio caliginis. Erat autem species gloriæ Dómini, quasi ignis ardens super verticem montis, in conspectu filiorum Israël. Ingressusque Móyses medium nebulæ, ascendit in montem: & fuit ibi quadraginta dièbus, & quadraginta noctibus.

**Graduale.** Tribulationes cordis mei dilatatae sunt: de necessitatibus meis eripe me Dómine. **Vide**

humili-

humilitatem meam, & laborem meum: & dimitte omnia peccata mea.

**Hic non dicitur, Flectâmus genua. sed V. Dóminus vobiscum.**

**Orémus. Oratio.**

**D**evotionem populi tui, quæsumus Dómine, benignus intende: ut, qui per abstinéntiam macerantur in corpore, per fructum boni operis reficiantur in mente. Per Dóminum nostrum.

**Alia Orationes, ut in Dominica præcedenti. Pag. 78.**

**Lectio libri Regum.**

**I**n dièbus illis: Venit Elías in Bersabée Juda, & dimisit ibi puerum suum, & perréxit in desertum, viam unius diéi. Cumque venisset, & sederet super unam juniperum, petivit animæ suæ ut moreretur, & ait: Súfficit mihi Dómine, tolle animam meam: neque enim melior sum, quam patres mei. Proiecitque se, & obdormivit in umbra juniperi, & ecce Angelus Dómini tetigit eum, & dixit illi: Surge, & comede. Respexit, & ecce ad caput suum subcinericius panis, & vas aquæ: comedit ergo & bibit, & rursum obdormivit. Reversusque est Angelus Dómini secundo, & tetigit eum, dixitque illi: Surge, comede: grandis enim tibi restat via. Qui cum surrexisset, comedit & bibit, & ambulavit in fortitudine cibi illius quadraginta dièbus, & quadraginta noctibus, usque ad montem Dei Horeb.

**Tractus.** De necessitatibus meis eripe me Dómine, vide humilitatem meam, & laborem meum, &

dimitte omnia peccata mea. **V. Ad te Dómine levavi animam meam: Deus meus in te confido, non erubescam: neque irrideant me inimici mei. V. Etenim universi, qui te expectant, non confundentur: confundantur omnes facientes vana.**

**Sequentia sancti Evangelii**  
secundum Matthæum.

**I**n illo tempore: Respondérunt Jesu quidam de Scribis & Phariseis, dicentes: Magister, volumus à te signum vidére. Qui respondens, ait illis: Generatio mala & adultera signum quærit: & signum non dabitur ei, nisi signum Jonæ Prophætæ. Sicut enim fuit Jonas in ventre ceti tribus dièbus, & tribus noctibus; sic erit Filius hominis in corde terræ tribus dièbus, & tribus noctibus. Viri Ninivite surgent in iudicio cum generatione ista, & condemnabunt eam: quia pœnitentiam egerunt in prædicatione Jonæ. Et ecce plus quam Jonas hic. Regina Austri surget in iudicio cum generatione ista, & condemnabit eam: quia venit à finibus terræ audire sapiéntiam Salomónis; & ecce plus quam Salomón hic. Cum autem immundus spiritus exierit ab homine, ambulat per loca arida, quærens requiem, & non invenit. Tunc dicit: Revertar in domum meam: unde exivi. Et veniens, invenit eam vacantem, scopis mundatam, & ornâtam. Tunc vadit, & assumit septem alios spiritus secum nequiores se, & intrantes habitant ibi: & fiunt novissima hominis illius

L 3

pejora



pejora prioribus. Sic erit & generatiōi huic pessimæ. Adhuc eo loquente ad turbas, ecce mater ejus & fratres stabant foris, quærentes loqui ei. Dixit autem ei quidam: Ecce mater tua, & fratres tui foris stant, quærentes te. At ipse respondens dicenti sibi, ait: Quæ est mater mea, & qui sunt fratres mei? Et extendens manum in discipulos suos, dixit: Ecce mater mea, & fratres mei. Quicumque enim fecerit voluntatem Patris mei, qui in cœlis est: ipse meus frater, & soror, & mater est.

**Offertorium.** Meditabor in mandatis tuis, quæ dilexi valde: & levabo manus meas ad mandata tua, quæ dilexi.

**Secreta.**

**H**ostias tibi, Domine, placationis offerimus: ut & delicta nostra miseratus absolvas, & tantia corda tu dirigas. Per Dominum nostrum Jesum Christum Filium tuum: Qui tecum vivit & regnat.

**Alia Secreta, ut in Dominica præcedenti. Pag. 80.**

**Communio.** Intellige clamorem meum: intende voci orationis meæ, Rex meus, & Deus meus: quoniam ad te orabo Domine.

**Postcommunio.**

**T**ui Domine perceptione sacramenti, & a nostris mundemur occultis, & ab hostium liberemur insidiis. Per Dominum nostrum Jesum Christum Filium tuum: Qui tecum vivit.

**Alia Postcommuniones, ut in Dominica præcedenti. Pag. 80.**

**Super populum. Orémus.**

Humiliate capita vestra Deo.

**Oratio.**

**M**entes nostras, quæsumus Domine, lumine tuæ claritatis illustra: ut videre possimus, quæ agenda sunt, & quæ recta sunt, agere valeamus. Per Dominum nostrum Jesum Christum Filium tuum: Qui tecum vivit & regnat in unitate Spiritus Sancti.

**FERIA V.**

Statio ad S. Laurentium in paneperna.

**Introitus.**

Confessio & pulchritudo in conspectu ejus: sanctitas & magnificentia in sanctificatione ejus.

**Psalmus.** Cantate Domino canticum novum: cantate Domino omnis terra. **V.** Gloria Patri.

**Oratio.**

**D**evotionem populi tui, quæsumus Domine, benignus intende: ut qui per abstinentiam macerantur in corpore, per fructum boni operis reficiantur in mente. Per Dominum nostrum.

**Alia Orationes, ut in Dominica præcedenti. Pag. 78.**

**Lectio Ezechiëlis Prophætæ.**

**I**n diebus illis: Factus est sermo Domini ad me, dicens: Quid est quod inter vos parabola veritatis in proverbium istud in terra Israël, dicentes: Patres comedérunt uvam acerbam, & dentes fili

liorum

liorum obstupescunt? Vivo ego, dicit Dominus Deus, si erit ultra vobis parabola hæc in proverbium in Israël. Ecce omnes animæ, mea sunt: ut anima patris, ita & anima filii mea est: anima, quæ peccaverit, ipsa morietur. Et vir si fuerit justus, & fecerit judicium & justitiam, in montibus non comederit, & oculos suos non levaverit ad idola domus Israël: & uxorem proximi sui non violaverit, & ad mulierem menstruâtam non accesserit: & hominem non contristaverit: pignus debitori reddiderit: per vim nihil rapuerit: panem suum esurienti dederit, & nudum operuerit vestimentis: ad usuram non commodaverit, & amplius non acceperit: ab iniquitate averterit manum suam, & judicium verum fecerit inter virum & virum: in præceptis meis ambulaverit, & judicia mea custodierit, ut faciat veritatem: hic justus est, vitæ vivet, ait Dominus omnipotens.

**Graduale.** Custodi me Domine, ut pupillam oculi: sub umbra alarum tuarum protege me. **V.** De vultu tuo judicium meum prodeat: oculi tui videant æquitatem.

**Sequentia sancti Evangelii** secundum Matthæum.

**I**n illo tempore: Egressus Jesus secéssit in partes Tyri & Sidonis. Et ecce mulier Chananæa à finibus illis egressa clamavit, dicens ei: Miserere mei Domine fili David: filia mea malè à dæmonio vexatur. Qui non respondit ei verbum. Et accedentes discipuli ejus rogabant eum, dicentes: Dimitte eam, quia

clamat post nos. Ipse autem respondens, ait: Non sum missus nisi ad oves, quæ perierunt domus Israël. At illa venit, & adoravit eum, dicens: Domine adjuva me. Qui respondens, ait: Non est bonum sumere panem filiorum, & mittere canibus. At illa dixit: Etiam Domine: nam & canelli edunt de micis, quæ cadunt de mensa dominorum suorum. Tunc respondens Jesus, ait illi: O mulier, magna est fides tua: fiat tibi sicut vis. Et sanata est filia ejus ex illa hora.

**Offertorium.** Immittet Angelus Domini in circuitu timéntium eum, & eripiet eos; gustate, & videte, quoniam suavis est Dominus.

**Secreta.**

**S**acrificia, Domine quæsumus, propitius ista nos salvent, quæ medicinalibus sunt instituta jejuniis. Per Dominum nostrum.

**Alia Secreta, ut in Dominica præcedenti. Pag. 80.**

**Communio.** Panis, quem ego dederò, caro mea est pro sæculi vita.

**Postcommunio.**

**T**uorum nos, Domine, largitate donorum, & temporalibus attolle præsidiis, & renova sempiternis. Per Dominum nostrum Jesum Christum Filium tuum.

**Alia Postcommuniones, ut in Dominica præcedenti. Pag. 80.**

**Super populum. Orémus.**

Humiliate capita vestra Deo.

**Oratio.**

**D**A, quæsumus Domine, populis Christianis, & quæ profitentur agnoscere: & cælestem mu-

nus



nus diligere, quod frequentant. Per Dóminum nostrum Jesum Christum Filium tuum.

**FERIA VI.**  
**Quatuor Temporum Quadragesimæ.**

*Statio ad SS. duodecim Apostolos.*

**Introitus.**

**D**E necessitatibus meis éripe me Dómine: vide humilitatem meam, & labórem meum, & dimitte omnia peccata mea. *Psalmus.*

Ad te Dómine levávi animam meam: Deus meus in te confido, non erubescam. *Glória Patri.*

**Oratio.**

**E**sto, Dómine, propítius plebi tuæ: & quam tibi facis esse devótam, benigno réfove miserátus auxilio. Per Dóminum nostrum.

**Alia Orationes, ut in Dominica præcedenti. Pag. 78.**

**Lectio Ezechiélis Prophætæ.**

**H**æc dicit Dóminus Deus: Anima, quæ peccáverit, ipsa moriétur: filius non portábit iniquitatem patris, & pater non portábit iniquitatem filii: justitia iusti super eum erit, & impietas impii erit super eum. Si autem impius égerit peniténtiam ab ómnibus peccáts suis, quæ operátus est, & custodierit omnia præcépta mea, & fécerit iudicium & justitiam: vitá vivet, & non moriétur. Omnium iniquitatum ejus, quas operátus est, non

recordabor: in justitia sua, quam operátus est, vivet. Numquid voluntatis meæ est mors impii, dicit Dóminus Deus, & non ut convertatur à viis suis, & vivat? Si autem avérterit se justus à justitia sua, & fécerit iniquitatem secundum omnes abominatiónes, quas operári solet impius, numquid vivet? Omnes justitiæ ejus, quas fécerat, non recordabuntur: in prævaricatione, qua prævaricátus est, & in peccato suo, quod peccávit, in ipsis moriétur. Et dixístis: Non est æqua via Dómini. Audíte ergo domus Israël: Numquid via mea non est æqua, & non magis viæ vestræ pravæ sunt? Cum enim avérterit se justus à justitia sua, & fécerit iniquitatem, moriétur in eis: in injustitia, quam operátus est, moriétur. Et cum avérterit se impius ab impietate sua, quam operátus est, & fécerit iudicium & justitiam: ipse animam suam vivificábit. Considerans enim, & avértens se ab ómnibus iniquitatibus suis, quas operátus est, vitá vivet, & non moriétur, ait Dóminus omnipotens.

**Graduale.** Salvum fac servum tuum Deus meus sperántem in te.

*Psalmus.* Auribus percipe Dómine orationem meam.

**Tractus.** Dómine, non secundum peccata nostra, quæ fecimus nos: neque secundum iniquitates nostras retribuas nobis. *Psalmus.* Dómine, nè memineris iniquitatum nostrarum antiquarum: citò anticipent nos misericórdiæ tuæ, quia pauperes facti sumus nimis. *Psalmus.* Adjuva nos Deus salutaris noster:

& propter glóriam nóminis tui Dómine libera nos: & propítius esto peccáts nostris propter nomen tuum.

**Sequéntia sancti Evangelii secundum Joánnem.**

**I**n illo tempore: Erat dies festus Judæorum, & ascendit Jesus Jerosólymam. Est autem Jerosólymis probática piscína, quæ cognominatur Hebráicè Bethesda, quinque pórticus habens. In his jacébat multitúdo magna languéntium, cæcórum, claudórum, aridórum, expectántium aquæ motum. Angelus autem Dómini descendébat secundum tempus in piscinam: & movebátur aqua. Et qui prior descendisset in piscinam post motiònem aquæ, sanus fiebat à quacúmque detinebátur infirmitate. Erat autem quidam homo ibi, triginta & octo annos habens in infirmitate sua. Hunc cum vidisset Jesus jacéntem, & cognovisset quia jam multum tempus haberet, dicit ei: Vis sanus fieri? Respondit ei languidus: Dómine, hóminem non hábeo, ut cum turbata fuerit aqua, mittat me in piscinam: dum venio enim ego, álius ante me descendit. Dicit ei Jesus: Surge, tolle grabátum tuum, & ámbula. Et statim sanus factus est homo ille: & sustulit grabátum suum, & ambulábat. Erat autem sabbatum in die illo. Dicebant ergo Judæi illi qui sanátus fuerat: Sabbatum est, non licet tibi tollere grabátum tuum. Respondit eis: Qui me sanum fecit, ille mihi dixit: Tolle grabátum tuum, & ámbula. Interroga-

verunt ergo eum: Quis est ille homo, qui dixit tibi: Tolle grabátum tuum, & ámbula? Is autem, qui sanus fuerat effectus, nesciébatur quis esset. Jesus enim declinávit à turba constituta in loco. Postea invénit eum Jesus in templo, & dixit illi: Ecce sanus factus es: jam noli peccáre, nè deterius tibi aliquid contingat. Abiit ille homo: & nuntiávit Judæis, quia Jesus esset, qui fecit eum sanum.

**Offertorium.** Benedic ánima mea Dómino, & noli oblivisci omnes retributiónes ejus: & renovábitur, sicut áquilæ, juventus tua.

**Secreta.**

**S**uscipe, quæsumus Dómine, múnera nostris oblata servitiis: & tua propítius dona sanctifica. Per Dóminum nostrum.

**Alia Secreta, ut in Dominica præcedenti. Pag. 80.**

**Communio.** Erubescant, & conturbentur omnes inimici mei: avértantur retrórsim, & erubescant valde velociter.

**Postcommunio.**

**P**er hujus, Dómine, operatió-nem mystérii, & vítia nostra purgéntur, & iusta desidéria compleántur. Per Dóminum nostrum.

**Alia Postcommuniones, ut in Dominica præcedenti. Pag. 80.**

**Super populum.** Orémus. Humiliáte cápita vestra Deo.

**Oratio.**

**E**xaudi nos misericors Deus: & mentibus nostris grátia tua lumen osténde. Per Dóminum nostrum Jesum Christum Filium tuum: Qui tecum vivit & regnat.



## SABBATO.

Quatuor Temporum Quadragesimæ.

Statio ad S. Petrum.

Introitus.

**I**Ntret oratio mea in conspectu tuo: inclina aurem tuam ad preces meas, Domine. **Psal.** **mus.** Domine Deus salutis meæ: in die clamavi, & nocte coram te. **Ps.** Gloria Patri.

**Post Kyrie eleison, dicitur, Orémus.** Flectamus genua. **R.** Levate.

Oratio.

**P**opulum tuum, quæsumus Domine, propitius respice: atque ab eo flagella tuæ iracundiæ clementer averte. Per Dominum nostrum.

## Lectio libri Deuteronomii.

**I**N diebus illis: Locutus est Moyses ad populum, dicens: Quando compleveris decimam cunctarum frugum tuarum, loqueris in conspectu Domini Dei tui: Abstuli quod sanctificatum est de domo mea, & dedi illud Levitæ & advenæ, & pupillo ac viduæ, sicut iussisti mihi: non præterivi mandata tua, nec sum oblitus imperii tui. Obedivi voci Domini Dei mei, & feci omnia sicut præcepisti mihi. Respice de sanctuario tuo, & de excelso cælorum habitaculo, & benedic populo tuo Israël, & Terræ, quam dedisti nobis, sicut iurasti patribus nostris, terræ lacte & melle mananti. Hodie Dominus Deus

tuus præcepit tibi, ut facias mandata hæc atque iudicia: & custodias & impleas ex toto corde tuo, & ex tota anima tua. Dominum elegisti hodie, ut sit tibi Deus, & ambules in viis ejus, & custodias caeremonias illius, & mandata atque iudicia, & obedias ejus imperio. Et Dominus elegit te hodie, ut sis ei populus peculiaris, sicut locutus est tibi, & custodias omnia præcepta illius: & faciat te excelsum cunctis gentibus quas creavit in laudem, & nomen, & gloriam suam: ut sis populus sanctus Domini Dei tui, sicut locutus est.

**Graduale.** Propitius esto Domine peccatis nostris: ne quando dicant Gentes: Ubi est Deus eorum? **Ps.** Adjuva nos Deus salutaris noster, & propter honorem nominis tui Domine, libera nos. **Orémus.** Flectamus genua. **R.** Levate.

Oratio.

**P**rotector noster aspice Deus: ut qui malorum nostrorum pondere premimur, percepta misericordia, libera tibi mente famulemur. Per Dominum nostrum.

## Lectio libri Deuteronomii.

**I**N diebus illis: Dixit Moyses filiis Israël: Si custodieritis mandata, quæ ego præcipio vobis, & feceritis ea, ut diligatis Dominum Deum vestrum, & ambuletis in omnibus viis ejus, adherentes ei, disperdet Dominus omnes gentes istas ante faciem vestram, & possidebitis eas, quæ majores & fortiores vobis sunt. Omnis locus, quem calcaverit pes vester; vester erit.

A de-

A deserto, & à Libano, à flumine magno Euphrate, usque ad mare Occidentale erunt termini vestri. Nullus stabit contra vos: terrorem vestrum & formidinem dabit Dominus Deus vester super omnem terram quam calcaturi estis, sicut locutus est vobis Dominus Deus vester.

**Graduale.** Protector noster aspice Deus, & respice super servos tuos. **Ps.** Domine Deus virtutum, exaudi preces servorum tuorum. **Orémus.** Flectamus genua. **R.** Levate.

Oratio.

**A**desto, quæsumus Domine, supplicationibus nostris: ut esse, te largiente, mereamur & inter prospera humiles, & inter adversa securi. Per Dominum nostrum.

## Lectio libri Machabæorum.

**I**N diebus illis: Orationem faciebant omnes sacerdotes, dum consummaretur sacrificium, Jonathan inchoante, ceteris autem respondentibus. Et Nehemiæ erat oratio hunc habens modum: Domine Deus omnium creator, terribilis & fortis, justus & misericors, qui solus es bonus Rex, solus præstans, solus justus & omnipotens, & æternus, qui liberas Israël de omni malo, qui fecisti patres electos, & sanctificasti eos: accipe sacrificium pro universo populo tuo Israël, & custodi partem tuam, & sanctifica: ut sciant Gentes, quia tu es Deus noster.

**Graduale.** Convertere Domine aliquantulum, & deprecare super

servos tuos. **Ps.** Domine refugium factus es nobis à generatione & progenie. **Orémus.** Flectamus genua. **R.** Levate.

Oratio.

**P**reces populi tui, quæsumus Domine, clementer exaudi: ut qui iuste pro peccatis nostris affligimur, pro tui nominis gloria misericorditer liberemur. Per Dominum nostrum.

## Lectio libri Sapientie.

**M**iserere nostri Deus omnium, & respice nos, & ostende nobis lucem miserationum tuarum: & immitte timorem tuum super Gentes, quæ non exquisierunt te, ut cognoscant quia non est Deus nisi tu, & enarrent magnalia tua. Alleva manum tuam super Gentes alienas, ut videant potentiam tuam. Sicut enim in conspectu eorum sanctificatus es in nobis, sic in conspectu nostro magnificaberis in eis, ut cognoscant te, sicut & nos cognovimus, quoniam non est Deus præter te Domine. Innova signa, & immuta mirabilia. Glorifica manum, & brachium dextrum. Excita furorem, & effunde iram. Tolle adversarium, & afflige inimicum. Festina tempus, & memento finis, ut enarrent mirabilia tua, Domine Deus noster.

**Graduale.** Dirigatur oratio mea, sicut incensum in conspectu tuo Domine. **Ps.** Elevatio manuum mearum sacrificium vespertinum. **Orémus.** Flectamus genua. **R.** Levate.

Oratio.

**A**ctiones nostras, quæsumus Domine, aspirando præveni,

M 2

&amp; ad-



& adjuvando proficere: ut cuncta nostra oratio & operatio à te semper incipiat, & per te ccepta finiatur. Per Dominum nostrum.

### Lectio Daniélis Prophætæ.

Dan.  
3. c.

**I**N diébus illis: Angelus Domini descendit cum Azaria, & sociis ejus, in fornacem: & excussit flammam ignis de fornace, & fecit medium fornacis quasi ventum roris flantem. Flamma autem effundebatur super fornacem cubitis quadraginta novem: & erupit, & incendit quos repperit juxta fornacem de Chaldeis ministros regis, qui eam incendebant. Et non tetigit eos omnino ignis, neque contristavit, nec quidquam molestie intulit. Tunc hi tres quasi ex uno ore laudabant, & glorificabant, & benedicébant Deum in fornace, dicentes: **Hic non respondetur**, Deo grátias.

### Hymnus.

Ibid.

**B**enedictus es Domine Deus patrum nostrorum. Et laudabilis & gloriósus in sæcula.

Et benedictum nomen gloriæ tuæ, quod est sanctum. Et laudabile & gloriósum in sæcula.

Benedictus es in templo sancto gloriæ tuæ. Et laudabilis & gloriósus in sæcula.

Benedictus es super thronum sanctum regni tui. Et laudabilis & gloriósus in sæcula.

Benedictus es super sceptrum divinitatis tuæ. Et laudabilis & gloriósus in sæcula.

Benedictus es qui sedes super Cherubim, intuens abyssos. Et laudabilis & gloriósus in sæcula.

Benedictus es qui ambulas super pennas ventorum, & super undas maris. Et laudabilis & gloriósus in sæcula.

Benedicant te omnes angeli, & sancti tui. Et laudent te, & glorificent in sæcula.

Benedicant te cœli, terra, mare, & omnia quæ in eis sunt. Et laudent te, & glorificent in sæcula.

Gloria Patri, & Filio, & Spiritui sancto. Et laudabili & glorióso in sæcula.

Sicut erat in principio, & nunc, & semper, & in sæcula sæculorum, Amen. Et laudabili & glorióso in sæcula.

Benedictus es Domine Deus patrum nostrorum. Et laudabilis & gloriósus in sæcula.

**Hic non dicitur**, Flectamus genua. **sed** **¶**. Dominus vobiscum.

Orémus. **Oratio.**

**D**EUS, qui tribus pueris mitigasti flammam ignium: concede propitius; ut nos famulos tuos non exurat flamma vitiórum. Per Dominum nostrum.

**Alia Orationes, ut in Dominica præcedenti. Pag. 78.**

**Lectio Epistolæ beati Pauli** Apóstoli ad Thessalonicenses.

**F**ratres, Rogamus vos, corripite inquietos, consolamini pusillanimes, suscipite infirmos, patientes estote ad omnes. Videte ne quis malum pro malo alicui reddat: sed semper quod bonum est sectamini in invicem, & in omnes. Semper gaudete. Sinè intermissione orate. In omnibus grátias agite: hæc est enim voluntas Dei in

Christo

Christo Jesu in omnibus vobis. Spiritum nolite extinguere. Prophetias nolite spernere. Omnia autem probate: quod bonum est tenete. Ab omni specie mala abstinete vos. Ipse autem Deus pacis sanctificet vos per omnia: ut integer spiritus vester, & anima, & corpus sinè querela, in adventu Domini nostri Jesu Christi servetur.

Psal.  
116.

**Tractus.** Laudate Dominum omnes Gentes: & collaudate eum omnes populi. **¶**. Quoniam confirmata est super nos misericordia ejus: & veritas Domini manet in ætérnum.

**Sequentia sancti Evangelii** secundum Matthæum.

Matth.  
17. a.

**I**N illo tempore: Assumpsit Jesus Petrum, & Jacobum, & Joannem fratrem ejus, & duxit illos in montem excelsum seorsum: & transfiguratus est ante eos. Et resplenduit facies ejus sicut sol: vestimenta autem ejus facta sunt alba sicut nix. Et ecce apparuerunt illis Moyses & Elias cum eo loquentes. Respondens autem Petrus, dixit ad Jesum: Domine, bonum est nos hic esse: si vis, faciamus hic tria tabernacula, tibi unum, Moysi unum, & Eliæ unum. Adhuc eo loquente, ecce nubes lucida obumbravit eos. Et ecce vox de nube, dicens: Hic est Filius meus dilectus, in quo mihi benè complacui: ipsum audite. Et audientes discipuli, ceciderunt in faciem suam, & timuerunt valde. Et accessit Jesus, & tetigit eos: dixitque eis: Surgite, & nolite timere. Levantes autem oculos suos, neminem viderunt, nisi

solum Jesum. Et descendentibus illis de monte, præcepit eis Jesus, dicens: Nemiini dixeritis visionem, donec Filius hominis à mortuis resurgat.

**Offertorium.** Domine Deus salutis meæ, in die clamavi, & nocte, coram te: intret oratio mea in conspectu tuo Domine.

**Secreta.**

**P**resentibus sacrificiis, quaesumus Domine, jejunia nostra sanctifica: ut quod observantia nostra proficitur extrinsecus, interiorius operetur. Per Dominum nostrum.

**Alia Secreta, ut in Dominica præcedenti. Pag. 80.**

**Communio.** Domine Deus meus in te speravi, libera me ab omnibus persequentibus me, & eripe me.

**Postcommunio.**

**S**anctificationibus tuis, omnipotens Deus, & vitia nostra curentur, & remedia nobis æterna proveniant. Per Dominum nostrum Jesum Christum.

**Alia Postcommuniones, ut in Dominica præcedenti. Pag. 80.**

**Super populum.** Orémus. Humiliate capita vestra Deo.

**Oratio.**

**F**ideles tuos, Deus, benedictio desiderata confirmet: quæ eos & à tua voluntate numquam faciat discrepare, & tuis semper indulgeat beneficiis gratulari. Per Dominum nostrum Jesum Christum Filium tuum: Qui tecum vivit & regnat.



## DOMINICA II.

In Quadragesima.

Statio ad S. Mariam in Domnica.

Introitus.

Psal.  
24.

**R**eminiscere miserationum tuarum Domine, & misericordiae tuae, quae à saeculo sunt: ne umquam

dominentur nobis inimici nostri: libera nos Deus Israel ex omnibus angustiis nostris. **Psalms.** Ad te Domine levavi animam meam: Deus meus in te confido, non erubescam. **V.** Gloria Patri.

Oratio.

**D**EUS, qui conspicias omni nos virtute destitui: interius, exteriusque custodi; ut ab omnibus adversitatibus muniāmur in corpore, & à pravis cogitationibus mundemur in mente. Per Dominum nostrum.

Ad poscenda suffragia Sanctorum.

Oratio.

**A** cunctis nos, quaesumus Domine, mentis & corporis defende periculis: & intercedente beata & gloriosa semper Virgine Dei genitrice Maria, cum beatis Apostolis tuis Petro & Paulo, atque beato **N.** & omnibus Sanctis, salutem nobis tribue benignus & pacem; ut destructis adversitatibus & erroribus universis, Ecclesia tua secura tibi serviat libertate.

Pro vivis &amp; defunctis. Oratio.

**O**mnipotens sempiternus Deus, qui vivorum dominaris simul & mortuorum, omniumque mise-

reris, quos tuos fide & opere futuros esse praenoscis: te supplices exoramus; ut, pro quibus effundere preces decrevimus, quosque vel praesens saeculum adhuc in carne retinet, vel futurum jam exutos corpore suscepit, intercedentibus omnibus Sanctis tuis, pietatis tuae clementia, omnium delictorum suorum veniam consequantur. Per Dominum nostrum Jesum Christum Filium tuum.

**Lectio Epistolae Beati Pauli**  
Apostoli ad Thessalonicenses.

**F**ratres, Rogamus vos, & obsecramus in Domino Jesu: ut quemadmodum accepistis à nobis, quomodo oporteat vos ambulare, & placere Deo, sic & ambulatis, ut abundetis magis. Scitis enim quae praecepta dederim vobis per Dominum Jesum. Haec est enim voluntas Dei, sanctificatio vestra: ut abstineatis vos à fornicatione, ut sciat unusquisque vestrum vas suum possidere in sanctificatione, & honore; non in passione desiderii, sicut & Gentes, quae ignorant Deum: & ne quis supergrediatur, neque circumveniat in negotio fratrem suum: quoniam vindex est Dominus de his omnibus, sicut praediximus vobis, & testificati sumus. Non enim vocavit nos Deus in immunditiam, sed in sanctificationem: in Christo Jesu Domino nostro.

**Graduale.** Tribulationes cordis mei dilatatae sunt: de necessitatibus meis eripe me Domine. **V.** Vide humilitatem meam, & laborem meum, & dimitte omnia peccata mea.

Tractus.

Psal.  
107.

**Tractus.** Confitemini Domino, quoniam bonus: quoniam in saeculum misericordia ejus. **V.** Quis loquetur potentias Domini: auditas faciet omnes laudes ejus? **V.** Beati qui custodiunt iudicium, & faciunt justitiam in omni tempore. **V.** Memento nostri Domine in beneplacito populi tui: visita nos in salutari tuo.

**Sequentia sancti Evangelii** secundum Matthaeum.

Matt.  
17.

**I**n illo tempore: Assumpsit Jesus Petrum, & Jacobum, & Joannem fratrem ejus, & duxit illos in montem excelsum seorsum: & transfiguratus est ante eos. Et resplenduit facies ejus sicut sol: vestimenta autem ejus facta sunt alba sicut nix. Et ecce apparuerunt illis Moyses & Elias cum eo loquentes. Respondens autem Petrus, dixit ad Jesum: Domine, bonum est nos hic esse: si vis, faciamus hic tria tabernacula, tibi unum, Moysi unum, & Eliae unum. Adhuc eo loquente, ecce nubes lucida obumbravit eos. Et ecce vox de nube, dicens: Hic est Filius meus dilectus, in quo mihi bene complacui: ipsum audite. Et audientes discipuli, ceciderunt in faciem suam, & timuerunt valde. Et accessit Jesus, & tetigit eos: dixitque eis: Surgite, & nolite timere. Levantes autem oculos suos, neminem viderunt, nisi solum Jesum. Et descendentibus illis de monte, praecipit eis Jesus, dicens: Nemini dixeritis visionem, donec Filius hominis à mortuis resurgat. **Credo.**

Offertorium. Meditabor in man-

datis tuis quae dilexi valde: & levabo manus meas ad mandata tua, quae dilexi.

Secreta.

**S**acrificiis praesentibus, Domine quaesumus, intende placatus: ut & devotioni nostrae proficiant, & saluti. Per Dominum nostrum.

Alia Secreta.

**E**xaudi nos Deus salutaris noster: ut per hujus sacramenti virtutem, à cunctis nos mentis & corporis hostibus tuearis; gratiam tribuens in praesenti, & gloriam in futuro.

**D**EUS, cui soli cognitus est numerus electorum in superna felicitate locandus: tribue quaesumus; ut intercedentibus omnibus Sanctis tuis, universorum, quos in oratione commendatos suscepimus, & omnium fidelium nomina, beatae praedestinationis liber adscripta retineat. Per Dominum nostrum.

**Communio.** Intellige clamorem meum: intende voci orationis meae, Rex meus, & Deus meus: quoniam ad te orabo Domine.

Postcommunio.

**S**upplices te rogamus, omnipotens Deus: ut quos tuis reficis sacramentis, tibi etiam placitis moribus dignanter deservire concedas. Per Dominum nostrum.

Alia Postcommuniones.

**M**undet & muniat nos, quaesumus Domine, divini sacramenti munus oblatum: & intercedente beata Virgine Dei genitrice Maria, cum beatis Apostolis tuis Petro & Paulo, atque beato **N.** & omnibus Sanctis, à cunctis nos red-

dat



dat & perversitatibus expiatis, & adversitatibus expeditis.

**P**urificent nos, quæsumus omnipotens & misericors Deus, sacramenta quæ sumpsimus: & intercedentibus omnibus Sanctis tuis, præsta: ut hoc tuum sacramentum non sit nobis reatus ad pœnam, sed intercessio salutâris ad vêniam: sit ablutio scelerum, sit fortitudo fragilium, sit contra omnia mundi pericula firmamentum: sit vivorum atque mortuorum fidelium, remissio omnium delictorum. Per Dñm nostrum Jesum Christum Filium tuum.

## FERIA II.

Statio ad S. Clementem.

### Introitus.



Edime me Dñm, & miserere mei: pes enim meus stetit in via recta: in Ecclesiis benedicam

Dñm. **Psalmus.** Judica me Dñm, quoniam ego in innocentia mea ingressus sum: & in Dño sperans, non infirmabor. ✠. Gloria Patri.

### Oratio.

**P**ræsta quæsumus omnipotens Deus: ut familia tua, quæ se, affligendo carnem, ab alimentis abstinet; sectando justitiam, à culpa jejûnet. Per Dñm nostrum Jesum Christum Filium tuum: Qui tecum vivit.

Alia Orationes, ut in Dominica præcedenti. Pag. 94.

### Lectio Daniëlis Prophætæ.

**I**n diëbus illis: Oravit Daniël Dñm, dicens: Dñm Deus noster, qui eduxisti pópulum tuum de terra Ægypti in manu forti, & fecisti tibi nomen secundum diem hanc: peccavimus, iniquitatem fecimus, Dñm in omnem justitiam tuam: avertatur óbscuro ira tua, & furor tuus, à civitate tua Jerusalem, & monte sancto tuo. Propter peccata enim nostra, & iniquitates patrum nostrorum, Jerusalem & pópulus tuus in opprobrium sunt omnibus per circuitum nostrum. Nunc ergo exaudi Deus noster orationem servi tui, & preces ejus: & ostende faciem tuam super sanctuarium tuum, quod deserrum est propter temetipsum. Inclina Deus meus aurem tuam, & audi: áperi oculos tuos, & vide desolationem nostram, & civitatem, super quam invocatum est nomen tuum: neque enim in justificationibus nostris prosternimus preces ante faciem tuam, sed in miserationibus tuis multis. Exaudi Dñm, placare Dñm: attende & fac: nè moreris propter temetipsum Deus meus: quia nomen tuum invocatum est super civitatem, & super pópulum tuum, Dñm Deus noster.

**Graduale.** Adjutor meus, & liberator meus esto: Dñm ne tardaveris. ✠. Confundantur, & reveantur inimici mei, qui querunt animam meam.

**Tractus.** Dñm, non secundum peccata nostra, quæ fecimus nos: neque secundum iniquitates

nostras

nostras retribuas nobis. ✠. Dñm, nè memineris iniquitatum nostrarum antiquarum: citò anticipent nos misericordiae tuæ, quia pauperes facti sumus nimis. ✠. Adjuva nos Deus salutâris noster: & propter glóriam nóm̃inis tui Dñm libera nos: & propitius esto peccatis nostris, propter nomen tuum.

### Sequëntia sancti Evangelii secundum Joannem.

**I**n illo tempore: Dixit Jesus turbis Judæorum: Ego vado, & queretis me, & in peccato vestro moriemini. Quò ego vado, vos non potestis venire. Dicebant ergo Judæi: Numquid interficiet semetipsum, quia dicit: Quò ego vado, vos non potestis venire? Et dicebat eis: Vos de deorsum estis, ego de supernis sum. Vos de mundo hoc estis, ego non sum de hoc mundo. Dixi ergo vobis, quia moriemini in peccatis vestris: si enim non credideritis quia ego sum, moriemini in peccato vestro. Dicebant ergo ei: Tu quis es? Dixit eis Jesus: Principium, qui & loquor vobis. Multa habeo de vobis loqui, & judicare. Sed qui misit, verax est: & ego quæ audi vi ab eo, hæc loquor in mundo. Et non cognoverunt quia Patrem ejus dicebat Deum. Dixit ergo eis Jesus: Cùm exaltaveritis Filium hominis, tunc cognoscetis quia ego sum, & à meipso facio nihil: sed sicut docuit me Pater, hæc loquor: & qui me misit, mecum est, & non reliquit me solum: quia ego, quæ placita sunt ei, facio semper.

**Offertorium.** Benedicam Dñm, qui tribuit mihi intellectum: providebam Dñm in conspectu meo semper: quoniam à dextris est mihi, nè commovear.

### Secreta.

**H**æc hostia, Dñm, placationis & laudis, tua nos protectione dignos efficiat. Per Dñm nostrum Jesum Christum.

Alia Secreta, ut in Dominica præcedenti. Pag. 95.

**Communio.** Dñm Dñm noster, quàm admirabile est nomen tuum in universa terra!

### Postcommunio.

**H**æc nos communio, Dñm, purget à crimine: & cælestis remèdii faciat esse consortes. Per Dñm nostrum Jesum.

Alia Postcommuniones, ut in Dominica præcedenti. Pag. 95.

**Super populum.** Orémus.

Humiliâte capita vestra Deo.

### Oratio.

**A**d isto supplicationibus nostris omnipotens Deus: & quibus fiduciam sperandæ pietatis indulges, consuetae misericordiae tribue benignus effectum. Per Dñm nostrum Jesum Christum.

## FERIA III.

Statio ad S. Balbinam.

### Introitus.



Ibi dixit cor meum, quæsi vultum tuum, vultum tuum Dñm requiram: nè avertas faciem tuam à

me. **Psalmus.** Dominus illuminatio mea

N

mea



mea & salus mea: quem timebo?  
 ✠. Glória Patri.

## Oratio.

**P**erfice, quæsumus Dómine, benignus in nobis observantiæ sanctæ subsidium: ut quæ te auctóre faciēda cognóvimus, te operante impleāmus. Per Dóminum nostrum.

Alia Orationes, ut in Dominica præcedenti. Pag. 94.

## Lectio libri Regum.

**I**n diēbus illis: Factus est sermo Dómini ad Eliam Thesbítē, dicens: Surge, & vade in Saréphtha Sidoniórum, & manēbis ibi: præcépi enim ibi mulieri viduæ ut pascat te. Surrexit, & abiit in Saréphtha. Cumque venisset ad portam civitatis, apparuit ei mulier vidua colligens ligna, & vocavit eam, dixitque ei: Da mihi paululum aquæ in vase, ut bibam. Cumque illa pérgeret ut afférret, clamavit post tergum ejus, dicens: Affer mihi, óbsecro, & buccellam panis in manu tua. Quæ respóndit: Vivit Dóminus Deus tuus, quia non hábeo panem, nisi quantum pugillus capere potest farinæ in hydria, & paululum olei in lécytho: en colligo duo ligna ut ingrédiam & faciam illud mihi & filio meo: ut comedāmus, & moriāmur. Ad quam Eliás ait: Noli timēre, sed vade, & fac sicut dixisti: verúmtamen mihi primūm fac de ipsa farinula subcinericiū panem parvulum, & affer ad me: tibi autem & filio tuo facies póstea. Hæc autem dicit Dóminus Deus Israël: Hydria farinæ non deficiet, nec lécy-

thus olei minuētur, usque ad diē in qua Dóminus datūrus est pluviam super faciē terræ. Quæ abiit, & fecit juxta verbum Eliæ: & comēdit ipse, & illa, & domus ejus: & ex illa die hydria farinæ non defecit, & lécythus olei non est imminutus, juxta verbum Dómini, quod locutus fuerat in manu Eliæ.

Graduale. Jacta cogitatum tuum in Dómino, & ipse te enutriet.

✠. Dum clamārem ad Dóminum, exaudivit vocem meam ab his, qui appropinquant mihi.

Sequētia sancti Evangelii secundum Matthæum.

**I**n illo tēpore: Locutus est Jesus ad turbas: & ad discipulos suos, dicens: Super cathedram Móysi sedérunt Scribæ & Pharisei. Omnia ergo quæcúmque dixerint vobis, serváte, & fácite: secundum ópera verò eórum nolite fácere: dicunt enim, & non faciunt. Alligant enim ónera grávia & importabilia, & impónunt in húmeros hóminum: dígitó autem suo nolunt ea movēre. Omnia verò ópera sua faciunt ut videántur ab homínibus: dilátant enim phylactéria sua, & magníficant fimbrias. Amant autem primos recubitus in cenis, & primas cathedras in synagógis, & salutatiónes in foro, & vocári ab homínibus Rabbi. Vos autem nolite vocári Rabbi. Unus est enim Magíster vester, omnes autem vos fratres estis. Et patrem nolite vocare vobis super terram: unus est enim Pater vester, qui in cælis est. Nec vocemini magístri:

quia

## FERIA IV.

Statio ad S. Cæciliam.

## Introitus.

**N**e derelinquas me Dómine Deus meus, nè discēdas à me: intēde in adiutorium meum, Dómine

virtus salútis meæ. **Psalmus.** Dómine, nè in furóre tuo arguas me: neque in ira tua corripas me. ✠. Glória Patri.

## Oratio.

**P**opulum tuum, quæsumus Dómine, propitius respice: & quos ab escis carnalibus præcipis abstinere, à nóxiis quoque vitiis cessare concède. Per Dóminum nostrum.

Alia Orationes, ut in Dominica præcedenti. Pag. 94.

## Lectio libri Esther.

**I**n diēbus illis: Oravit Mardocheus ad Dóminum, dicens: Dómine Dómine Rex omnipotens, in ditióne enim tua cuncta sunt póstita: & non est qui possit tuæ resistere voluntati, si decreveris salvare Israël. Tu fecisti cælum & terram, & quidquid cæli ámbitu continetur. Dóminus ómnium es, nec est qui resistat majestati tuæ. Et nunc Dómine Rex Deus Abraham, miserere pópuli tui, quia volunt nos inimici nostri perdere, & hæreditatem tuam delere. Nè despicias partem tuam, quam redemisti tibi in Ægypto. Exaudi deprecationem meam, & propitius esto

quia Magíster vester unus est Christus. Qui major est vestrum, erit mínister vester. Qui autem se exaltáverit, humiliábitur: & qui se humiliáverit, exaltábitur.

**Offertorium.** Miserere mei Dómine, secundum magnam misericórdiam tuam: dele Dómine iniquitatem meam.

## Secræta.

**S**anctificatióne tuam nobis Dómine his mystériis operare placatus: quæ nos & à terrenis purget vitiis, & ad cælestia dona perducat. Per Dóminum nostrum Jesum Christum Filium tuum.

Alia Secræta, ut in Dominica præcedenti. Pag. 95.

**Communio.** Narrábo ómnia mirabilia tua: lætabor & exultábo in te: psallam nómini tuo, Altíssime.

## Postcommunio.

**U**t sacris, Dómine, reddámur digni munéribus, fac nos tuis, quæsumus, semper obedire mandatis. Per Dóminum nostrum Jesum Christum Filium tuum.

Alia Postcommuniones, ut in Dominica præcedenti. Pag. 95.

**Super populum.** Orémus. Humiliáte cápita vestra Deo.

## Oratio.

**P**ropitiare Dómine supplicatió-nibus nostris, & animárum nostrárum medere languóribus: ut remissióne percépta, in tua semper benedictiõe lætémur. Per Dóminum nostrum Jesum Christum Filium tuum: Qui tecum vivit & regnat in unitate Spíritus Sancti Deus, per ómnia sæcula sæculorum. Amen.

N 2

esto



esto forti & funículo tuo, & converte luctum nostrum in gaudium, ut viventes laudemus nomen tuum Dómine, & nè claudas ora te canentium, Dómine Deus noster.

**Graduale.** *Psalm. 27.* **Salvum fac pópulum tuum Dómine, & benedic hereditati tuæ.** *Psalm. 102.* **Ad te Dómine clamavi, Deus meus nè sileas à me, & ero similis descendentibus in lacum.**

**Tractus.** *Psalm. 78.* **Dómine, non secundum peccata nostra, quæ fecimus nos: neque secundum iniquitates nostras retribuas nobis.** *Psalm. 78.* **Dómine, nè memineris iniquitatum nostrarum antiquarum: citò anticipent nos misericórdiæ tuæ, quia pauperes facti sumus nimis.** *Psalm. 78.* **Adjuva nos Deus salutaris noster: & propter glóriam nóminis tui Dómine libera nos: & propitius esto peccatis nostris propter nomen tuum.**

### Sequéntia sancti Evangelii secundum Matthæum.

*Matth. 20. b.* **I**n illo tempore: Ascendens Jesus Jerosólymam, assumpsit duodecim discipulos secretò, & ait illis: Ecce ascendimus Jerosólymam, & Filius hominis tradetur Principibus sacerdotum, & Scribis, & condemnabunt eum morte, & tradent eum Géntibus ad illudendum, & flagellandum, & crucifigendum, & tertia die resurget. Tunc accessit ad eum mater filiorum Zebedæi cum filiis suis, adorans & petens aliquid ab eo. Qui dixit ei: Quid vis? Ait illi: Dic ut sedeant hi duo filii mei, unus ad dexteram tuam, & unus ad sinistram, in re-

gno tuo. Respondens autem Jesus dixit: Nescitis quid petatis. Potestis bibere cálicem, quem ego bibiturus sum? Dicunt ei: Possumus. Ait illis: Cálicem quidem meum bibetis: sedere autem ad dexteram meam vel sinistram, non est meum dare vobis, sed quibus paratum est à Patre meo. Et audientes decem, indignati sunt de duobus fratribus. Jesus autem vocavit eos ad se, & ait: Scitis quia principes gentium dominantur eorum: & qui majores sunt, potestatem exercent in eos. Non ita erit inter vos: sed quicumque voluerit inter vos major fieri, sit vester minister: & qui voluerit inter vos primus esse, erit vester servus. Sicut filius hominis non venit ministrari, sed ministrare, & dare animam suam, redemptionem pro multis.

**Offertorium.** *Psalm. 24.* **Ad te Dómine levavi animam meam, Deus meus in te confido, non erubescam: neque irideant me inimici mei: etenim universi, qui te expectant, non confundentur.**

### Secreta.

**H**ostias, Dómine, quas tibi offerimus, propitius respice: & per hæc sancta commercia, vincula peccatorum nostrorum absolve. Per Dóminum nostrum.

**Alia Secreta, ut in Dominica præcedenti. Pag. 95.**

**Communio.** *Psalm. 10.* **Iustus Dóminus & iustitiam dilexit: æquitatem vidit vultus ejus.**

### Postcommunio.

**S**umptis Dómine sacramentis, ad redemptionis æternæ, quaesumus, proficiamus augmentum.

Per

Per Dóminum nostrum Jesus Christum Filium tuum.

**Alia Postcommuniones, ut in Dominica præcedenti. Pag. 95.**

**Super populum.** **Orémus.**  
Humiliate capita vestra Deo.

### Oratio.

**D**EUS innocentiae restitutor & amator, dirige ad te tuorum corda servorum: ut spiritus tui fervore concepto, & in fide inventiuntur stabiles, & in opere efficaces. Per Dóminum nostrum, in unitate ejusdem Spiritus Sancti.

## FERIA V.

Statio ad S. Mariam trans Tiberim.

### Introitus.

*Psalm. 99.* **D**EUS in adiutorium meum intende, Dómine ad adiuvandum me festina: confundantur & vereantur inimici mei, qui querunt animam meam. *Psalm. 99.* **Avertantur retrorsum, & erubescant: qui cogitant mihi mala.** *Psalm. 99.* **Gloria Patri.**

### Oratio.

**P**resta nobis, quaesumus Dómine, auxilium gratiæ tuæ: ut jejuniis & orationibus convenienter intenti, liberemur ab hostibus mentis & corporis. Per Dóminum nostrum.

**Alia Orationes, ut in Dominica præcedenti. Pag. 94.**

### Lectio Jeremiæ Prophætæ.

*Jerem. 17.* **H**æc dicit Dóminus Deus: maledictus homo, qui confidit

in homine, & ponit carnem brachium suum, & à Dómino recedit cor ejus. Erit enim quasi myrica in deserto, & non videbit cum venerit bonum: sed habitabit in siccitate in deserto, in terra falsuginis, & inhabitabili. Benedictus vir, qui confidit in Dómino, & erit Dóminus fiducia ejus. Et erit quasi lignum quod transplantatur super aquas, quod ad humorem mittit radices suas: & non timebit cum venerit æstus. Et erit folium ejus viride, & in tempore siccitatis non erit sollicitum, nec aliquando desinet facere fructum. Pravum est cor omnium, & inscrutabile: quis cognoscet illud? Ego Dóminus scrutans cor, & probans renes: qui do unicuique juxta viam suam, & juxta fructum adinventiōum suarum: dicit Dóminus omnipotens.

**Graduale.** *Psalm. 78.* **Propitius esto Dómine peccatis nostris, nè quando dicant Gentes, ubi est Deus eorum?** *Psalm. 78.* **Adjuva nos Deus salutaris noster: & propter honorem nóminis tui Dómine, libera nos.**

### Sequéntia sancti Evangelii secundum Lucam.

*Luc. 16. c.* **I**n illo tempore: Dixit Jesus Pharisæis: Homo quidam erat dives, qui induebatur purpura & bysso: & epulabatur quotidie splendide. Et erat quidam mendicus, nomine Lázarus, qui jacebat ad januam ejus, ulceribus plenus, cupiens saturari de micis, quæ cadebant de mensa divitis, & nemo illi dabat: sed & canes veniebant, & lingebant ulcera ejus. Factum est

N 3

autem



autem ut moreretur mendicus, & portaretur ab Angelis in sinum Abraham. Mortuus est autem & dives, & sepultus est in inferno. Elevans autem oculos suos, cum esset in tormentis, vidit Abraham à longè, & Lazarum in sinu ejus: & ipse clamans, dixit: Pater Abraham, miserere mei, & mitte Lazarum, ut intingat extremum digiti sui in aquam, ut refrigeret linguam meam, quia crucior in hac flamma. Et dixit illi Abraham: Fili, recordare quia recepisti bona in vita tua, & Lazarus similiter mala: nunc autem hic consolatur, tu verò cruciâris. Et in his omnibus, inter nos & vos chaos magnum firmatum est: ut hi, qui volunt hinc transire ad vos, non possint, neque inde huc transmeare. Et ait: Rogo ergo te pater ut mittas eum in domum patris mei. Habeo enim quinque fratres, ut testetur illis, ne & ipsi veniant in hunc locum tormentorum. Et ait illi Abraham: Habent Moysen & Prophetas: audiant illos. At ille dixit: Non, Pater Abraham: sed si quis ex mortuis ierit ad eos, penitentiam agent. Ait autem illi: Si Moysen & Prophetas non audiunt; neque si quis ex mortuis resurrexerit, credent.

**Offertorium.** Precatus est Moyses in conspectu Domini Dei sui, & dixit: Quare Domine irascaris in populo tuo? Parce iræ animæ tuæ: memento Abraham, Isaac, & Jacob, quibus jurasti dare terram fluentem lac & mel. Et placatus est Dominus de malignitate, quam dixit facere populo suo.

## Secreta.

**P**resenti sacrificio, nomini tuo nos, Domine, jejunia dicata sanctificent: ut quod observantia nostra profitetur exteriùs, interiùs operetur effectu. Per Dominum nostrum.

**Alia Secreta, ut in Dominica præcedenti. Pag. 95.**

**Communio.** Qui manducat meam carnem, & bibit meum sanguinem, in me manet, & ego in eo, dicit Dominus.

## Postcommunio.

**G**ratia tua nos, quæsumus Domine, non derelinquat: quæ & sacræ nos deditos faciat servituti, & tuam nobis opem semper acquirat. Per Dominum nostrum.

**Alia Postcommuniones, ut in Dominica præcedenti. Pag. 95.**

**Super populum. Orémus.**

Humiliâte capita vestra Deo.

## Oratio.

**A**desto Domine famulis tuis, & perpétuam benignitatem largire poscentibus: ut iis, qui te auctore & gubernatore gloriântur, & congregata restaures, & restaurata conserves. Per Dominum nostrum Jesum Christum.

## FERIA VI.

Statio ad S. Vitalem.

## Introitus.

**E**go autem cum justitia apparebo in conspectu tuo: satiabor dum manifestabitur gloria tua. **Psalmus.**

**Exaudi Domine justitiam meam: intende**

intende deprecationi meæ. **Glória Patri.**

## Oratio.

**D**A quæsumus omnipotens Deus: ut sacro nos purificante jejunio, sinceris mentibus ad sancta ventura facias pervenire. Per Dominum nostrum.

**Alia Orationes, ut in Dominica præcedenti. Pag. 94.**

## Lectio libri Genésis.

**I**n diebus illis: Dixit Joseph fratribus suis: Audite somnium meum, quod vidi: Putabam nos ligare manipulos in agro: & quasi consurgere manipulum meum, & stare, vestrosque manipulos circumstantes adorare manipulum meum. Respondérunt fratres ejus: Numquid rex noster eris? aut subjiciemur ditioni tuæ? Hæc ergo causa somniorum atque sermonum, invidia & odii fomitem ministravit. Aliud quoque vidit somnium, quod narrans fratribus, ait: Vidi per somnium, quasi solem, & lunam, & stellas undecim adorare me. Quod cum patri suo & fratribus retulisset, increpavit eum pater suus, & dixit: Quid sibi vult hoc somnium, quod vidisti? num ego & mater tua & fratres tui adorabimus te super terram? Invidébant ei igitur fratres sui: pater verò rem tacitus considerabat. Cumque fratres illius in pascendis gregibus patris morarentur in Sichem, dixit ad eum Israël: Fratres tui pascunt oves in Sichimis: veni, mittam te ad eos. Quo respondente, præstodum, ait ei: Vade, & vide si cuncta prospera sint erga fratres tuos, &

pécora: & renuntia mihi quid agatur. Missus de valle Hebron, venit in Sichem: invenitque eum vir errantem in agro, & interrogavit quid quæreretur. At ille respondit: Fratres meos quæro: indica mihi ubi pascant greges: Dixitque ei vir: Recesserunt de loco isto: audivi autem eos dicentes: Eamus in Dóthain. Perréxit ergo Joseph post fratres suos, & invenit eos in Dóthain. Qui cum vidissent eum procul, antequam accederet ad eos, cogitaverunt illum occidere: & mutuo loquebantur: Ecce somniator venit: venite, occidamus eum, & mittamus in cisternam veterem: dicemusque: Fera pessima devoravit eum: & tunc apparébit quid illi profint somnia sua. Audiens autem hoc Ruben, nitebatur liberare eum de manibus eorum, & dicebat: non interficiatis animam ejus, nec effundatis sanguinem: sed projicite eum in cisternam hanc, quæ est in solitudine, manusque vestras servate innoxias: hoc autem dicebat, volens eripere eum de manibus eorum, & reddere patri suo.

**Graduale.** Ad Dominum cum tribulârer clamavi, & exaudivit me. **V.** Domine libera animam meam à labiis iniquis, & à lingua dolosa.

**Tractus.** Domine, non secundum peccata nostra, quæ fecimus nos: neque secundum iniquitates nostras retribuas nobis. **V.** Domine, ne memineris iniquitatum nostrarum antiquarum: citò anticipent nos misericordiæ tuæ, quia pauperes facti sumus nimis. **V.** Adjuva nos Deus salutaris noster: & propter gloriam nominis tui Domine

mine



mine libera nos: & propitius esto peccatis nostris propter nomen tuum.

### Sequentia sancti Evangelii secundum Matthæum.

**Matt. 21. d.** IN illo tempore: Dixit Jesus turbis Judæorum, & principibus sacerdotum parabolam hanc: Homo erat paterfamilias, qui plantavit vineam, & sepem circumdedit ei, & fodit in ea torcular, & edificavit turrim, & locavit eam agricolis, & peregre profectus est. Cum autem tempus fructuum appropinquasset, misit servos suos ad agricolas, ut acciperent fructus ejus. Et agricolæ, apprehensis servis ejus, alium ceciderunt, alium occiderunt, alium verò lapidaverunt. Iterum misit alios servos plures prioribus, & fecerunt illis similiter. Novissime autem misit ad eos filium suum, dicens: Verebuntur filium meum. Agricolæ autem videntes filium, dixerunt intra se: Hic est hæres, venite occidamus eum, & habebimus hæreditatem ejus. Et apprehensum eum ejecerunt extra vineam, & occiderunt. Cum ergo venerit dominus vineæ, quid faciet agricolis illis? Ajunt illi: Malos malè perdet: & vineam suam locabit aliis agricolis, qui reddant ei fructum temporibus suis. Dicit illis Jesus: Numquam legistis in Scripturis: Lapidem, quem reprobarunt ædificantes, hic factus est in caput anguli? A Domino factum est istud, & est mirabile in oculis nostris? Ideò dico vobis, quia auferetur à vobis regnum Dei, & dabitur genti facienti fru-

ctus ejus. Et qui ceciderit super lapidem istum, confringetur: super quem verò ceciderit, conteret eum. Et cum audissent principes sacerdotum & Pharisei parabolam ejus, cognoverunt quòd de ipsis diceret. Et querentes eum tenere, timuerunt turbas: quoniam sicut prophetam eum habebant.

**Offertorium.** Domine in auxilium meum respice: confundantur & revereantur, qui querunt animam meam, ut auferant eam: Domine in auxilium meum respice.

#### Secreta.

**H**æc in nobis sacrificia Deus, & actiōe permaneant, & operatiōe firmantur. Per Dominum nostrum.

**Alia Secreta, ut in Dominica præcedenti. Pag. 95.**

**Communio.** Tu Domine servabis nos, & custodies nos à generatione hac in æternum.

#### Postcommunio.

**F**ac nos, quæsumus Domine, accepto pignore salutis æternæ, sic tendere congruenter: ut ad eam pervenire possimus. Per Dominum nostrum Jesum Christum Filium tuum.

**Alia Postcommuniones, ut in Dominica præcedenti. Pag. 95.**

**Super populum. Orémus.**

Humiliatè capita vestra Deo.

#### Oratio.

**D**A, quæsumus Domine, populo tuo salutem mentis & corporis: ut bonis operibus inhaerendo, tuæ semper virtutis mereatur protectione defendi. Per Dominum nostrum Jesum Christum Filium tuum.

SABBA-

## SABBATO.

Statio ad SS. Marcellinum & Petrum.

### Introitus.

**Psal. 18.** **L** Ex Domini irreprehensibilis, convertens animas: testimonium Domini fidele, sapientiam

**b.d.** præstans parvulis. **Psalms.** Celi enarrant gloriam Dei: & opera manuum ejus annuntiat firmamentum. **✠.** Gloria Patri.

### Oratio.

**D**A, quæsumus Domine, nostris effectum jejuniis salutarem: ut castigatio carnis assumpta, ad nostrarum vegetationem transeat animarum. Per Dominum nostrum.

**Alia Orationes, ut in Dominica præcedenti. Pag. 94.**

### Lectio libri Genesim.

**Genesim. 27.** IN diebus illis: Dixit Rebecca filio suo Jacob: Audiui patrem tuum loquentem cum Esau fratre tuo, & dicentem ei: Affer mihi de venatione tua, & fac cibos ut comedam, & benedicam tibi coram Domino antequam moriar. Nunc ergo, fili mi, acquiesce consiliis meis: & pergens ad gregem, affer mihi duos hœdos optimos, ut faciam ex eis escas patri tuo, quibus libenter vescitur: quas cum intuleris, & comederit, benedicat tibi priusquam moriatur. Cui ille respondit: Nosti quòd Esau frater meus homo pilosus sit, & ego lenis: si attrectaverit me pater meus, & senserit, timeo ne putet me sibi voluisse illudere, & inducam super

me maledictionem pro benedictione. Ad quem mater: in me sit, ait, ista maledictio, fili mi: tantum audi vocem meam, & pergens, affer quæ dixi. Abiit, & attulit, deditque matri. Paravit illa cibos, sicut velle noverat patrem illius. Et vestibus Esau valde bonis, quas apud se habebat domi, induit eum: pelliculasque hœdorum circumdedit manibus, & colli nuda protexit. Deditque pulmentum, & panes, quos coxerat, tradidit. Quibus illatis dixit: Pater mi? At ille respondit: Audio. Quis es tu fili mi? Dixitque Jacob: Ego sum primogenitus tuus Esau: feci sicut præcepisti mihi: surge, sede, & comede de venatione mea, ut benedicat mihi anima tua. Rursusque Isaac ad filium suum: Quomodo, inquit, tam citò invenire potuisti, fili mi? Qui respondit: Voluntas Dei fuit ut citò occurreret mihi quod volebam. Dixitque Isaac: Accede huc, ut tangam te fili mi, & probem utrum tu sis filius meus Esau, an non. Accessit ille ad patrem, & palpato eo, dixit Isaac: Vox quidem, vox Jacob est: sed manus, manus sunt Esau. Et non cognovit eum, quia pilosæ manus similitudinem majoris expresserant. Benedicens ergo illi, ait: Tu es filius meus Esau? Respondit, Ego sum. At ille, Affer mihi, inquit, cibos de venatione tua, fili mi, ut benedicat tibi anima mea. Quos cum oblatos comedisset, obtulit ei etiam vinum. Quo hausto, dixit ad eum: Accede ad me, & da mihi osculum, fili mi. Accessit, & osculatus est eum. Statimque

O

ut



ut sensit vestimentorum illius fragrantiam, benedicens illi, ait: Ecce odor filii mei, sicut odor agri pleni, cui benedixit Dominus. Det tibi Deus de rore celi, & de pinguedine terræ, abundantiam frumenti & vini. Et serviant tibi populi, & adorent te tribus: esto dominus fratrum tuorum, & incurventur ante te filii matris tuæ. Qui maledixerit tibi, sit ille maledictus; & qui benedixerit tibi, benedictionibus repleatur. Vix Isaac sermonem implerat: & egresso Jacob foras, venit Esau, coctosque de venatione cibos intulit patri, dicens: Surge pater mi, & comede de venatione filii tui, ut benedicat mihi anima tua. Dixitque illi Isaac: Quis enim es tu? Qui respondit: Ego sum filius tuus primogenitus Esau. Expavit Isaac stupore vehementi; & ultra quam credi potest, admirans, ait: Quis igitur ille est, qui dudum captam venationem attulit mihi, & comedi ex omnibus priusquam tu venires? benedixitque ei, & erit benedictus. Auditis Esau sermonibus patris, irrumpit clamore magno: & consternatus, ait: Benedic etiam & mihi, pater mi. Qui ait: Venit germanus tuus fraudulenter, & accepit benedictionem tuam. At ille subjunxit: Juste vocatum est nomen ejus Jacob: supplantavit enim me en altera vice: primogenita mea ante tulit, & nunc secundo surripuit benedictionem meam. Rursusque ad patrem: Numquid non reservasti, ait, & mihi benedictionem? Respondit Isaac: Dominum tuum illum constitui, & omnes fratres

eius servituti illius subjugavi: frumento & vino stabilivi eum, & tibi post hæc, fili mi, ultra quid faciam? Cui Esau: Num unam, inquit, tantum benedictionem habes, pater? mihi quoque obsecro ut benedicas. Cumque ejulatu magno fleret, motus Isaac, dixit ad eum: In pinguedine terræ, & in rore celi desuper erit benedictio tua.

**Graduale.** Bonum est confiteri Domino, & psallere nomini tuo, Altissime. **✠.** Ad annuntiandum manè misericordiam tuam, & veritatem tuam per noctem.

### Sequentia sancti Evangelii secundum Lucam.

**I**N illo tempore: Dixit Jesus Pharisæis & Scribis parabolam istam: Homo quidam habuit duos filios: & dixit adolescentior ex illis patri: Pater, da mihi portionem substantiæ, quæ me contingit. Et divisit illis substantiam. Et non post multos dies, congregatis omnibus, adolescentior filius peregrè profectus est in regionem longinquam, & ibi dissipavit substantiam suam vivendo luxuriosè. Et postquam omnia consummasset, facta est fames valida in regione illa, & ipse cepit egere. Et abiit, & adhæsit uni civium regionis illius. Et misit illum in villam suam, ut pasceret porcos. Et cupiebat implere ventrem suum de siliquis, quas porci manducabant: & nemo illi dabat. In se autem reversus, dixit: Quanti mercenarii in domo patris mei abundant panibus, ego autem hic fame pereo! Surgam, & ibo ad

patrem

patrem meum, & dicam ei: Pater, peccavi in cælum, & coram te: jam non sum dignus vocari filius tuus: fac me sicut unum de mercenariis tuis. Et surgens, venit ad patrem suum. Cum autem adhuc longè esset, vidit illum pater ipsius, & misericordiâ motus est, & accurrens cecidit super collum ejus, & osculatus est eum. Dixitque ei filius: Pater, peccavi in cælum, & coram te, jam non sum dignus vocari filius tuus. Dixit autem pater ad servos suos: Citò proferte stolam primam, & induite illum, & date annulum in manum ejus, & calceamenta in pedes ejus, & adducite vitulum saginatum, & occidite, & manducemus & epulemur: quia hic filius meus mortuus erat, & revixit: perierat, & inventus est. Et cæperunt epulari. Erat autem filius ejus senior in agro: & cum veniret, & appropinquaret domui, audit symphoniam, & chorum: & vocavit unum de servis, & interrogavit, quid hæc essent. Isque dixit illi: Frater tuus venit, & occidit pater tuus vitulum saginatum, quia salvum illum recepit. Indignatus est autem, & nolèbat introire. Pater ergo illius egressus, cepit rogare illum. At ille respondens dixit patri suo: Ecce tot annis servio tibi, & numquam mandatum tuum præterivi, & numquam dedisti mihi hæc ut cum amicis meis epularer: sed postquam filius tuus hic, qui devoravit substantiam suam cum meretricibus, venit, occidisti illi vitulum saginatum. At ipse dixit illi: Fili, tu semper mecum

es, & omnia mea tua sunt: epulari autem, & gaudere oportebat, quia frater tuus hic, mortuus erat, & revixit; perierat, & inventus est.

**Offertorium.** Illumina oculos meos, nè umquam obdormiam in morte: nè quando dicat inimicus meus, prævalui adversus eum.

### Secreta.

**H**is sacrificiis, Domine, concede placatus: ut qui propriis oramus absolvi delictis, non gravemur externis. Per Dominum nostrum.

**Alia Secreta, ut in Dominica præcedenti. Pag. 95.**

**Communio.** Oportet te, fili, gaudere, quia frater tuus mortuus fuerat, & revixit: perierat, & inventus est.

### Postcommunio.

**S**acramenti tui, Domine, divina libatio, penetrabilia nostri cordis infundat: & sui nos participes potenter efficiat. Per Dominum nostrum.

**Alia Postcommuniones, ut in Dominica præcedenti. Pag. 95.**

**Super populum.** Oremus.  
Humiliatè capita vestra Deo.

### Oratio.

**F**amiliam tuam, quaesumus Domine, continua pietate custodi: ut quæ in sola spe gratiæ cælestis innititur, cælesti etiam protectione muniatur. Per Dominum nostrum Jesum Christum Filium tuum: Qui tecum vivit & regnat in unitate Spiritus Sancti Deus, per omnia sæcula sæculorum. Amen.



## DOMINICA III.

In Quadragesima.

Statio ad S. Laurentium extra muros.

Introitus.



**Q**uli mei semper ad Dominum, quia ipse evellet de laqueo pedes meos: respice in me, & miserere mei, quoniam unicus & pauper sum ego. **Psalmus.** Ad te Domine levavi animam meam: Deus meus in te confido, non erubescam. **Gloria Patri.**

Oratio.

**Q**uæsumus omnipotens Deus: vota humilium respice: atque ad defensionem nostram, dexteram tuæ majestatis extende. Per Dominum nostrum.

Ad poscenda suffragia Sanctorum.

Oratio.

**A**cunctis nos, quæsumus Domine, mentis & corporis defende periculis: & intercedente beata & gloriosa semper Virgine Dei genitrice Maria, cum beatis Apostolis tuis Petro & Paulo, atque beato **N.** & omnibus Sanctis, salutem nobis tribue benignus & pacem: ut destructis adversitatibus & erroribus universis, Ecclesia tua secunda tibi serviat libertate.

Pro vivis &amp; defunctis.

Oratio.

**O**mnipotens sempiternus Deus, qui vivorum dominaris simul & mortuorum, omniumque miseris, quos tuos fide & opere futuros esse prænoſcis: te supplices

exoramus; ut pro quibus effundere preces decrevimus, quosque vel præsens sæculum adhuc in carne retinet, vel futurum jam exutos corpore suscepit; intercedentibus omnibus Sanctis tuis, pietatis tuæ clementiâ, omnium delictorum suorum veniam consequantur. Per Dominum nostrum.

**Lectio Epistolæ beati Pauli**  
Apostoli ad Ephesios.

**F**ratres, Estote imitatores Dei, sicut filii charissimi: & ambulâte in dilectione, sicut & Christus dilexit nos, & tradidit semetipsum pro nobis oblationem & hostiam Deo in odorem suavitatis. Fornicatio autem, & omnis immunditia, aut avaritia, nec nominetur in vobis, sicut decet sanctos: aut turpitudine, aut stultiloquium, aut scurrilitas, quæ ad rem non pertinet: sed magis gratiarum actio. Hoc enim scitote intelligentes: quod omnis fornicator, aut immundus, aut avârus, quod est idolorum servitus, non habet hæreditatem in regno Christi, & Dei. Nemo vos seducat inanibus verbis: propter hæc enim venit ira Dei in filios diffidentiae. Nolite ergo effici participes eorum. Eratis enim aliquando tenebræ: nunc autem lux in Domino. Ut filii lucis ambulâte: fructus enim lucis est in omni bonitate, & iustitia, & veritate.

**Graduale.** Exurge Domine, non prævaleat homo: judicentur Gentes in conspectu tuo. **V.** In convertendo inimicum meum retrorsum, infirmabuntur, & peribunt à facie tua.

Tractus.

**Tractus.** Ad te levavi oculos meos, qui habitas in celis. **V.** Ecce sicut oculi servorum in manibus domini suorum. **V.** Et sicut oculi ancillæ in manibus dominæ suæ: ita oculi nostri ad Dominum Deum nostrum, donec misereatur nostri. **V.** Miserere nobis Domine, miserere nobis.

**Sequentia sancti Evangelii**  
secundum Lucam.

**I**n illo tempore: Erat Jesus ejiciens demonium, & illud erat mutum. Et cum ejecisset demonium, locutus est mutus, & admiratae sunt turbae. Quidam autem ex eis dixerunt: In Beelzebub principe demoniorum ejicit demonia. Et alii tentantes, signum de celo quærebant ab eo. Ipse autem ut vidit cogitationes eorum, dixit eis: Omne regnum in seipsum divisum, desolabitur, & domus supra domum cadet. Si autem & Sathanas in seipsum divisus est, quomodo stabit regnum ejus? quia dicitis, in Beelzebub me ejicere demonia. Si autem ego in Beelzebub ejicio demonia: filii vestri in quo ejiciunt? Ideo ipsi iudices vestri erunt. Porro si in digito Dei ejicio demonia: profecto pervenit in vos regnum Dei. Cum fortis armatus custodit atrium suum, in pace sunt ea quæ possidet. Si autem fortior eo superveniens vicerit eum, universa arma ejus auferet, in quibus confidebat, & spolia ejus distribuet. Qui non est mecum, contra me est: & qui non colligit mecum, dispergit. Cum immundus spiritus exierit de homine, ambulat per loca iniqua, quærens requiem: & non inveniens, dicit: Revertar in domum meam unde exivi. Et cum venerit, invenit eam scopis mundatam, & ornata. Tunc vadit, & assumit septem alios spiritus secum nequiores se, & ingressi habitant ibi. Et sunt novissima hominis illius pejora prioribus. Factum est autem, cum hæc diceret: extollens vocem quidam mulier de turba, dixit illi: Beatus venter qui te portavit; & ubera, quæ suxisti. At ille dixit: Quinimodo beati, qui audiunt verbum Dei, & custodiunt illud. **Credo.**

**Offertorium.** Iustitiæ Domini rectæ, lætificantes corda, & iudicia ejus dulciora super mel & favum: nam & servus tuus custodit ea.

Secreta.

**H**æc hostia, Domine quæsumus, emundet nostra delicta: & ad sacrificium celebrandum, subditorum tibi corpora mentesque sanctificet. Per Dominum nostrum Jesum Christum.

Alia Secreta.

**E**xaudi nos Deus salutaris noster: ut per hujus sacramenti virtutem, à cunctis nos mentis & corporis hostibus tuearis; gratiam tribuens in presenti, & gloriam in futuro.

**D**EUS, cui soli cognitus est numerus electorum in superna felicitate locandus: tribue quæsumus; ut intercedentibus omnibus Sanctis tuis, universorum, quos in oratione commendatos suscepimus, & omnium fidelium nomina, beatæ prædestinationis liber ad-



scripta retineat. Per Dominum nostrum Jesum Christum Filium tuum: Qui tecum.

Psal. 93.

**Communio.** Passer invenit sibi domum, & turtur nidum, ubi reponat pullos suos: altaria tua Domine virtutum, Rex meus, & Deus meus: beati qui habitant in domo tua, in seculum seculi laudabunt te.

**Postcommunio.**

**A** Cunctis nos, quæsumus Domine, reatibus & periculis propitiatus absolve: quos tanti mysterii tribuis esse participes. Per Dominum nostrum.

**Alia Postcommuniones.**

**M**undet & muniat nos, quæsumus Domine, divini sacramenti munus oblatum: & intercedente beata Virgine Dei genitrice Maria, cum beatis Apostolis tuis Petro & Paulo, atque beato N. & omnibus Sanctis; à cunctis nos reddat & perversitatibus expiatis, & adversitatibus expeditos.

**P**urificent nos, quæsumus omnipotens & misericors Deus, sacramenta quæ sumpsimus: & intercedentibus omnibus Sanctis tuis, præsta: ut hoc tuum sacramentum non sit nobis reatus ad poenam, sed intercessio salutaris ad veniam: sit ablutio scelerum, sit fortitudo fragilium, sit contra omnia mundi pericula firmamentum: sit vivorum atque mortuorum fidelium, remissio omnium delictorum. Per Dominum nostrum Jesum Christum Filium tuum: Qui tecum vivit & regnat in unitate Spiritus Sancti Deus per omnia secula seculorum. Amen.

## FERIA II.

Statio ad S. Marcum.

**Introitus.**

**I**N Deo laudabo verbum, in Domino laudabo sermonem: in Deo sperabo, non timebo quid faciat mihi homo. **Psalms.**

Miserere mei Deus, quoniam concitavit me homo: tota die bellans tribulavit me. **Gloria Patri.**

**Oratio.**

**C**ordibus nostris, quæsumus Domine, gratiam tuam benignus infunde: ut sicut ab escis carnalibus abstinemus, ita sensus quoque nostros à noxiis retrahamus excessibus. Per Dominum nostrum.

**Alia Orationes, ut in Dominica præcedenti. Pag. 108.**

**Lectio libri Regum.**

**I**N diebus illis: Naaman princeps militiæ regis Syriæ, erat vir magnus apud Dominum suum, & honoratus: per illum enim dedit Dominus salutem Syriæ: erat autem vir fortis & dives, sed leprosus. Porro de Syria egressi fuerant latrunculi, & captivam duxerunt de terra Israël puellam parvulam, quæ erat in obsequio uxoris Naaman, quæ ait ad dominam suam: Utinam fuisset dominus meus ad Prophetam, qui est in Samaria: profecto curasset eum à lepra, quam habet. Ingressus est itaque Naaman ad dominum suum, & nuntiavit

vit

vit ei, dicens: Sic & sic locuta est puella de terra Israël. Dixitque ei rex Syriæ: Vade, & mittam litteras ad regem Israël. Qui cum profectus esset, & tulisset secum decem talenta argenti, & sex millia aureos, & decem mutatoria vestimentorum, detulit litteras ad regem Israël, in hæc verba: Cum acceperis epistolam hanc, scito quod miserim ad te Naaman servum meum, ut cures eum à lepra sua. Cumque legisset rex Israël litteras, scidit vestimenta sua, & ait: Numquid Deus ego sum, ut occidere possim, & vivificare, quia iste misit ad me, ut cures hominem à lepra sua? animadvertite, & videte quod occasiones quærat adversum me. Quod cum audisset Elisæus vir Dei, scidisse videlicet regem Israël vestimenta sua, misit ad eum dicens: Quare scidisti vestimenta tua? veniat ad me, & sciat esse Prophetam in Israël. Venit ergo Naaman cum equis & curribus, & stetit ad ostium domus Elisæi: misitque ad eum Elisæus nuntium, dicens: Vade, & lavare septies in Jordâne, & recipiet sanitatem caro tua, atque mundaberis. Iratus Naaman recedebat, dicens: Putabam quod egrederetur ad me, & stans invocaret nomen Domini Dei sui, & tangeret manu sua locum lepræ, & curaret me. Numquid non meliores sunt Abana & Pharphar, fluvii Damasci, omnibus aquis Israël, ut laver in eis, & munder? Cum ergo vertisset se, & abiret indignans, accesserunt ad eum servi sui, & locuti sunt ei: Pater, & si rem grandem dixisset tibi Pro-

pheta, certe facere debueras: quanto magis quia nunc dixit tibi: Lavare, & mundaberis? Descendit, & lavit in Jordâne septies juxta sermonem viri Dei, & restituta est caro ejus, sicut caro pueri parvuli, & mundatus est. Reversusque ad virum Dei cum universo comitatu suo, venit, & stetit coram eo, & ait: Verè scio, quod non sit alius Deus in universa terra, nisi tantum in Israël.

**Graduale.** Deus vitam meam annuntiavi tibi: posuisti lacrymas meas in conspectu tuo. **Miserere mei Domine quoniam concitavit me homo: tota die bellans tribulavit me.**

**Tractus.** Domine, non secundum peccata nostra, quæ fecimus nos: neque secundum iniquitates nostras retribuas nobis. **Domine, ne memineris iniquitatum nostrarum antiquarum: cito anticipent nos misericordiae tuæ, quia pauperes facti sumus nimis.** **Adjuva nos Deus salutaris noster: & propter gloriam nominis tui Domine libera nos: & propitius esto peccatis nostris propter nomen tuum.**

**Sequentia sancti Evangelii secundum Lucam.**

**I**N illo tempore: Dixit Jesus Pharisæis: Utique dicetis mihi hanc similitudinem: Medice cura te ipsum: quanta audivimus facta in Capharnaüm, fac & hinc in patria tua. Ait autem: Amen dico vobis, quia nemo Propheta acceptus est in patria sua. In veritate dico vobis, multæ viduæ erant in diebus

Eliz



Eliz in Israël, quando clausum est cælum annis tribus, & mēsisbus sex, cū facta esset fames magna in omni terra, & ad nullam illarum missus est Elias, nisi in Sarēpta Sidōniæ, ad mulierem viduam. Et multi leprosi erant in Israël sub Elisēo Prophēta: & nemo eorū mundatus est nisi Naaman Syrus. Et replēti sunt omnes in synagoga ira, hæc audiētes. Et surrexerunt, & eiecērunt illum extra civitatem: & duxerunt illum usque ad superciliū montis, super quem civitas illorū erat ædificata, ut præcipitarent eum. Ipse autem trāsiens per mēdiū illorū, ibat.

**Offertorium.** Exaudi Deus orationem meam: & nē despēxeris deprecationem meam: intēde in me, & exaudi me.

**Secreta.**

**M**Unus, quod tibi Dōmine nostrā servitutis offerimus, tu salutāre nobis pēfice sacramētum. Per Dōminum nostrum.

**Alia Secretæ, ut in Dominica præcedenti.** Pag. 109.

**Communio.** Quis dabit ex Sion salutāre Israël? cū avēterit Dōminus captivitatem plebis suæ, exultābit Jacob, & lætābitur Israël.

**Postcommunio.**

**P**resta quæsumus omnipotens & misericors Deus: ut quod ore contīgimus, pura mente capiāmus. Per Dōminum nostrum.

**Alia Postcommuniones, ut in Dominica præcedenti.** Pag. 110.

**Super populum.** Orēmus. Humiliāte cāpita vestra Deo.

**Oratio.**

**S**ubveniat nobis, Dōmine, misericordia tua: ut ab imminētibz peccatorū nostrorū periculis, te mereāmur protegēte eripi, te liberāte salvāri. Per Dōminum nostrum Jesum Christum.

**FERIA III.**

**Statio ad S. Pudentianam.**

**Introitus.**

**E**Go clamāvi, quoniam exaudisti me Deus: inclina aurem tuam, & exaudi verba mea: custodi me

Dōmine, ut pupillam oculi: sub umbra alarū tuarū protege me. **Psalms.** Exaudi Dōmine iustitiam meam: intēde deprecationem meam. **Glória Patri.**

**Oratio.**

**E**xaudi nos omnipotens & misericors Deus: & continentia salutaris propitius nobis dona concede. Per Dōminum nostrum.

**Alia Orationes, ut in Dominica præcedenti.** Pag. 108.

**Lectio libri Regum.**

**I**n diēbus illis: Mulier quādam clamābat ad Elisēum Prophētā, dicens: Servus tuus vir meus mortuus est, & tu nosti quia servus tuus fuit timens Dōminum: & ecce creditor venit ut tollat duos filios meos ad serviendum sibi. Cui dixit Elisēus: Quid vis ut faciam tibi? Dic mihi, quid habes in domo tua? At illa respōdit: Non

habeo

habeo ancilla tua quidquam in domo mea, nisi parum olei, quo ungā. Cui ait: Vade, pete mutuo ab omnibus vicinis tuis vasa vacua non pauca. Et ingredere, & claudē ostium tuum, cū intrinsecus fueris tu, & filii tui: & mitte inde in omnia vasa hæc: & cū plena fuerint, tolles. Ivit itaque mulier, & clausit ostium super se, & super filios suos: illi offerēbant vasa, & illa infundēbat. Cūque plena fuissent vasa, dixit ad filium suum: Affer mihi adhuc vas. Et ille respōdit: Non habeo. Stetitque oleum. Venit autem illa, & indicavit homini Dei. Et ille, Vade, inquit, vende oleum, & redde creditorī tuo: tu autem, & filii tui vivite de reliquo.

**Graduale.** Ab occultis meis munda me Dōmine: & ab aliēis parce servo tuo. **Si mei non fuerint dominati, tunc immaculatus ero: & emundabor à delicto máximo.**

**Sequētia sancti Evangelii secundum Matthæum.**

**I**n illo tempore: Dixit Jesus discipulis suis: Si peccaverit in te frater tuus, vade, & corripe eum inter te & ipsum solum. Si te audierit, lucratus eris fratrem tuum. Si autem te non audierit, adhibe tecum adhuc unum vel duos, ut in ore duorum vel trium testium stet omne verbum. Quod si non audierit eos: dic ecclesiæ. Si autem ecclesiā non audierit: sit tibi sicut ethnicus & publicanus. Amen dico vobis, quæcūque alligaveritis super terram, erunt ligata & in cæ-

lo: & quæcūque solveritis super terram, erunt soluta & in cælo. Iterum dico vobis, quia si duo ex vobis consēserint super terram de omni re quæcūque petierint, fiet illis à Patre meo, qui in cælis est. Ubi enim sunt duo vel tres congregati in nōmine meo, ibi sum in medio eorū. Tunc accedens Petrus ad eum, dixit: Dōmine, quoties peccābit in me frater meus, & dimittam ei? usque septies? Dicit illi Jesus: Non dico tibi usque septies, sed usque septuagies septies.

**Offertorium.** Dextera Dōmini fecit virtutem: dextera Dōmini exaltavit me: non moriar, sed vivam, & narrābo opera Dōmini.

**Secreta.**

**P**er hæc veniat, quæsumus Dōmine, sacramēta, nostrā redemptionis effectus: qui nos & ab humanis retrahat semper excessibus: & ad salutaria dona perducat. Per Dōminum nostrum.

**Alia Secretæ, ut in Dominica præcedenti.** Pag. 109.

**Communio.** Dōmine, quis habitabit in tabernaculo tuo? aut quis requiescet in monte sancto tuo? Qui ingreditur sinē macula, & operatur iustitiam.

**Postcommunio.**

**S**acris, Dōmine, mystēriis expiati: & veniam, quæsumus, consequāmur, & grātiā. Per Dōminum nostrum.

**Alia Postcommuniones, ut in Dominica præcedenti.** Pag. 110.

**Super populum.** Orēmus. Humiliāte cāpita vestra Deo.

P

**Oratio.**



**Oratio.**

**T**ua nos, Dómine, protectiōne  
defēde: & ab omni semper  
iniquitate custodi. Per Dóminum  
nostrum Jesum Christum.

**FERIA IV.**

*Statio ad S. Xystum.*

**Introitus.**

**E**go autem in Dó-  
mino sperábo:  
exultábo, & læ-  
tabor in tua mi-  
sericórdia: quia  
respexisti humi-  
litatem meam. **Psalms.** In te Dó-  
mine sperávi, non confundar in æ-  
térnum: in iustitia tua libera me,  
& eripe me. **V. Glória Patri.**

**Oratio.**

**P**resta nobis, quæsumus Dómi-  
ne: ut salutaribus jejúniis eru-  
diti, à nóxiis quoque vitiis absti-  
nentes, propitiatiōnem tuam faci-  
lius impetrémus. Per Dóminum  
nostrum Jesum Christum.

**Aliæ Orationes, ut in Dominica  
præcedenti. Pag. 108.**

**Lectio libri Exodi.**

**H**æc dicit Dóminus Deus: Ho-  
nóra patrem tuum, & matrem  
tuam, ut sis longævus super ter-  
ram, quam Dóminus Deus tuus da-  
bit tibi. Non occides. Non mee-  
chaberis. Non furtum facies. Non  
loqueris contra pròximum tuum  
falsum testimoniū. Non concu-  
piscas domum pròximi tui: nec de-  
siderabis uxorem ejus, non servum,  
non ancillam, non bovem, non ási-

num, nec omnia quæ illius sunt.  
Cunctus autem pópulus vidēbat  
voces, & lámpades, & sōnitum  
búccinæ, montēque fumantē:  
& perterriti, ac pavóre concússi,  
steterunt procul, dicētes Móysi:  
Lóquere tu nobis, & audiēmus:  
non loquátur nobis Dóminus, nè  
fortè moriamur. Et ait Móyses  
ad pópulum: Nolite timēre: ut  
enim probáret vos venit Deus, &  
ut terror illius esset in vobis, &  
non peccáretis. Stetitque póp-  
ulus de longē. Móyses autem ac-  
cēssit ad caliginem in qua erat De-  
us. Dixit præterea Dóminus ad  
Móysen: Hæc dices filiis Israël:  
Vos vidístis, quòd de cælo locú-  
tus sim vobis. Non faciētis deos  
argenteos, nec deos aureos faciē-  
tis vobis. Altāre de terra faciētis  
mihi, & offerētis super eo holo-  
causta & pacífica vestra, oves ve-  
stras & boves in omni loco, in quo  
memória fuerit nominis mei.

**Graduale.** Misere mei Dómi-  
ne, quóniam infirmus sum: sana  
me Dómine. **V. Conturbata sunt  
omnia ossa mea: & ánima mea tur-  
bata est valde.**

**Tractus.** Dómine, non secun-  
dum peccata nostra, quæ fecimus  
nos: neque secundum iniquitates  
nostras retribuas nobis. **V. Dó-  
mine, nè memineris iniquitatum  
nostrarum antiquarum: citò an-  
cipient nos misericórdiæ tuæ, quia  
pauperes facti sumus nimis. V. \* Hic  
ge-  
nu-  
flexio.**  
Adjuva nos Deus salutaris noster:  
& propter glóriam nóminis tui Dó-  
mine libera nos: & propitius esto  
peccatis nostris, propter nomen  
tuum.

Sequētia

**Sequētia sancti Evangélíi**  
secundum Matthæum.

**Matt.** **I**n illo tēpore: Accesserunt ad  
Jesum ab Jerosólymis Scribæ, &  
Pharisæi, dicētes: Quare discipu-  
li tui transgrediuntur traditiōnem  
seniōrum? Non enim lavant ma-  
nus suas cum panem manducant.  
Ipse autem respōdens, ait illis:  
Quare & vos transgredimini man-  
dātum Dei propter traditiōnem  
vestram? Nam Deus dixit: Honó-  
ra patrem, & matrem. Et: Qui  
maledixerit patri, vel matri, morte  
moriatur. Vos autem dicitis: Qui-  
cūque dixerit patri, vel matri, mu-  
nus quodcūque est ex me, tibi  
próderit: & non honorificabit pa-  
trem suum, aut matrem suam: &  
irritum fecistis mandātum Dei pro-  
pter traditiōnem vestram. Hypó-  
crita, benè prophetavit de vobis  
Isaías, dicens: Pópulus hic lábiis  
me honórat: cor autem eórum  
longè est à me. Sinè causa autem  
colunt me, docētes doctrinas &  
mandata hóminum. Et convocá-  
tis ad se turbis, dixit eis: Audite,  
& intelligite. Non quod intrat in  
os, coínquinat hóminem: sed quod  
procedit ex ore, hoc coínquinat  
hóminem. Tunc accedētes disci-  
puli ejus, dixerunt ei: Scis quia  
Pharisæi, audito verbo hoc, scan-  
dalizati sunt? At ille respōdens,  
ait: Omnis plantatio, quam non  
plantavit Pater meus cœléstis, era-  
dicabitur. Sinite illos: cæci sunt,  
& duces cæcorum. Cæcus autem  
si cæco ducatum præstet, ambo in  
fóveam cadunt. Respōdens au-  
tem Petrus, dixit ei: Ediffere no-

bis parabolam istam. At ille dixit:  
Adhuc & vos sinè intellectu estis?  
Non intelligitis, quia omne quod  
in os intrat, in ventrem vadit, & in  
secessum emittitur? Quæ autem  
procedunt de ore, de corde ex-  
eunt, & ea coínquinant hóminem:  
de corde enim exeunt cogitatiōes  
malæ, homicidia, adulteria, forni-  
cations, furta, falsa testimoniá,  
blasphémia. Hæc sunt, quæ coín-  
quinant hóminem. Non lotis au-  
tem manibus manducare, non coín-  
quinat hóminem.

**Offertorium.** Dómine, fac me-  
cum misericórdiam tuam propter  
nomen tuum: quia suavis est mi-  
sericórdia tua.

**Secrera.**

**S**uscipe, quæsumus Dómine, pre-  
ces pópuli tui cum oblatiōibus  
hostiarum: & tua mystéria cele-  
brantes, ab omnibus nos defēde  
periculis. Per Dóminum nostrum.

**Aliæ Secrera, ut in Dominica  
præcedenti. Pag. 109.**

**Communio.** Notas mihi fecisti  
vias vitæ: adimplēbis me lætitiis  
cum vultu tuo, Dómine.

**Postcommunio.**

**S**anctificet nos, Dómine, quæ pa-  
sti sumus, mensa cœléstis: & à  
cunctis erroribus expiātos, super-  
nis promissiōibus reddat accēptos.  
Per Dóminum nostrum.

**Aliæ Postcommuniones, ut in  
Dominica præcedenti. Pag. 110.**

**Super populum.** Orémus.  
Humiliāte cápita vestra Deo.

**Oratio.**

**C**oncède quæsumus omni-  
potens Deus: ut qui protectiō-  
nis tuæ grátiam quærimus, libe-



rati à malis omnibus, secura tibi mente serviâmus. Per Dñm nostrum Jesum Christum.

## FERIA V.

Statio ad SS. Cosmam & Damianum.

## Introitus.

**S** Alus pñpuli ego sum, dicit Dñm: de quacumque tribulatione clamaverint ad me, exaudiam eos:

& ero illorum Dñs in perpetuum. **Psalmus.** Attendite pñpule meus legem meam: inclinâte aurem vestram in verba oris mei. **V.** Glória Patri.

## Oratio.

**M** Agnificet te, Dñe, sanctorum tuorum Cosmæ & Damiâni beâta sollemnitas: qua & illis glóriam sempiternam, & opem nobis ineffabili providentia contulisti. Per Dñm nostrum Jesum Christum Filium tuum.

**Alia Orationes, ut in Dominica præcedenti. Pag. 108.**

## Lectio Jeremiæ Prophætæ.

**I** N dièbus illis: Factum est verbum Dñi ad me, dicens: Sta in porta domus Dñi: & prædica ibi verbum istud, & dic: Audite verbum Dñi omnis Juda, qui ingredimini per portas has, ut adoratis Dñm. Hæc dicit Dñs exercituum Deus Israël: Bonas facite vias vestras, & studia vestra: & habitabo vobiscum in loco isto. Nolite confidere in verbis

mendacii, dicentes: Templum Dñi, templum Dñi, templum Dñi est. Quoniam si bene direxeritis vias vestras, & studia vestra: si feceritis iudicium inter virum & proximum ejus, advenæ, & pupillo, & viduæ non feceritis calumniam, nec sanguinem innocentem effuderitis in loco hoc, & post deos alienos non ambulaveritis in malum vobismetipsis: habitabo vobiscum in loco isto; in terra, quam dedi patribus vestris à sæculo & usque in sæculum: ait Dñs omnipotens.

**Graduale.** Oculi omnium in te sperant Dñe: & tu das illis escam in tempore opportuno. **V.** Aperis tu manum tuam, & imple omne animal benedictione.

## Sequentia sancti Evangelii secundum Lucam.

**I** N illo tempore: Surgens Jesus de synagoga, introivit in domum Simonis. Socrus autem Simonis tenebatur magnis febribus: & rogaverunt illum pro ea. Et stans super illam, imperavit febrim: & dimisit illam. Et continuo surgens, ministrabat illis. Cum autem sol occidisset, omnes qui habebant infirmos variis languoribus, ducebant illos ad eum. At ille singulis manus imponens, curabat eos. Exibant autem demonia à multis, clamantia & dicentia: Quia tu es Filius Dei: & increpans non sinebat ea loqui, quia sciebant ipsum esse Christum. Facta autem die egressus ibat in desertum locum, & turba requirebant eum, & venerunt usque ad ipsum: & detinebant

## FERIA VI.

Statio ad S. Laurentium in Lucina.

## Introitus.

**E** Ac mecum, Dñe, mine, signum in bonum: ut videant qui me oderunt, & confundantur: quoniam tu Dñe adjuvisti me, & consolatus es me. **Psalmus.** Inclina Dñe aurem tuam, & exaudi me: quoniam inops & pauper sum ego. **V.** Glória Patri.

## Oratio.

**E** jūnia nostra, quæsumus Dñe, benigno favore prosequere: ut sicut ab alimentis abstinemus in corpore; ita à vitiis jejuniemus in mente. Per Dñm nostrum Jesum Christum.

**Alia Orationes, ut in Dominica præcedenti. Pag. 108.**

## Lectio libri Numeri.

**I** N dièbus illis: Convenérunt filii Israël adversum Moysen & Aaron: & versi in seditionem, dixerunt: Date nobis aquam, ut bibamus. Ingressusque Moyses & Aaron, dimissa multitudo, tabernaculum foederis, corruerunt proni in terram, clamaveruntque ad Dñm, atque dixerunt: Dñe Deus audi clamorem hujus populi, & aperi eis thesaurum tuum fontem aquæ vivæ, ut satiati, cesset murmuratio eorum. Et apparuit glória Dñi super eos. Locutusque est Dñs ad Moysen, dicens: Tolle virgam, & congrega

bant illum ne discederet ab eis. Quibus ille ait: Quia & aliis civitatibus oportet me evangelizare regnum Dei: quia ideo missus sum. Et erat prædicans in synagogis Galilææ.

**Offertorium.** Si ambulâvero in medio tribulationis, vivificabis me Dñe: & super iram inimicorum meorum extendes manum tuam, & salvum me faciet dextera tua.

## Secreta.

**I** N tuorum, Dñe, pretiosa morte justorum sacrificium illud offerimus, de quo martyrium sumpsit omne principium. Per Dñm nostrum Jesum Christum Filium tuum.

**Alia Secreta, ut in Dominica præcedenti. Pag. 109.**

**Communio.** Tu mandasti, mandata tua custodiri nimis: utinam dirigantur viæ meæ ad custodiendas justificationes tuas.

## Postcommunio.

**S** it nobis, Dñe, sacramenti tui certa salvatio: quæ cum beatorum martyrum tuorum Cosmæ & Damiâni meritis imploratur. Per Dñm nostrum Jesum Christum Filium tuum.

**Alia Postcommuniones, ut in Dominica præcedenti. Pag. 110.**

## Super populum. Orémus.

Humiliâte capita vestra Deo.

## Oratio.

**S** ubjectum tibi populum, quæsumus Dñe, propitiatio cælestis amplificet: & tuis semper faciat servire mandatis. Per Dñm nostrum Jesum Christum Filium tuum: Qui tecum vivit & regnat in unitate.



pópulum, tu & Aaron frater tuus, & loquimini ad petram coram eis, & illa dabit aquas. Cumque eduxeris aquam de petra, bibet omnis multitudo, & iumenta ejus. Tulit igitur Móyses virgam, quæ erat in conspectu Dómini, sicut præceperat ei, congregata multitudo ante petram, dixitque eis: Audite rebelles & increduli: Num de petra hac vobis aquam poterimus ejicere? Cumque elevasset Móyses manum, percutiens virga bis sili- cem, egressæ sunt aquæ largissimæ, ita ut pópulus biberet & iumenta. Dixitque Dóminus ad Móysen & Aaron: quia non credidistis mihi, ut sanctificarétis me coram filiis Israël, non introducétis hos pópulos in terram, quam dabo eis. Hæc est aqua contradiciónis, ubi iurgati sunt filii Israël contra Dóminum, & sanctificatus est in eis.

**Graduale.** In Deo sperávit cor meum, & adjutus sum: & restituit caro mea, & ex voluntate mea confitebor illi. **V.** Ad te Dómine clamavi: Deus meus nē sileas, nē discēdas à me.

**Tractus.** Dómine, non secundum peccata nostra, quæ fecimus nos: neque secundum iniquitates nostras retribuas nobis. **V.** Dómine, nē memineris iniquitatum nostrarum antiquarum: citò anticipent nos misericordiæ tuæ, quia pauperes facti sumus nimis. **V.** Adjuva nos Deus salutaris noster: & propter glóriam nóminis tui Dómine libera nos: & propitius esto peccatis nostris propter nomen tuum.

### Sequéntia sancti Evangélíi secundum Joánnem.

**I**N illo tempore: Venit Jesus in civitatem Samariæ, quæ dicitur Sichar: juxta prædium, quod dedit Jacob Joseph filio suo. Erat autem ibi fons Jacob. Jesus ergo fatigatus ex itinere, sedebat sic supra fontem. Hora erat quasi sexta. Venit mulier de Samaria haurire aquam. Dicit ei Jesus: Da mihi bibere. (Discípuli enim ejus abierant in civitatem ut cibos emerent.) Dicit ergo ei mulier illa Samaritana: Quomodo tu Judæus cum sis, bibere à me poscis, quæ sum mulier Samaritana? non enim cōtinentur Judæi Samaritanis. Respondit Jesus, & dixit ei: Si scires donum Dei, & quis est, qui dicit tibi: Da mihi bibere: tu forsitan petisses ab eo, & dedisset tibi aquam vivam. Dicit ei mulier: Dómine, neque in quo haurias habes, & puteus altus est: unde ergo habes aquam vivam? Numquid tu major es patre nostro Jacob, qui dedit nobis puteum, & ipse ex eo bibit, & filii ejus, & pecora ejus? Respondit Jesus, & dixit ei: Omnis qui bibit ex aqua hac, sitiet iterum: qui autem biberit ex aqua, quam ego dabo ei, non sitiet in æternum: sed aquam, quam ego dabo ei, fiet in eo fons aquæ salientis in vitam æternam. Dicit ad eum mulier: Dómine, da mihi hanc aquam, ut non sitiam, neque veniam huc haurire. Dicit ei Jesus: Vade, voca virum tuum, & veni huc. Respondit mulier, & dixit: Non habeo virum. Dicit ei Jesus: Benè dixisti,

quia

quia non habeo virum: quinque enim viros habuisti; & nunc, quem habes, non est tuus vir: hoc verè dixisti. Dicit ei mulier: Dómine, video quia Propheta es tu. Patres nostri in monte hoc adoraverunt, & vos dicitis, quia Jerosólymis est locus, ubi adorare oportet. Dicit ei Jesus: Mulier, crede mihi, quia venit hora, quando neque in monte hoc, neque in Jerosólymis adorabitis Patrem. Vos adoratis quod nescitis: nos adoramus quod scimus, quia salus ex Judæis est. Sed venit hora, & nunc est, quando veri adoratores adorabunt Patrem in spiritu & veritate. Nam & Pater tales quærit, qui adórent eum. Spiritus est Deus: & eos, qui adorant eum, in spiritu & veritate oportet adorare. Dicit ei mulier: Scio, quia Messias venit (qui dicitur Christus.) Cum ergo venerit ille, nobis annuntiabit omnia. Dicit ei Jesus: Ego sum, qui loquor tecum. Et continuo venerunt discipuli ejus: & mirabantur quia cum muliere loquebatur. Nemo tamen dixit: Quid quæris, aut quid loqueris cum ea? Reliquit ergo hydriam suam mulier, & abiit in civitatem, & dicit illis hominibus: Venite, & videte hominem, qui dixit mihi omnia quæcumque feci: numquid ipse est Christus? Exierunt ergo de civitate, & veniebant ad eum. Interea rogabant eum discipuli, dicentes: Rabbi, manduca. Ille autem dicit eis: Ego cibum habeo manducare, quem vos nescitis. Dicebant ergo discipuli ad invicem: Numquid aliquis attulit ei manducare? Dicit eis Jesus: Meus

cibus est, ut faciam voluntatem ejus, qui misit me, ut perficiam opus ejus. Nónne vos dicitis, quod adhuc quatuor menses sunt, & messis venit? Ecce dico vobis: Levate oculos vestros, & videte regiones, quia albæ sunt jam ad messem. Et qui metit, mercèdem accipit, & congregat fructum in vitam æternam: ut, & qui seminat, simul gaudet, & qui metit. In hoc enim est verbum verum: quia alius est qui seminat, & alius est qui metit. Ego misi vos metere, quod vos non laborastis: alii laboraverunt, & vos in labores eorum introistis. Ex civitate autem illa multi crediderunt in eum Samaritanorum, propter verbum mulieris testimonium perhibentis: Quia dixit mihi omnia quæcumque feci. Cum venissent ergo ad illum Samaritani, rogaverunt eum ut ibi maneret. Et mansit ibi duos dies. Et multo plures crediderunt in eum propter sermonem ejus. Et mulieri dicebant: Quia jam non propter tuam loquelam credimus: ipsi enim audivimus, & scimus, quia hic est verè Salvator mundi.

**Offertorium.** Intende voci orationis meæ, Rex meus, & Deus meus: quoniam ad te orabo, Dómine.

### Secreta.

**R**espice, quæsumus Dómine, propitius ad múnera, quæ facramus: ut tibi grata sint, & nobis salutaria semper existant. Per Dóminum nostrum Jesum Christum Filium tuum.

**Alia Secreta, ut in Dominica præcedenti. Pag. 109.**

Communi-



**Communio.** Qui biberit aquam, quam ego dabo ei, dicit Dominus, fiet in eo fons aquæ salientis in vitam æternam.

**Postcommunio.**

**H**ujus nos, Domine, percéptio sacraménti mundet à crimine: & ad cœléstia regna perducatur. Per Dominum nostrum.

**Alia Postcommuniones, ut in Dominica præcedenti. Pag. 110.**

**Super populum. Orémus.**  
Humiliâte capita vestra Deo.

**Oratio.**

**P**ræsta quæsumus omnipotens Deus: ut qui in tua protectiōne confidimus, cuncta nobis adversantia, te adjuvante, vincamus. Per Dominum nostrum Jesum Christum Filium tuum.

**SABBATO.**

*Statio ad S. Susannam.*

**Introitus.**

**V**erba mea auri-  
bus percipe Domine,  
intellige clamorem meum:  
intende vocem orationis meæ.  
rex meus, & Deus meus. **Psalms.**  
Quoniam ad te orabo Domine:  
manè exaudies vocem meam. **Gloria Patri.**

**Oratio.**

**P**ræsta quæsumus omnipotens Deus: ut qui se, affigendo carnem, ab alimentis abstinent; se-  
crando iustitiam, à culpa jejūnent. Per Dominum nostrum.

**Alia Orationes, ut in Dominica præcedenti. Pag. 108.**

**Lectio Daniélis Prophætæ.**

**I**n diēbus illis: Erat vir habitans in Babylōne, & nomen ejus Jóakim: & accēpit uxorem nōmine Susānnam, filiam Helciæ, pulchram nimis, & timētem Deum: parēntes enim illius, cum essent iusti, erudiērunt filiam suam secundum legem Mōysi. Erat autem Jóakim dives valde, & erat ei pomārium vicinū domui suæ: & ad ipsum confluēbant Judæi, eò quod esset honorabilior omnium. Et constituti sunt de pōpulo duo senes iudices in illo anno: de quibus locutus est Dominus: Quia egressa est iniquitas de Babylōne à senioribus iudicibus, qui videbantur regere pōpulum. Isti frequentabant domum Jóakim, & veniebant ad eos omnes qui habebant iudicia. Cum autem pōpulus revertisset per meridiem, ingrediebatur Susāna, & deambulabat in pomārio viri sui. Et videbant eam senes quotidie ingredientem, & deambulāntem: & exarsērunt in concupiscētiā ejus: & evertērunt sensum suum, & declinaverunt oculos suos ut non viderent cœlum, neque recordarentur iudiciōrum iustōrum. Factum est autem, cum observarent diem aptum, ingressa est aliquādo sicut heri & nudius tertius, cum duābus solis puellis, voluitque lavari in pomārio: æstus quippe erat: & non erat ibi quisquam, præter duos senes absconditos, & contemplantes eam. Dixit ergo puellis: Afferte mihi oleum, & smigmata,

& ostia pomārii claudite, ut laver. Cum autem egressæ essent puellæ, surrexerunt duo senes, & accurrerunt ad eam, & dixerunt: Ecce ostia pomārii clausa sunt, & nemo nos videt, & nos in concupiscētiā tui sumus; quāobrem assentire nobis, & commiscere nobiscum. Quod si nolueris, dicemus contra te testimonium, quod fuerit tecum juvenis, & ob hanc causam emiseris puellas à te. Ingemuit Susāna, & ait: Angustia sunt mihi undique: si enim hoc egero, mors mihi est: si autem non egero, non effugiam manus vestras. Sed melius est mihi absque opere incidere in manus vestras, quā peccare in conspectu Domini. Et exclamavit voce magna Susāna: exclamaverunt autem & senes adversus eam. Et cucurrit unus ad ostia pomārii, & aperuit. Cum ergo audissent clamorem famuli domus in pomārio, irruerunt per posticum ut viderent quidnam esset. Postquam autem senes locuti sunt, erubuērunt servi vehementer: quia nunquam dictus fuerat sermo huiusmodi de Susāna. Et facta est dies crastina. Cumque venisset pōpulus ad Jóakim virum ejus, venerunt & duo seniores pleni iniqua cogitatione adversus Susānam, ut interficerent eam. Et dixerunt coram pōpulo: Mittite ad Susānam filiam Helciæ uxorem Jóakim. Et statim miserunt. Et venit cum parēntibus, & filiis, & universis cognatis suis. Flēbant igitur sui, & omnes qui nōverant eam. Consurgentes autem duo seniores in medio pōpuli, posuerunt

manus suas super caput ejus. Quædens suspexit ad cœlum: erat enim cor ejus fiduciam habens in Domino. Et dixerunt seniores: Cum deambularemus in pomārio soli, ingressa est hæc cum duābus puellis: & clausit ostia pomārii, & dimisit à se puellas. Venitque ad eam adolescens, qui erat absconditus, & concubuit cum ea. Porro nos eum effemus in angulo pomārii, videntes iniquitatem, cucurrimus ad eos, & vidimus eos pariter commisceri. Et illum quidem non quævimus comprehendere, quia fortior nobis erat, & apertis ostiis exiit: hanc autem cum apprehendissemus, interrogavimus, quisnam esset adolescens, & noluit indicare nobis: hujus rei testes sumus. Credidit eis multitudo quasi senibus, & iudicibus pōpuli, & condemnaverunt eam ad mortem. Exclamavit autem voce magna Susāna, & dixit: Deus æternæ, qui absconditorum es cognitor, qui nosti omnia, antequam fiant, tu scis quoniam falsum testimonium tulerunt contra me: & ecce morior, cum nihil horum fecerim, quæ isti malitiosè composuerunt adversum me. Exaudivit autem Dominus vocem ejus. Cumque duceretur ad mortem, suscitavit Dominus Spiritum sanctum pueri junioris, cujus nomen Daniel: Et exclamavit voce magna: Mandus ego sum à sanguine hujus. Et conversus omnis pōpulus ad eum, dixit: Quis est iste sermo, quem tu locutus es? Qui cum staret in medio eorum, ait: Sic fatui filii Israël, non iudicantes, neque quod verum est cognoscen-



tes, condemnastis filiam Israël? Revertimini ad iudicium, quia falsum testimonium locuti sunt adversus eam. Reversus est ergo populus cum festinatione. Et dixit ad eos Daniel: Separate illos ab invicem procul, & dijudicabo eos. Cum ergo divisi essent alter ab altero, vocavit unum de eis, & dixit ad eum: inveterate dierum malorum, nunc venerunt peccata tua, quæ operabaris prius; iudicans iudicia injusta, innocentes opprimens, & dimittens noxios, dicente Domino: Innocentem & justum non interficies. Nunc ergo si vidisti eam, dic sub qua arbore videris eos colloquentes sibi. Qui ait: Sub schino. Dixit autem Daniel: Recte mentitus es in caput tuum. Ecce enim Angelus Dei, accepta sententia ab eo, scindet te medium. Et, amoto eo, iussit venire alium, & dixit ei: Semen Chanaan, & non Juda, species decipit te, & concupiscentia subvertit cor tuum: sic faciebatis filiabus Israël, & illæ timentes loquebantur vobis: sed filia Juda non sustinuit iniquitatem vestram. Nunc ergo dic mihi, sub qua arbore comprehenderis eos loquentes sibi. Qui ait: Sub prino. Dixit autem ei Daniel: Recte mentitus es & tu in caput tuum: manet enim Angelus Domini, gladium habens, ut secet te medium, & interficiat vos. Exclamavit itaque omnis cætus voce magna, & benedixerunt Deum, qui salvat sperantes in se. Et consurrexerunt adversus duos seniores (convicerat enim eos Daniel ex ore suo falsum dixisse testimonium) feceruntque

eis sicut male egerant adversus proximum: & interfecerunt eos, & salvatus est sanguis innoxius in die illa.

**Graduale.** Si ambulem in medio umbræ mortis, non timebo mala: quoniam tu mecum es, Domine. Virga tua, & baculus tuus, ipsa me consolata sunt.

### Sequentia sancti Evangelii secundum Joannem.

**I**N illo tempore: Perrexit Jesus in montem Oliveti: & diluculo iterum venit in templum, & omnis populus venit ad eum, & sedens docebat eos. Adducunt autem Scribæ, & Pharisei, mulierem in adultério deprehensam: & statuerunt eam in medio, & dixerunt ei: Magister, hæc mulier modò deprehensa est in adultério. In lege autem Moyses mandavit nobis huiusmodi lapidare. Tu ergo quid dicis? Hoc autem dicebant tentantes eum, ut possent accusare eum. Jesus autem inclinans se deorsum, digito scribebat in terra. Cum ergo perseverarent, interrogantes eum, erexit se, & dixit eis: Qui sine peccato est vestrum, primus in illam lapidem mittat. Et iterum se inclinans, scribebat in terra. Audiētes autem unus post unum exibant, incipientes à senioribus: & remansit solus Jesus, & mulier in medio stans. Erigens autem se Jesus, dixit ei: Mulier, ubi sunt, qui te accusabant? nemo te condemnavit? Quæ dixit: Nemo, Domine. Dixit autem Jesus: Nec ego te condemnabo: Vade, & jam amplius noli peccare.

Offer-

## DOMINICA IV.

In Quadragesima.

Statio ad S. Crucem in Jerusalem.

Introitus.



Etare Jerusalelem: & conventum facite omnes qui diligitis eam: gaudete cum lætitia: qui

in tristitia fuistis: ut exultetis, & satiēmini ab ubéribus consolationis vestræ. **Psalms.** Lætatus sum in his, quæ dicta sunt mihi: in domum Domini ibimus. **Gloria Patri.**

Oratio.

**C**oncède quæsumus omnipotens Deus: ut qui ex merito nostræ actionis affligimur, tuæ gratiæ consolatione respirēmus. Per Dominum nostrum.

Ad poscenda suffragia Sanctorum.

Oratio.

**A**cunctis nos, quæsumus Domine, mentis & corporis defende periculis: & intercedente beata & gloriōsa semper Virgine Dei genitrice Maria, cum beatis Apóstolis tuis Petro & Paulo, atque beato N. & omnibus Sanctis, salutem nobis tribue benignus & pacem: ut, destructis adversitatibus & erroribus univérſis, Ecclesia tua secūra tibi terviat libertate.

Pro vivis &amp; defunctis.

Oratio.

**O**mnipotens sempiternus Deus, qui vivorum dominaris simul & mortuorum, omniumque miseris, quos tuos fide & opere futu-

Q 2

ros

**Offertorium.** Gressus meos dirige secundum eloquium tuum: ut non dominetur mei omnis injustitia, Domine.

Secreta.

**C**oncède quæsumus omnipotens Deus: ut huius Sacrificii munus oblatum, fragilitatem nostram ab omni malo purget semper, & muniat. Per Dominum nostrum Jesum Christum Filium tuum: Qui tecum.

**Alia Secreta, ut in Dominica precedenti.** Pag. 109.

**Communio.** Nemo te condemnavit, mulier? nemo, Domine: nec ego te condemnabo: jam amplius noli peccare.

Postcommunio.

**Q**uæsumus omnipotens Deus: ut inter ejus membra numeremur, cujus corpori communicamus, & sanguini. Qui tecum vivit & regnat.

**Alia Postcommuniones, ut in Dominica precedenti.** Pag. 110.

Super populum. Orémus.

Humiliate capita vestra Deo.

Oratio.

**P**ratēnde Domine fidelibus tuis dexteram cœlestis auxilii: ut te toto corde perquirant; & quæ digne postulant, consequi mereantur. Per Dominum nostrum Jesum Christum Filium tuum: Qui tecum vivit & regnat in unitate Spiritus Sancti Deus, per omnia sæcula sæculorum. Amen.



ros esse prænóscis: te supplices exoramus; ut pro quibus effundere preces decrevimus, quosque vel præsens sæculum adhuc in carne retinet, vel futurum jam exutos corpore suscépit; intercedéntibus ómnibus Sanctis tuis, pietátis tuæ cleméntiâ, ómnium delictórum suórum véniam consequántur. Per Dóminum nostrum.

**Lectio Epistolæ beati Pauli**  
Apóstoli ad Gálatas.

**F**ratres, Scriptum est: Quóniam Abraham duos filios hábit: unum de ancilla, & unum de libera. Sed qui de ancilla, secundum carnem natus est: qui autem de libera, per repromissionem: quæ sunt per allegoriam dicta. Hæc enim sunt duo testaménta. Unum quidem in monte Sina, in servitutem génerans: quæ est Agar: Sina enim mons est in Arábia, qui conjunctus est ei, quæ nunc est Jerúsalem; & servit cum filiis suis. Illa autem, quæ sursum est Jerúsalem, libera est, quæ est mater nostra. Scriptum est enim: Latáre stérilis, quæ non parit: erúmpe, & clama, quæ non párturis: quia multi filii desértæ, magis quàm ejus quæ habet virum. Nos autem fratres secundum Isaac promissionis filii sumus. Sed quómodo tunc is, qui secundum carnem natus fúerat, persequébatur eum, qui secundum spíritum: ita & nunc. Sed quid dicit Scriptúra? Ejice ancillam, & filium ejus: non enim hæres erit filius ancillæ cum filio liberæ. Itaque, fratres, non sumus ancillæ filii, sed liberæ: qua libertate Christus nos liberávit.

**Graduale.** Latátus sum in his, quæ dicta sunt mihi: in domum Dómini íbimus. **V.** Fiat pax in virtute tua: & abundantia in túrribus tuis.

**Tractus.** Qui confidunt in Dómino, sicut mons Sion: non commovébitur in ætérnum, qui hábitat in Jerúsalem. **V.** Montes in circuitu ejus: & Dóminus in circuitu pópuli sui, ex hoc nunc & usque in sæculum.

**Sequentia sancti Evangelii**  
secundum Joánnem.

**I**n illo témpore: Abiit Jesus trans mare Galilææ, quod est Tiberiádis: & sequebátur eum multitúdo magna, quia vidébant signa, quæ faciebat super his qui infirmabántur. Subiit ergo in montem Jesus: & ibi sedebat cum discipulis suis. Erat autem próximum páscha, dies festus Judæórum. Cum subleváset ergo óculos Jesus, & vidíset, quia multitúdo máxima venit ad eum, dixit ad Philíppum: Unde emémus panes, ut mandúcent hi? Hoc autem dicebat tentans eum: ipse enim sciébat, quid esset factúrus. Respondit ei Philíppus: ducentórum denariórum panes non sufficiunt eis, ut unusquisque módicum quid accípiat. Dicit ei unus ex discipulis ejus, Andréas frater Simónis Petri: Est puer unus híc, qui habet quinque panes hordeáceos, & duos pisces: sed hæc quid sunt inter tantos? Dixit ergo Jesus: Fácite hómines discumbere. Erat autem scænum multum in loco. Discubuerunt ergo viri, número quasi quinque

mília.

mília. Accepit ergo Jesus panes: & cum grátias egíset, distribuit discumbéntibus: similiter & ex piscibus quantum volébant. Ut autem impléti sunt, dixit discipulis suis: Collígite quæ superáverunt fragmenta, nè péreant. Collegérunt ergo, & impleverunt duodecim cophinos fragmentórum, ex quinque panibus hordeáceis, quæ superfuérunt his qui manducáverant. Illi ergo hómines cum vidíset quod Jesus fécerat signum, dicebant. Quia hic est verè Prophéta, qui ventúrus est in mundum. Jesus ergo cum cognovísset, quia ventúri essent ut ráperent eum, & fácerent eum regem, fugit iterum in montem ipse solus. **Credo.**

**Offertorium.** Laudáte Dóminum, quia benígnus est: psállite nómini ejus, quóniam suávis est: ómnia quæcúmque voluit, fecit in cælo & in terra.

**Secreta.**

**S**acrificiis præsentibus, Dómine quæsumus, inténde placátus: ut & devotióni nostræ proficiant, & salúti. Per Dóminum nostrum.

**Alia Secreta.**

**E**xáudi nos Deus salutáris noster: ut per hujus sacraménti virtutem, à cunctis nos mentis & corpóris hóstibus tueáris; grátiam tribuens in præsentí, & glóriam in futuro.

**D**EUS, cui soli cógnitus est número electórum in supérna felicitáte locándus: tribue quæsumus; ut intercedéntibus ómnibus Sanctis tuis, universórum, quos in oratióne commendátos suscepimus, & ómnium fidélium nómina, beáre

prædestinationis liber adscrípta retíneat. Per Dóminum nostrum.

**Communio.** Jerúsalem, quæ ædificátur ut civitas, cujus participatio ejus in idípsum: illuc enim ascenderunt tribus, tribus Dómini, ad confiténdum nómini tuo, Dómine.

**Postcommunio.**

**D**A nobis, quæsumus misericors Deus: ut sancta tua, quibus incessanter explémur, sinceris tractémus obsequiis, & fideli semper mente sumámus. Per Dóminum nostrum Jesum Christum.

**Alia Postcommuniones.**

**M**undet & múniat nos, quæsumus Dómine, divini sacraménti munus oblátum: & intercedente beata Virgine Dei genitríce María, cum beátis Apóstolis tuis Petro & Paulo, atque beato **N.** & ómnibus Sanctis; à cunctis nos reddat & perversitatibus expiátos, & adversitatibus expeditos.

**P**urificent nos, quæsumus omnipotens & misericors Deus, sacraménta quæ sumpsimus: & intercedéntibus ómnibus Sanctis tuis, præsta; ut hoc tuum sacraméntum non sit nobis reátus ad pœnam, sed intercessio salutáris ad véniam: sit ablútió scélerum, sit fortitúdo fragílium, sit contra ómnia mundi perícula firmaméntum: sit vivórum atque mortuórum fidélium, remissio ómnium delictórum. Per Dóminum nostrum Jesum Christum Fílium tuum: Qui tecum vivit & regnat in unitate Spíritus Sancti Deus per ómnia sæcula sæculórum. **Amen.**

Q3

FERIA



## FERIA II.

Statio ad SS. Quatuor Coronatos.

## Introitus.

**D**EUS in nomine tuo saluum me fac, & in virtute tua libera me: Deus exaudi orationem meam:

auribus percipe verba oris mei.

**Psalmus.** Quoniam alieni insurrexerunt in me: & fortes quasi erunt animam meam. *Glória Patri.*

## Oratio.

**P**resta quæsumus omnipotens Deus: ut observationes sacras annua devotione recolentes, & corpore tibi placeamus, & mente. Per Dominum nostrum.

*Aliæ Orationes, ut in Dominica præcedenti. Pag. 123.*

## Lectio libri Regum.

**I**N dièbus illis: Venérunt duæ mulieres meretrices ad regem Salomõnem, steteruntque coram eo, quarum una ait: Obsecro mi domine, ego & mulier hæc habitabamus in domo una, & peperimus apud eam in cubiculo. Tertia autem die postquam ego peperimus, peperit & hæc: & eramus simul, nullusque alius nobiscum in domo, exceptis nobis duabus. Mortuus est autem filius mulieris hujus nocte. Dormiens quippe oppressit eum. Et confurgens intempesta noctis silentio, tulit filium meum de latere meo ancillæ tuæ dormientis, & collocavit in sinu suo: suum autem filium, qui erat mortuus,

posuit in sinu meo. Cumque surrexisssem manè ut darem lac filio meo, apparuit mortuus: quem diligentius intuens clara luce, deprehendi non esse meum quem genueram. Responditque altera mulier: Non est ira ut dicis, sed filius tuus mortuus est: meus autem vivit. E contrario illa dicebat: Mentiris: filius quippe meus vivit; & filius tuus mortuus est. Atque in hunc modum contendebant coram rege. Tunc rex ait: Hæc dicit, Filius meus vivit, & filius tuus mortuus est. Et ista respondit, Non, sed filius tuus mortuus est, meus autem vivit. Dixit ergo rex: Afferte mihi gladium. Cumque attulisset gladium coram rege, Dividite, inquit, infantem vivum in duas partes, & date dimidiam partem uni, & dimidiam partem alteri. Dixit autem mulier, cujus filius erat vivus, ad regem: (commota sunt quippe viscera ejus super filio suo.) Obsecro domine, date illi infantem vivum, & nolite interficere eum. E contrario illa dicebat: Nec mihi, nec tibi sit, sed dividatur. Respondit rex, & ait: Date huic infantem vivum, & non occidatur: hæc est enim mater ejus. Audivit itaque omnis Israël judicium quod judicasset rex, & timuerunt regem, videntes sapientiam Dei esse in eo ad faciendum judicium.

**Graduale.** Esto mihi in Deum protectorem, & in locum refugii: ut saluum me facias. *Deus in te speravi: Domine, non confundar in æternum.*

**Tractus.** Domine, non secundum peccata nostra, quæ fecimu

nos:

nos: neque secundum iniquitates nostras retribuas nobis. *Domine, ne memineris iniquitatum nostrarum antiquarum: cito anticipent nos misericordie tuæ, quia pauperes facti sumus nimis.* *Adjuva nos Deus salutaris noster: & propter gloriam nominis tui Domine libera nos: & propitius esto peccatis nostris, propter nomen tuum.*

## Sequentia sancti Evangelii secundum Joannem.

**I**N illo tempore: Propè erat Pascha Judæorum, & ascendit Jesus Jerosolymam: & invenit in templo vendentes boves, & oves, & columbas, & numularios sedentes. Et cum fecisset quasi flagellum de funiculis, omnes ejecit de templo, oves quoque, & boves, & numulariorum effudit æs, & mensas subvertit. Et his qui columbas vendebant, dixit: Auferte ista hinc, & nolite facere domum Patris mei, domum negotiationis. Recordati sunt vero discipuli ejus quia scriptum est: Zelus domus tuæ comedit me. Responderunt ergo Judæi, & dixerunt ei: Quod signum ostendis nobis quia hæc facis? Respondit Jesus, & dixit eis: Solvite templum hoc, & in tribus diebus excitabo illud. Dixerunt ergo Judæi: Quadraginta & sex annis ædificatum est templum hoc, & tu in tribus diebus excitabis illud? Ille autem dicebat de templo corporis sui. Cum ergo resurrexisset a mortuis, recordati sunt discipuli ejus, quia hoc dicebat, & crediderunt Scripturæ, & sermóni quem

dixit Jesus. Cum autem esset Jerosolymis in Pascha in die festo, multi crediderunt in nomine ejus, videntes signa ejus quæ faciebat. Ipse autem Jesus non credebatur se metipsum eis, eo quod ipse nosset omnes, & quia opus ei non erat ut quis testimonium perhiberet de homine: ipse enim sciebat quid esset in homine.

**Offertorium.** Jubiláte Deo omnis terra, servite Domino in lætitia: intrate in conspectu ejus in exultatione: quia Dominus ipse est Deus.

## Secreta.

**O**blatum tibi Domine sacrificium vivificet nos semper, & muniat. Per Dominum nostrum Jesum Christum.

*Aliæ Secretæ, ut in Dominica præcedenti. Pag. 125.*

**Communio.** Ab occultis meis munda me Domine: & ab alienis parce servo tuo.

## Postcommunio.

**S**umptis, Domine, salutaribus sacramentis: ad redemptionis æternæ, quæsumus, proficiamus augmentum. Per Dominum nostrum Jesum Christum.

*Aliæ Postcommuniones, ut in Dominica præcedenti. Pag. 125.*

**Super populum.** Oremus. Humiliate capita vestra Deo.

## Oratio.

**D**eprecationem nostram, quæsumus Domine, benignus exaudi: & quibus supplicandi præstas affectum, tribue defensionis auxilium. Per Dominum nostrum Jesum Christum.

FERIA



## FERIA III.

Statio ad S. Laurentium in Damaso.

## Introitus.



**E**xaudi Deus orationem meam, & ne despexeris deprecationem meam: intende in me, & exaudi me.

**Psalmus.** Contristatus sum in exercitatione mea: & conturbatus sum à voce inimici, & à tribulatione peccatoris. **Glória Patri.**

## Oratio.

**S**acra nobis, quæsumus Domine, observationis jejunia; & piæ conversationis augmentum, & tuæ propitiationis continuum præstent auxilium. Per Dominum nostrum.

**Aliæ Orationes, ut in Dominica præcedenti. Pag. 123.**

## Lectio libri Exodi.

**E**xod. 32. b. **I**n diebus illis: Locutus est Dominus ad Moysen, dicens: Descende de monte: peccavit populus tuus, quem eduxisti de terra Ægypti. Recesserunt citò de via, quam ostendisti eis: feceruntque sibi vitulum conflatilem, & adoraverunt, atque immolantes ei hostias, dixerunt: Isti sunt dii tui Israël, qui te eduxerunt de terra Ægypti. Rursusque ait Dominus ad Moysen: Cerno quod populus iste duræ cervicis sit: dimitte me, ut irascatur furor meus contra eos, & deleam eos, faciámque te in gentem magnam. Moyses autem orabat Dominum Deum suum, dicens:

Cur, Domine, irascitur furor tuus contra populum tuum, quem eduxisti de terra Ægypti, in fortitudine magna, & in manu robusta? Ne quæso dicant Ægyptii: Callidè eduxit eos, ut interficeret in montibus, & deleret è terra: quiescat ira tua, & esto placabilis super nequitiam populi tui. Recordare Abraham, Isaac, & Israël, servorum tuorum, quibus jurasti per te ipsum, dicens: Multiplicabo semen vestrum sicut stellas cæli: & universam terram hanc, de qua locutus sum, dabo semini vestro, & possidebitis eam semper. Placatusque est Dominus ne faceret malum quod locutus fuerat adversus populum suum.

**Graduale.** Exurge Domine, fer opem nobis: & libera nos propter nomen tuum. **Deus auribus nostris audivimus: & patres nostri annuntiaverunt nobis opus, quod operatus es in diebus eorum, in diebus antiquis.**

**Sequentia sancti Evangelii secundum Joannem.**

**I**n illo tempore: Jam die festo mediante, ascendit Jesus in templum, & docebat. Et mirabantur Judæi, dicentes: Quomodo hic litteras scit, cum non didicerit? Respondit eis Jesus, & dixit: Mea doctrina non est mea, sed ejus, qui misit me. Si quis voluerit voluntatem ejus facere: cognoscat de doctrina, utrum ex Deo sit, an ego à meipso loquar. Qui à semetipso loquitur, gloriam propriam querit. Qui autem querit gloriam ejus, qui misit eum, hic verax est,

&amp; in-

## Secreta.

**H**æc hostia, Domine quæsumus, emundet nostra delicta: & ad sacrificium celebrandum, subditorum tibi corpora mentesque sanctificet. Per Dominum nostrum.

**Aliæ Secreta, ut in Dominica præcedenti. Pag. 125.**

**Communio.** Letabimur in salutari tuo: & in nomine Domini Dei nostri magnificabimur.

## Postcommunio.

**H**ujus nos, Domine, perceptio sacramenti mundet à crimine: & ad cælestia regna perducat. Per Dominum nostrum.

**Aliæ Postcommuniones, ut in Dominica præcedenti. Pag. 125.**

**Super populum.** Oremus. Humiliate capita vestra Deo.

## Oratio.

**M**iserere Domine populo tuo: & continuis tribulationibus laborantem, propitius respirare concede. Per Dominum nostrum Jesum Christum Filium tuum.

## FERIA IV.

Statio ad S. Paulum.

## Introitus.



**C**um sanctificatus fuero in vobis, congregabo vos de universis terris: & effundam super vos aquam mundam, & mundabimini ab omnibus inquinamentis vestris: & dabo vobis spiritum novum. **Psalmus.** Benedicam Dominum in omni tem-

pore:

R

& in iustitia in illo non est. Nonne Moyses dedit vobis legem: & nemo ex vobis facit legem? quid me queritis interficere? Respondit turba, & dixit: Damonium habes: quis te querit interficere? Respondit Jesus, & dixit eis: Unum opus feci, & omnes miramini. Propterea Moyses dedit vobis circumcisionem: (non quia ex Moysse est, sed ex patribus:) & in Sabbato circumciditis hominem. Si circumcisionem accipit homo in Sabbato, ut non solvatur Lex Moysi: mihi indignamini quia totum hominem sanum feci in Sabbato? Nolite judicare secundum faciem, sed iustum judicium judicate. Dicebant ergo quidam ex Hierosolymis: Nonne hic est, quem querunt interficere? Et ecce palam loquitur, & nihil ei dicunt. Numquid verè cognoverunt principes quia hic est Christus? Sed hunc scimus unde sit: Christus autem cum venerit, nemo scit unde sit. Clamabat ergo Jesus in templo docens, & dicens: Et me scitis, & unde sim scitis: & à meipso non veni, sed est verus, qui misit me, quem vos nescitis. Ego scio eum: quia ab ipso sum, & ipse me misit. Querébant ergo eum apprehendere: & nemo misit in illum manus, quia nondum venerat hora ejus. De turba autem multi crediderunt in eum.

**Offertorium.** Expectans expectavi Dominum, & respexit me: & exaudivit deprecationem meam: & immisit in os meum canticum novum, hymnum Deo nostro.



pore: semper laus ejus in ore meo.

*Glória Patri.*

*Post Kyrie elíson, dicitur, Orémus. Flectamus gēnua. R. Levate.*

*Oratio.*

**D**EUS, qui & justis præmia meritōrum, & peccatoribus per jejūnium vēniam præbes: miserere supplicibus tuis; ut reātus nostri confēssio, indulgētiā valeat percipere delictōrum. Per Dōminum nostrum Jesum Christum.

*Lectio Ezechiēlis Prophætæ.*

**H**Æc dicit Dōminus Deus: Sanctificābo nomen meum magnum, quod pollutum est inter Gentes, quod pollūistis in medio eārum: ut sciant Gentes quia ego Dōminus, cū sanctificātus fuero in vobis coram eis. Tollam quippe vos de gentibus, & congregābo vos de univērsis terris, & addūcam vos in terram vestram. Et effundam super vos aquam mundam, & mundabimini ab omnibus inquinamentis vestris, & ab univērsis idōlis vestris mundābo vos. Et dabo vobis cor novum, & spīritum novum ponam in medio vestri: & auferam cor lapideum de carne vestra, & dabo vobis cor carneum. Et spīritum meum ponam in medio vestri: & faciā ut in præceptis meis ambulētis, & iudicia mea custodiātis & operēmini. Et habitābitis in terra, quam dedi patribus vestris: & eritis mihi in pōpulum, & ego ero vobis in Deum: dicit Dōminus omnipotens.

*Graduale. Venite filii, audite me: timōrem Dōmini docēbo vos.*

*Accedite ad eum, & illumināmini: & faciēs vestræ non confundentur. Hic dicitur, Dōminus vobiscum. sine Flectamus gēnua.*

*Orémus. Oratio.*

**P**ræsta quæsumus omnipotens Deus: ut quos jejūnia votiva castigant, ipsa quoque devotio sancta lætificet; ut terrenis affectibus mitigatis, facilius cœlestia capiāmus. Per Dōminum nostrum.

*Alia Orationes, ut in Dominica præcedenti. Pag. 123.*

*Lectio Isaiæ Prophætæ.*

**H**Æc dicit Dōminus Deus: Lavāmini, mundi estote, auferite malum cogitationum vestrarum ab oculis meis: quiescite agere perversè, discite benefacere: quærite iudicium, subvenite oppresso, iudicate pupillo, defendite viduam. Et venite, & arguite me, dicit Dōminus: si fuerint peccata vestra ut coccinum, quasi nix dealbabuntur: & si fuerint rubra quasi vermiculus, velut lana alba erunt. Si volueritis, & audieritis me, bona terræ comedētis: dicit Dōminus omnipotens.

*Graduale. Beata gens, cujus est Dōminus Deus eorum: pōpulus quem elegit Dōminus in hereditatem sibi. Verbo Dōmini cœli firmati sunt: & spīritu oris ejus omnis virtus eorum.*

*Tractus. Domine, non secundum peccata nostra, quæ fecimus nos: neque secundum iniquitates nostras retribuas nobis. Domine, ne memineris iniquitatum nostrarum antiquarum: cito anticipent nos misericordiae tuæ, quia pauperes*

*pauperes facti sumus nimis. Adjuva nos Deus salutaris noster: & propter gloriā nōminis tui Domine, libera nos: & propitius esto peccatis nostris, propter nomen tuum.*

*Sequētia sancti Evangelii secundum Joānnem.*

**I**n illo tempore: Præteriens Jesus, vidit hominem cæcum à nativitate: & interrogaverunt eum discipuli ejus: Rabbi, quis peccavit, hic, aut parentes ejus, ut cæcus nasceretur? Respondit Jesus: Neque hic peccavit, neque parentes ejus: sed ut manifestentur opera Dei in illo. Me oportet operari opera ejus, qui misit me, donec dies est: venit nox, quando nemo potest operari. Quamdiu sum in mundo, lux sum mundi. Hæc cum dixisset, expuit in terram, & fecit lutum ex sputo, & linxit lutum super oculos ejus, & dixit ei: Vade, lava in natatoria Siloë (quod interpretatur Missus.) Abiit ergo, & lavit, & venit videns. Itaque vicini, & qui viderant eum prius, quia mendicus erat, dicebant: Nonne hic est, qui sedebat, & mendicabat? Alii dicebant: Quia hic est. Alii autem: Nequāquam, sed similis est ei. Ille verò dicebat: Quia ego sum. Dicebant ergo ei: Quomodo aperti sunt tibi oculi? Respondit: Ille homo, qui dicitur Jesus, lutum fecit, & unxit oculos meos, & dixit mihi: Vade ad natatoria Siloë, & lava. Et abii, lavi, & video. Et dixerunt ei: Ubi est ille? Air: Nescio. Adducunt eum ad Phariseos, qui cæcus fue-

rat. Erat autem Sabbatum, quando lutum fecit Jesus, & aperuit oculos ejus. Iterum ergo interrogabant eum Pharisei, quomodo vidisset. Ille autem dixit eis: Lutum mihi posuit super oculos, & lavi, & video. Dicebant ergo ex Phariseis quidam: Non est hic homo à Deo, qui Sabbatum non custodit. Alii autem dicebant: Quomodo potest homo peccator hæc signa facere? Et schisma erat inter eos. Dicunt ergo cæco iterum: Tu quid dicis de illo, qui aperuit oculos tuos? Ille autem dixit: Quia Propheta est. Non crediderunt ergo Judæi de illo, quia cæcus fuisset & vidisset, donec vocaverunt parentes ejus, qui viderat: & interrogaverunt eos, dicentes: Hic est filius vester, quem vos dicitis quia cæcus natus est? Quomodo ergo nunc videt? Responderunt eis parentes ejus, & dixerunt: Scimus quia hic est filius noster, & quia cæcus natus est: quomodo autem nunc videat, nescimus: aut quis ejus aperuit oculos, nos nescimus: ipsum interrogate: ætatem habet, ipse de se loquatur. Hæc dixerunt parentes ejus, quoniam timebant Judæos: jam enim conspiraverant Judæi, ut si quis eum confiteretur esse Christum, extra Synagoga fieret. Propterea parentes ejus dixerunt: Quia ætatem habet, ipsum interrogate. Vocaverunt ergo rursum hominem, qui fuerat cæcus, & dixerunt ei: Da gloriā Deo. Nos scimus quia hic homo peccator est. Dixit ergo eis ille: Si peccator est, nescio: unum scio, quia cæcus cum essem,



## Secreta.

essem, modò video. Dixérunt ergo illi: Quid fecit tibi? quómo-  
do apérui tibi óculos? Respóndit  
eis: Dixi vobis jam, & audístis:  
quid iterum vultis audire? num-  
quid & vos vultis discipuli ejus fie-  
ri? Maledixerunt ergo ei, & dixé-  
runt: Tu discipulus illius sis: nos  
autem Móysi discipuli sumus. Nos  
scimus quia Móysi locútus est De-  
us: hunc autem nescimus unde sit.  
Respóndit ille homo, & dixit eis:  
In hoc enim mirábile est quia vos  
nescitis unde sit, & apérui meos  
óculos: scimus autem quia pecca-  
tòres Deus non audit: sed si quis  
Dei cultor est, & voluntàtem ejus  
facit, hunc exáudit. A sæculo non  
est auditum, quia quis apérui ócu-  
los cæci nati. Nisi esset hic à Deo,  
non póterat facere quidquam. Re-  
spónderunt, & dixerunt ei: In pec-  
catis natus es totus, & tu doces  
nos? Et ejecérunt eum foras. Au-  
divit Jesus quia ejecérunt eum fo-  
ras, & cùm invenissét eum, dixit  
ei: Tu credis in Fílium Dei? Re-  
spóndit ille, & dixit: Quis est, Dó-  
mine, ut credam in eum? Et dixit  
ei Jesus: Et vidísti eum, & qui lo-  
quitur tecum, ipse est. At ille ait:  
Credo Dómine. \* Et prócidentis  
adorávit eum.

\* Nic.  
ge-  
nèse  
eti-  
m.  
psal.  
67.

**Offertorium.** Benedicite Gen-  
tes Dóminum Deum nostrum, &  
obaudite vocem laudis ejus: qui  
pósuit ánimam meam ad vitam, &  
non dedit commoveri pedes me-  
os: benedíctus Dóminus, qui  
non amóvit deprecationem me-  
am, & misericórdiam suam à  
me.

**S**upplices te rogámus, omnípo-  
tens Deus: ut his sacrificiis pec-  
cáta nostra mundéntur; quia tunc  
verám nobis tribuis & mentis &  
córporis sanitátem. Per Dómi-  
num nostrum.

**Alia Secreta, ut in Dominica  
precedenti. Pag. 125.**

**Communio.** Lutum fecit ex  
spuito Dóminus, & linívit óculos  
meos: & ábii, & lavi, & vidi, & cré-  
didi Deo.

## Postcommunio.

**S**acraménta, quæ sumpsimus Dó-  
mine Deus noster, & spirituáli-  
bus nos répleant alimentis; & cor-  
porálibus tueántur auxiliis. Per  
Dóminum nostrum.

**Alia Postcommuniones, ut in  
Dominica precedenti. Pag. 125.**

**Super populum.** Oremus.  
Humiliáte cápita vestra Deo.

## Oratio.

**P**ateant aures misericórdiæ tuæ,  
Dómine, précibus supplicán-  
tium: & ut peténtibus desideráta  
concedas; fac eos quæ tibi sunt plá-  
cita postuláre. Per Dóminum no-  
strum Jesum Christum.

\*\*\*\*\*

## FERIA V.

Statio ad SS. Sylvestrum, & Martinum.

## Introitus.



Ætétur cor quæ-  
réntium Dómi-  
num: quærite  
Dóminum &  
confirmámini:  
quærite faciém

ejus semper. **Psalmus.** Confitémini  
Dómino,

Dómino, & invocáte nomen ejus:  
annuntiáte inter Gentes ópera e-  
jus. **Glória Patri.**

## Oratio.

**P**resta quæsumus omnipotens  
Deus: ut quos jejúnia votíva  
castigant, ipsa quoque devótio san-  
cta latíficet; ut terrénis afféctibus  
mitigátis, faciélius cœléstia capiá-  
mus. Per Dóminum nostrum.

**Alia Orationes, ut in Dominica  
precedenti. Pag. 123.**

## Lectio libri Regum.

**I**n diébus illis: Venit mulier Su-  
namítis ad Eliséum in montem  
Carméli: cùmque vidissét eam vir  
Dei è contrà, ait ad Giézi puerum  
suum: Ecce Sunamítis illa. Vade  
ergo in occúrsum ejus; & dic ei:  
Rectè nè ágitur circa te, & circa  
virum tuum, & circa fílium tuum?  
Quæ respóndit: Rectè. Cùmque  
venissét ad virum Dei in montem,  
apprehéndit pedes ejus: & accé-  
sit Giézi ut amovérét eam. Et ait  
homo Dei: Dimitte illam: ánima  
enim ejus in amaritúdine est, &  
Dóminus celávit à me, & non indi-  
cávit mihi. Quæ dixit illi: Num-  
quid petívi fílium à Dómino meo?  
numquid non dixi tibi: Nè illúdas  
me? Et ille ait ad Giézi: Accínge  
lumbos tuos, & tolle báculo me-  
um in manu tua, & vade. Si oc-  
currerit tibi homo, non salútes  
eum: & si salutáverit te quispiam,  
non respóndas illi: & pones bá-  
culum meum super faciém pueri.  
Porro mater pueri ait: Vivit Dó-  
minus, & vivit ánima tua, non di-  
míttam te. Surrexit ergo, & secú-  
tus est eam. Giézi autem præcé-

serat ante eos, & posuerat bácu-  
lum super faciém pueri, & non  
erat vox, neque sensus: reversus-  
que est in occúrsum ejus, & nun-  
tiávit ei, dicens: Non surrexit pu-  
er. Ingréssus est ergo Eliséus do-  
mum, & ecce puer mórtuus jacé-  
bat in lectulo ejus: ingréssusque  
clausit óstium super se, & super  
puerum: & orávit ad Dóminum.  
Et ascéndit, & incúbuit super pue-  
rum: posúitque os suum super os  
ejus, & óculos suos super óculos  
ejus: & incurvávit se super eum:  
& calefacta est caro pueri. At ille  
reversus, deambulávit in domo,  
semel huc atque illuc: & ascéndit,  
& incúbuit super eum: & oscitávit  
puer septies, aperúitque óculos.  
At ille vocávit Giézi, & dixit ei:  
Voca Sunamítidem hanc. Quæ  
vocata, ingréssa est ad eum. Qui  
ait: Tolle fílium tuum. Venit il-  
la, & córruit ad pedes ejus, & ado-  
rávit super terram: tulitque fílium  
suum, & egréssa est, & Eliséus re-  
versus est in Gálgala.

**Graduale.** Respice Dómine in  
testaméntum tuum: & ánimas  
pauperum tuórum nè obliviscáris  
in finem. **Exúrge Dómine, jú-  
dica causam tuam: memor esto op-  
probrii servórum tuórum.**

**Sequéntia sancti Evangélii se-  
cúndum Lucam.**

**I**n illo témpore: Ibat Jesus in ci-  
vitátem, quæ vocátur Naim: &  
ibant cum eo discipuli ejus, & tur-  
ba copiôsa. Cùm autem appro-  
pinquáret portæ civitátis, ecce de-  
fúnctus efferebátur fílius únicus



matris suæ: & hæc vidua erat: & turba civitatis multa cum illa. Quam cum vidisset Dóminus, misericórdia motus super eam, dixit illi: Noli flere. Et accessit, & tetigit loculum. (Hi autem, qui portabant, steterunt.) Et ait: Adolécens, tibi dico, surge. Et resédit qui erat mórtuus, & cæpit loqui. Et dedit illum matri suæ. Accépit autem omnes timor: & magnificábant Deum, dicéntes: Quia Prophéta magnus surrexit in nobis: & quia Deus visitávit plebem suam.

**Offertorium.** Dómine ad adiuvándum me festina: confundántur omnes, qui cógitant servis tuis mala.

**Secreta.**

**P**urifica nos misericors Deus: ut Ecclesiæ tuæ preces, quæ tibi gratæ sunt, pia múnera deferéntes, fiant expiátis méntibus gratiores. Per Dóminum nostrum.

**Alia Secreta, ut in Dominica præcedenti. Pag. 125.**

**Communio.** Dómine memorabor justitiæ tuæ solius: Deus docuisti me à juventute mea: & usque in senectam & sèniū, Deus nò derelínquas me.

**Postcommunio.**

**C**oeléstia dona capientibus, quæsumus Dómine, non ad iudicium provenire patiáris, quæ fidelibus tuis ad remédium providisti. Per Dóminum nostrum.

**Alia Postcommuniones, ut in Dominica præcedenti. Pag. 125.**

**Super populum. Orémus.**

Humiliáte cápita vestra Deo.

**Oratio.**

**P**opuli tui Deus institutor & rector, peccata, quibus impugnatur, expelle: ut semper tibi placitus, & tuo munimine sit securus. Per Dóminum nostrum Jesum Christum.

**FERIA VI.**

**Statio ad S. Eusebium.**

**Introitus.**

**M**editatio cordis mei in conspectu tuo semper: Dómine adjutor meus, & redemptor meus. **Psalmus.**

Celi enarrant glóriam Dei: & ópera mánuum ejus annúntiat firmaméntum. **V. Glória Patri.**

**Oratio.**

**D**EUS, qui ineffabilibus mundum rénovas sacraméntis: præsta quæsumus; ut Ecclesiá tuá & æternis proficiat institútis, & temporálibus non destituátur auxiliis. Per Dóminum nostrum.

**Alia Orationes, ut in Dominica præcedenti. Pag. 123.**

**Lectio libri Regum.**

**I**n diébus illis: Egrotávit filius mulieris matrisfamilias, & erat languor fortíssimus, ita ut non remaneret in eo hálitus. Dixit ergo ad Eliám: Quid mihi & tibi vir Dei? Ingréssus es ad me, ut rememorarentur iniquitátes meæ, & interfíceres filium meum? Et ait ad eam Eliás: Da mihi filium tuum. Tulitque eum de sinu ejus, & portávit in cenáculum ubi ipse manebat,

bat, & pósuit super lectulum suum, & clamávit ad Dóminum, & dixit: Dómine Deus meus, etiamne víduam, apud quam ego utcúmque sustentor, afflixisti, ut interfíceres filium ejus? Et expándit se, atque mensus est super puerum tribus viciis, & clamávit ad Dóminum, & ait: Dómine Deus meus, revertátur óbsecro ánima pueri hujus in viscera ejus. Et exaudivit Dóminus vocem Eliæ: & reversa est ánima pueri intra eum, & revíxit. Tulitque Eliás puerum, & depósuit eum de cenáculo in inferiorem domum, & tradidit matri suæ, & ait illi: En vivit filius tuus. Dixitque mulier ad Eliám: Nunc in isto cognóvi, quóniam vir Dei es tu, & verbum Dómini in ore tuo verum est.

**Graduale.** Bonum est confidere in Dómino, quàm confidere in hómine. **V.** Bonum est speráre in Dómino, quàm speráre in princípibus.

**Tractus.** Dómine, non secúndum peccata nostra, quæ fecimus nos: neque secúndum iniquitátes nostras retribuas nobis. **V.** Dómine, nò memíneris iniquitátum nostrárum antiquárum: citò anticipent nos misericórdia tuæ, quia pauperes facti sumus nimis. **V.** Adjuva nos Deus salutáris noster: & propter glóriam nóminis tui Dómine, libera nos: & propítius esto peccátis nostris, propter nomen tuum.

**Sequéntia sancti Evangelii**  
secúndum Joánnem.

**I**n illo témpore: Erat quidam languens Lázarus à Bethánia,

de castello Mariæ, & Marthæ soróris ejus. (Mariá autem erat, quæ unxit Dóminum unguénto, & extérfit pedes ejus capillis suis: cujus frater Lázarus infirmabátur.) Misérunt ergo soróres ejus ad eum, dicéntes: Dómine, ecce quem amas infirmátur. Audiens autem Jesus, dixit eis: Infirmitas hæc non est ad mortem, sed pro glória Dei, ut glorificétur Filius Dei per eam. Diligébat autem Jesus Martham, & sorórem ejus Mariám, & Lázarus. Ut ergo audivit quia infirmabátur, tunc quidem mansit in eodem loco duobus diébus. Deinde post hæc dixit discipulis suis: Eamus in Judæam iterum. Dicunt ei discipuli: Rabbi, nunc quærebant te Judæi lapidáre, & iterum vadis illuc? Respóndit Jesus: Nónne duódecim sunt horæ diéi? Si quis ambuláverit in die, non offéndit, quia lucem hujus mundi videt: si autem ambuláverit in nocte, offéndit, quia lux non est in eo. Hæc ait, & post hæc dixit eis: Lázarus amicus noster dormit: sed vado ut à somno éxcitem eum. Dixerunt ergo discipuli ejus: Dómine, si dormit, salvus erit. Dixerat autem Jesus de morte ejus: illi autem putavérunt quia de dormitióne somni diceret. Tunc ergo Jesus dixit eis manifestè: Lázarus mórtuus est: & gaudeo propter vos, ut credátis, quóniam non eram ibi. Sed eamus ad eum. Dixit ergo Thomas, qui dicitur Didymus, ad condiscipulos: Eamus & nos, ut moriámur cum eo. Venit itaque Jesus, & invénit eum quatuor dies jam in monumento habéntem



habentem. (Erat autem Bethania juxta Jerosolymam quasi stadiis quindecim.) Multi autem ex Judæis venerant ad Martham & Mariam, ut consolarentur eas de fratre suo. Martha ergo ut audivit quia Jesus venit, occurrit illi: Martha autem domi sedebat. Dixit ergo Martha ad Jesum: Domine, si fuisses hic, frater meus non fuisset mortuus: sed & nunc scio, quia quæcumque poposceris à Deo, dabit tibi Deus. Dicit illi Jesus: Resurget frater tuus. Dicit ei Martha: Scio quia resurget in resurrectione in novissimo die. Dixit ei Jesus: Ego sum resurrectio, & vita: qui credit in me, etiam si mortuus fuerit, vivet: & omnis, qui vivit, & credit in me, non morietur in æternum. Credis hoc? Ait illi: Utique Domine, ego credidi, quia tu es Christus Filius Dei vivi, qui in hunc mundum venisti. Et cum hæc dixisset, abiit, & vocavit Mariam sororem suam silentio, dicens: Magister adest, & vocat te. Illa ut audivit, surgit citò, & venit ad eum: nondum enim venerat Jesus in castellum: sed erat adhuc in illo loco, ubi occurrerat ei Martha. Judæi ergo, qui erant cum ea in domo, & consolabantur eam, cum vidissent Mariam, quia citò surrexit & exiit, secuti sunt eam, dicentes: Quia vadit ad monumentum, ut ploret ibi. Maria ergo, cum venisset ubi erat Jesus, videns eum, cecidit ad pedes ejus, & dicit ei: Domine, si fuisses hic, non esset mortuus frater meus. Jesus ergo, ut vidit eam plorantem, & Judæos, qui venerant cum ea, plo-

rantes, infremuit spiritu, & turbavit seipsum, & dixit: Ubi posuistis eum? Dicunt ei: Domine, veni, & vide. Et lacrymatus est Jesus. Dixerunt ergo Judæi: Ecce quomodo amabat eum. Quidam autem ex ipsis dixerunt: Non poterat hic, qui aperuit oculos cæci nati, facere ut hic non moreretur? Jesus ergo rursus fremens in semetipso, venit ad monumentum. Erat autem spelunca: & lapis superpositus erat ei. Ait Jesus: Tollite lapidem. Dicit ei Martha, soror ejus qui mortuus fuerat: Domine, jam scet; quatruduânus est enim. Dicit ei Jesus: Nónne dixi tibi, quóniam si credideris, videbis glóriam Dei? Tulerunt ergo lapidem. Jesus autem, elevatis fursus oculis, dixit: Pater grátias ago tibi quóniam audisti me. Ego autem sciëbam quia semper me audis, sed propter populum, qui circumstat, dixi: ut credant quia tu me misisti. Hæc cum dixisset; voce magna clamavit: Lázare veni foras. Et statim prodiiit qui fuerat mortuus, ligatus pedes & manus institis, & facies illius sudário erat ligata. Dixit eis Jesus: Sóluite eum, & sinite abire. Multi ergo ex Judæis, qui venerant ad Mariam & Martham, & viderant quæ fecit Jesus, crediderunt in eum.

**Offertorium.** Pópulum húmilem saluum facies Domine, & oculos superbórum humiliabis: quóniam quis Deus præter te, Domine?

**Secreta.**

**M**unera nos, Domine, quæsumus, oblata purificent:

& te

& te nobis júgiter faciant esse plácatum. Per Dóminum nostrum.

**Alia Secreta, ut in Dominica præcedenti. Pag. 125.**

**Communio.** Videns Dóminus flentes soróres Lázari ad monumentum, lacrymatus est coram Judæis, & exclamavit: Lázare, veni foras: & prodiiit, ligatis manibus & pedibus, qui fuerat quatruduânus mortuus.

**Postcommunio.**

**H**æc nos, quæsumus Domine, participatio sacramenti, & à propriis reatibus indefinenter expediat, & ab omnibus tueatur adversis. Per Dóminum nostrum.

**Alia Postcommuniones, ut in Dominica præcedenti. Pag. 125.**

**Super populum.** Oremus.  
Humiliatè capita vestra Deo.

**Oratio.**

**D**a nobis, quæsumus omnipotens Deus: ut qui infirmitatis nostræ conscii, de tua virtute confidimus, sub tua semper pietate gaudeamus. Per Dóminum nostrum Jesum Christum.

## SABBATO.

Statio ad S. Nicolaum in carcere.

**Introitus.**

**S**itientes venite ad aquas, dicit Dóminus: & qui non habetis pretium, venite, & bibite cum lætitia. **Psalmus.** Attendite pópule meus legem meam: inclináte aurem vestram in verba oris mei. **Glória Patri.**

**Oratio.**

**F**iat, Domine quæsumus, per grátiam tuam fructuosus nostræ devotiõnis afféctus: quia tunc nobis pröderunt suscepta jejúnia, si tuæ sint plácita pietati. Per Dóminum nostrum.

**Alia Orationes, ut in Dominica præcedenti. Pag. 123.**

**Lectio Isaïæ Prophætæ.**

**H**æc dicit Dóminus: In tempore plácito exaudivi te, & in die salutis auxiliatus sum tui: & servavi te, & dedi te in fœdus pópuli, ut suscitares terram, & possideres hæreditates dissipatas: ut diceres his qui vincti sunt: Exite: & his, qui in tenebris: Revelamini. Super vias pascuntur, & in omnibus planis pascua eórum. Non esuriunt, neque sitiunt, & non percutiet eos æstus & sol: quia misericors eórum reget eos, & ad fontes aquarum potabit eos. Et ponam omnes montes meos in viam, & semitæ meæ exaltabuntur. Ecce isti de longè venient, & ecce illi ab Aquilone & mari, & isti de terra Austráli. Laudate cœli, & exulta terra, jubilate montes laudem: quia consolatus est Dóminus pópulum suum, & pauperum suórum miserébitur. Et dixit Sion: Dereliquit me Dóminus, & Dóminus oblitus est mei. Numquid oblitisci potest mulier infantem suum, ut non misereatur filio úteri sui? & si illa oblita fuerit, ego tamen non obliviscar tui, dicit Dóminus omnipotens.

**Graduale.** Tibi Domine derelictus est pauper: pupillo tu eris

S

adjutor.



adjutor. **V.** Ut quid Domine recessisti longè, despicias in opportunitatibus, in tribulatione? dum superbit impius, incenditur pauper.

**Sequentia sancti Evangelii secundum Joannem.**

**I**n illo tempore: Locutus est Jesus turbis Judæorum, dicens: Ego sum: lux mundi: qui sequitur me, non ambulat in tenebris, sed habebit lumen vitæ. Dixérunt ergo ei Pharisei: Tu de te ipso testimonium perhibes: testimonium tuum non est verum. Respondit Jesus, & dixit eis: Et si ego testimonium perhibeo de meipso, verum est testimonium meum: quia scio unde veni, & quò vado: vos autem nescitis unde venio, aut quò vado. Vos secundum carnem judicatis: ego non iudico quemquam: & si iudico ego, iudicium meum verum est, quia solus non sum: sed ego, & qui misit me, Pater. Et in lege vestra scriptum est, quia duorum hominum testimonium verum est: Ego sum, qui testimonium perhibeo de meipso: & testimonium perhibet de me, qui misit me, Pater. Dicebant ergo ei: Ubi est Pater tuus? Respondit Jesus: Neque me scitis, neque Patrem meum: si me sciretis, foris & Patrem meum sciretis. Hæc verba locutus est Jesus in gazophylacio, docens in templo, & nemo apprehendit eum, quia necdum venerat hora ejus.

**Offertorium.** Factus est Dominus firmamentum meum, & refugium meum, & liberator meus: & sperabo in eum.

**Secreta.**

**O**blationibus nostris, quaesumus Domine, placare susceptis: & ad te nostras etiam rebelles compelle propitius voluntates. Per Dominum nostrum Jesum Christum Filium tuum.

**Alia Secreta, ut in Dominica præcedenti. Pag. 125.**

**Communio.** Dominus regit me, & nihil mihi deerit: in loco pascuæ ibi me collocavit: super aquam refectionis educavit me.

**Postcommunio.**

**T**ua nos, quaesumus Domine, sancta purificent: & operatione sua tibi placitos esse perficiant. Per Dominum nostrum Jesum Christum Filium tuum.

**Alia Postcommuniones, ut in Dominica præcedenti. Pag. 125.**

**Super populum.** Oremus. Humiliate capita vestra Deo.

**Oratio.**

**D**EUS, qui sperantibus in te misereri potius eligis, quam irasci: da nobis dignè flere mala quæ fecimus; ut tuæ consolationis gratiam invenire mereamur. Per Dominum nostrum Jesum Christum Filium tuum: Qui tecum vivit & regnat in unitate Spiritus Sancti Deus, per omnia sæcula sæculorum. **R.** Amen.

**Ante Vesperas cooperiuntur Cruces, & Imagines.**

**Ab hac die usque ad Sabbatum sanctum exclusivè non dicitur Psalmus: Iudica me, ante Confessionem: neque Gloria Patri, ad Lavabo.**

DOMI-

## DOMINICA

**De Passione.**

**Statio ad S. Petrum.**

**Introitus.**

**I**udica me Deus, & discerne causam meam de gente non sancta: ab homine iniquo & doloso eripe me: quia tu es Deus meus, & fortitudo mea. **Psalmus.** Emitte lucem tuam, & veritatem tuam: ipsa me deduxerunt, & adduxerunt in montem sanctum tuum, & in tabernacula tua. **Judica.**

**Non dicitur, Gloria Patri, ad Introitum usque ad Pascha, nisi in Missa de Festo, si occurrerit: sed finito Psalmo, absolute repetitur Introitus usque ad Psalmum.**

**Oratio.**

**Q**uaesumus omnipotens Deus: familiam tuam propitius respice; ut te largiente, regatur in corpore, & te servante, custodiatur in mente. Per Dominum nostrum.

**Ab hac die usque ad Feriam V. in Cena Domini, post Orationem diei dicitur, vel contra persecutores Ecclesie.**

**Oratio.**

**E**cclésiæ tuæ, quaesumus Domine, preces placatus admitte: ut, destructis adversitatibus & erroribus universis; secunda tibi serviat libertate. Per Dominum nostrum.

**Vel pro Papa. Oratio.**

**D**EUS omnium fidelium Pastor & rector, famulum tuum: **N.**

quem Pastorem Ecclesiæ tuæ præesse voluisti, propitius respice: da ei, quaesumus, verbo & exemplo, quibus præest, proficere; ut ad vitam, una cum grege sibi credito, perveniat sempiternam. Per Dominum nostrum Jesum Christum.

**Non dicitur tertia Oratio.**

**Lectio Epistolæ Beati Pauli Apostoli ad Hebræos.**

**F**ratres: Christus assistens Pontifex futurorum bonorum, per amplius & perfectius tabernaculum non manufactum, id est, non huius creationis; neque per sanguinem hircorum, aut vitulorum, sed per proprium sanguinem introivit semel in Sancta, æterna redemptione inventa. Si enim sanguis hircorum, & taurorum, & cinis vitulae aspersus, inquinatos sanctificat ad emundationem carnis: quanto magis sanguis Christi, qui per Spiritum sanctum semetipsum obtulit immaculatum Deo, emundabit conscientiam nostram ab operibus mortuis, ad serviendum Deo viventi? & ideo novi Testamenti mediator est: ut morte intercedente, in redemptionem earum pravocationum, quæ erant sub priori testamento, repromissionem accipiant qui vocati sunt æternæ hereditatis: in Christo Jesu Domino nostro.

**Graduale.** Eripe me Domine de inimicis meis: doce me facere voluntatem tuam. **V.** Liberator meus Domine de gentibus iracundis: ab insurgentibus in me exaltabis me: à viro iniquo eripies me.

S 2

Tractus.



**Tractus.** Sape expugnaverunt me à juventute mea. **V.** Dicat nunc Israël: Sape expugnaverunt me à juventute mea. **V.** Etenim non potuerunt mihi: supra dorsum meum fabricaverunt peccatores. **V.** Prolongaverunt iniquitates suas: Dominus justus concidet cervices peccatorum.

### Sequentia sancti Evangelii secundum Joannem.

**I**N illo tempore: Dicebat Jesus turbis Judæorum: Quis ex vobis arguet me de peccato? Si veritatem dico vobis, quare non creditis mihi? Qui ex Deo est, verba Dei audit. Propterea vos non auditis, quia ex Deo non estis. Respondérunt ergo Judæi, & dixerunt ei: Nónne bene dicimus nos, quia Samaritanus es tu, & dæmónium habes? Respondit Jesus: Ego dæmónium non habeo: sed honorifico Patrem meum, & vos inhonorastis me. Ego autem non quero glóriam meam: est qui querat, & judicet. Amen, amen dico vobis: si quis sermónem meum serváverit, mortem non videbit in ætérnum. Dixerunt ergo Judæi: Nunc cognóvimus quia dæmónium habes. Abraham mórtuus est, & Prophéta: & tu dicis: Si quis sermónem meum serváverit, non gustábit mortem in ætérnum. Numquid tu major es patre nostro Abraham, qui mórtuus est? & Prophætæ mórtui sunt. Quem teípsum facis? Respondit Jesus: Si ego glorifico meípsum, glória mea nihil est: est Pater meus, qui glorificat me, quem vos dicitis quia Deus

vester est, & non cognovistis eum, ego autem novi eum: Et si dixero quia non scio eum, ero similis vobis, mendax. Sed scio eum, & sermónem ejus servo. Abraham pater vester exultávit, ut vidéret diem meum: vidit, & gávisus est. Dixerunt ergo Judæi ad eum: Quinquaginta annos nondum habes, & Abraham vidisti? Dixit eis Jesus: Amen, amen dico vobis, ántequam Abraham fieret, ego sum. Tulérunt ergo lapides, ut jácerent in eum: Jesus autem abscondit se, & exiit de templo. **Credo.**

**Offertorium.** Confitébor tibi Domine in toto corde meo: retribue servo tuo: vivam, & custodiam sermónes tuos: vivifica me secundum verbum tuum, Domine.

### Secreta.

**H**æc múnera, quæsumus Domine, & víncula nostræ pravitatís absólvant, & tuæ nobis misericórdiæ dona concilient. Per Dóminum nostrum Jesum Christum.

**Altera Secreta, vel contra persecutores Ecclesiæ:**

**P**rótege nos, Domine, tuis mystériis serviéntes: ut divínis rebus inhárentes; & corpore tibi famulémur, & mente. Per Dóminum nostrum.

### Vel pro Papa.

**O**blátis, quæsumus Domine, placâre munéribus: & famulum tuum **N.** quem pastórem Ecclesiæ tuæ præesse voluísti, assídua protectióne gubérna. Per Dóminum nostrum.

**Præfatio de Cruce, quæ dicitur quotidie usque ad Feriam V. in**

**Cæna**

**Cæna Domini, etiam in Missa de Festo, nisi propriam habuerit.**

**Communio.** Hoc corpus, quod pro vobis tradétur: hic calix novi Testaménti est in meo sanguine, dicit Dóminus: hoc facite, quotiescúmque sùmitis, in meam commemoratióem.

### Postcommunio.

**A**désto nobis Domine Deus noster: & quos tuis mystériis recreásti, perpétuis defénde subsidiis. Per Dóminum nostrum.

**Altera Postcommunio, vel contra persecutores Ecclesiæ:**

**Q**uæsumus Domine Deus noster: ut quos divína tribuis participatióne gaudere, humanis non finas subjacere periculis. Per Dóminum nostrum.

### Vel pro Papa.

**H**æc nos, quæsumus Domine, divíni sacraménti percéptio próteget: & famulum tuum **N.** quem pastórem Ecclesiæ tuæ præesse voluísti; unà cum commisso sibi grege, salvet semper & múniat. Per Dóminum nostrum.

## FERIA II.

*Statio ad S. Chrysogonum.*

### Introitus.

**M**iserere mihi Domine, quóniam conculcávit me homo: tota die bellans tribulávit me. **Psalmus.**

Conculcáverunt me inimíci mei tota die: quóniam multi bellántes advérsus me. Miserere mihi.

### Oratio.

**S**anctifica, quæsumus Domine, nostra jejúnia: & cunctárum nobis indulgéntiam propítius largire culpárum. Per Dóminum nostrum.

**Altera Oratio. Ecclesiæ, vel Deus omnium. ut supra in Dominica Passionis. Pag. 139.**

### Lectio Jonæ Prophætæ.

**I**N diébus illis: Factum est verbum Dómini ad Jonam Prophétam secúndò, dicens: Surge, & vade in Níniven civitátem magnam: & prædica in ea prædicatióem, quam ego loquor ad te. Et surrexit Jonas, & abiit in Níniven juxta verbum Dómini. Et Nínive erat civitas magna itinere trium diérum. Et cæpit Jonas introire in civitátem itinere diéi unius: & clamávit, & dixit: Adhuc quadraginta dies, & Nínive subvertétur. Et crediderunt viri Nínivæ in Deum: & prædicáverunt jejúnium, & vestiti sunt faccis à majóre usque ad minórem. Et pervénit verbum ad regem Nínive: & surrexit de solio suo, & abjécit vestiméntum suum à se, & indútus est sacco, & sedit in cinere. Et clamávit, & dixit in Nínive ex ore regis, & princípum ejus, dicens: Hómines & juménta, & boves, & pécora non gustent quidquam: nec pascántur, & aquam non bibant. Et operiántur faccis hómines, & juménta, & clament ad Dóminum in fortitudíne, & convertátur vir à via sua mala, & ab iniquitáte, quæ est in manibus eórum. Quis scit, si convertátur & ignóscat Deus: & revertá-



tur à furóre iræ suæ, & non peribimus? Et vidit Deus ópera eórum, quia convérſi ſunt de via ſua mala: & miſértus eſt pópulo ſuo Dóminus Deus noſter.

**Graduale.** Deus exáudi orationem meam: áuribus pécipe verba oris mei. *Ps.* Deus in nómine tuo ſálvum me fac: & in virtúte tua libéra me.

**Tractus.** Dómine, non ſecúndum peccáta noſtra, quæ ſecimus nos: neque ſecúndum iniquitátes noſtras retríbuas nobis. *Ps.* Dómine, nè memíneris iniquitátum noſtrárum antiquárum: citò anticipent nos miſericórdia tuæ, quia páuperes facti ſumus nimis. *Ps.* Adjuva nos Deus ſalutáris noſter: & propter glóriam nóminis tui Dómine libéra nos: & propítius eſto peccátis noſtris propter nomen tuum.

### Sequéntia ſancti Evangélii ſecúndum Joánnem.

*Joan.* **I**n illo témpore: Miſérunt príncipes & Phariſæi miníſtros, ut apprehénderent Jeſum. Dixit ergo eis Jeſus: adhuc módicum tempus vobíſcum ſum: & vado ad eum, qui me miſit. Quarétis me, & non inveniétis: & ubi ego ſum, vos non potéſtis veníre. Dixérunt ergo Judæi ad ſemetípſos: Quò hic itúrus eſt, quia non inveniémus eum? numquid in diſperſiónem Géntium itúrus eſt, & doctúrus Gentes? Quis eſt hic ſermo, quem dixit: Quarétis me, & non inveniétis: & ubi ſum ego, vos non potéſtis veníre? In novíſſimo autem die magno feſtivitátis ſtabat

Jeſus, & clamábat dicens: Si quis ſitit, véniat ad me, & bibat. Qui credit in me, ſicut dicit Scriptúra, flúmina de ventre ejus fluent aqua vivæ. Hoc autem dixit de Spíritu, quem accépturi erant credentes in eum.

**Offertorium.** Dómine convértere, & éripe ánimam meam: ſálvum me fac propter miſericórdiam tuam.

### Secrera.

**C**oncède nobis, Dómine Deus noſter: ut hæc hóſtia ſalutáris, & noſtrórum fiat purgatio delictórum, & tuæ propitiatio majeſtátis. Per Dóminum noſtrum.

**Altera Secrera, vel** Prótege nos, **vel** Oblátis. *Pag.* 140.

**Communio.** Dóminus virtútum ipſe eſt rex glóriæ.

### Postcommunio.

**S**acraménti tui, quæſumus Dómine, participatio ſalutáris, & purificatióne nobis tríbuat, & medélam. Per Dóminum noſtrum.

**Altera Postcommunio, vel** Quæſumus Dómine. **vel** Hæc nos quæſumus. *Pag.* 141.

**Super populum.** **O**rémus.

Humiliáte cápita veſtra Deo.

### Oratio.

**D**A, quæſumus Dómine, pópulo tuo ſalútem mentis & corpóris: ut bonis opéribus inhæréndo, tua ſemper mereátur protectiõe deféndi. Per Dóminum noſtrum Jeſum Chriſtum Filium tuum: Qui tecum vivit & regnat in unitáte Spíritus Sancti Deus per ómnia ſæcula ſeculórum. *R.*

Amen.

FERIA

## FERIA III.

Statio ad S. Cyriacum.

### Introitus.

*Ps.* **E**xpecta Dóminum, viriliter age: & confortetur cor tuum, & ſúſtine Dóminum. *Psalmus.*

Dóminus illuminatio mea, & ſalus mea: quem timébo? Expecta Dóminum.

### Oratio.

**N**otra tibi, Dómine quæſumus, ſint accépta jejúnia: quæ nos & expiádo, grátia tua dignos efficiant; & ad remédia perdúcant ætérna. Per Dóminum noſtrum.

**Altera Oratio, vel** Ecclésiæ tuæ. **vel** Deus ómnium fidélium. *Pag.* 139.

### Lectio Daniélis Prophétæ.

*Dan.* **I**n diébus illis: Congregáti ſunt Babylónii ad regem, & dixerunt ei: Trade nobis Daniélem, qui Bel destrúxit, & draconem interfécit, alióquin interficiémus te, & domum tuam. Vidit ergo rex quòd irrúerent in eum vehementer: & neceſſitate compúſus tradidit eis Daniélem. Qui miſérunt eum in lacum leónum, & erat ibi diébus ſex. Porrò in lacu erant leónes ſeptem, & dabántur eis duo corpóra quotidie, & duæ oves: & tunc non data ſunt eis, ut devorarent Daniélem. Erat autem Hábacuc Prophéta in Judæa, & ipſe cóxerat pulméntum, & intríverat panes in alvéolo: & ibat in campum ut ferret meſſóribus. Dixitque Angelus Dómini ad Hábacuc:

Fer prándium, quod habes, in Babylónem Daniéli, qui eſt in lacu leónum. Et dixit Hábacuc: Dómine, Babylónem non vidi, & lacum nécio. Et apprehéndit eum Angelus Dómini in vértice ejus, & portávit eum capíllo cápitis ſui, poſuitque eum in Babylóne ſupra lacum in impetu ſpíritus ſui. Et clamávit Hábacuc, dicens: Dániel ſerve Dei, tolle prándium, quod miſit tibi Deus. Et ait Dániel: Recordárus es mei Deus, & non dereliquíſti diligéntes te. Surgénsque Dániel comédit. Porrò Angelus Dómini reſtituit Hábacuc conſéſtim in loco ſuo. Venit ergo rex die ſéptimo, ut lugéret Daniélem: & venit ad lacum, & introſpéxit, & ecce Dániel ſedens in médio leónum. Et exclamávit voce magna rex, dicens: Magnus es Dómine Deus Daniélis. Et extráxit eum de lacu leónum. Porrò illos, qui perditionis ejus cauſa fuerant, intrómíſit in lacum, & devoráti ſunt in moménto coram eo. Tunc rex ait: Páveant omnes habitántes in univérſa terra Deum Daniélis: quia ipſe eſt Salvátor, fáciens ſigna & mirábília in terra: qui liberávit Daniélem de lacu leónum.

**Graduale.** Diſcerne cauſam meam Dómine: ab hómine iníquo & dolóſo éripe me. *Ps.* Emitte lucem tuam, & veritátem tuam: ipſa me deduxérunt & adduxérunt in montem ſanctum tuum.

### Sequéntia ſancti Evangélii ſecúndum Joánnem.

*Joan.* **I**n illo témpore: Ambulábat Jeſus in Galilæam; non enim volé-

bat



bat in Judæam ambulare, quia quærebant eum Judæi interficere. Erat autem in proximo dies festus Judæorum, Scenopégia. Dixerunt autem ad eum fratres ejus: Transi hinc, & vade in Judæam, ut & discipuli tui videant opera tua, quæ facis. Nemo quippe in occulto quid facit, & quærit ipse in palam esse: si hæc facis, manifesta teipsum mundo. Neque enim fratres ejus credébant in eum. Dicit ergo eis Jesus: Tempus meum nondum advénit: tempus autem vestrum semper est paratum. Non potest mundus odisse vos: me autem odit: quia ego testimonium perhibeo de illo quod opera ejus mala sunt. Vos ascendite ad diem festum hunc: ego autem non ascendo ad diem festum istum: quia meum tempus nondum implétum est. Hæc cum dixisset, ipse mansit in Galilæa. Ut autem ascenderunt fratres ejus, tunc & ipse ascendit ad diem festum non manifestè, sed quasi in occulto. Judæi ergo quærebant eum in die festo, & dicebant: Ubi est ille? Et murmur multum erat in turba de eo. Quidam enim dicebant: Quia bonus est. Alii autem dicebant: Non, sed seducit turbas. Nemo tamen palam loquebatur de illo, propter metum Judæorum.

**Offertorium.** Sperent in te omnes, qui novèrunt nomen tuum Dómine: quoniam non derelinquis quærentes te: pfallite Dómino, qui habitat in Sion: quoniam non est oblitus orationes pauperum.

**Secreta.**

**H**ostias tibi, Dómine, deferimus immolandas: quæ tem-

poralem consolationem significant; ut promissa non desperemus æterna. Per Dóminum nostrum.

**Altera Secreta, vel Prôtege nos.** vel Obláris, quæsumus. **Pag.** 140.

**Communio.** Rêdime me, Deus Israël, ex omnibus angustis meis.

**Postcommunio.**

**D**A quæsumus omnipotens Deus: ut, quæ divína sunt, jugiter exequentes, donis mereamur cœlestibus propinquare. Per Dóminum nostrum.

**Altera Postcommunio, vel Quæsumus Dómine.** vel Hæc nos quæsumus. **Pag.** 141.

**Super populum.** Orémus. Humiliâte capita vestra Deo.

**Oratio.**

**D**A nobis, quæsumus Dómine, perseverantem in tua voluntate famulatum: ut in diebus nostris, & mérito & número, populus tibi serviens augeatur. Per Dóminum nostrum Jesum Christum Filium tuum.

## FERIA IV.

Statio ad S. Marcellum.

**Introitus.**

**L**iberátor meus de gentibus iracundis: ab insurgentibus in me exaltabis me: a viro in quo eripies me Dómine. **Psalms.** Diligam te Dómine virtus mea: Dóminus firmamentum meum, & refúgium meum, & liberátor meus. Liberátor.

**Oratio.**

**Oratio.**

**S**anctificáto hoc jejúnio, Deus, tuorum corda fidélium miserátor illústra: & quibus devotiõnis præstas affectum; præbe supplicántibus pium benígnus auditum. Per Dóminum nostrum.

**Altera Oratio, vel Ecclesiæ tuæ.** vel Deus omnium fidélium. **Pag.** 139.

## Lectio libri Levítici.

**I**N diébus illis: Locútus est Dóminus ad Móysen, dicens: Loquere ad omnem cœtum filiõrum Israël, & dices ad eos: Ego Dóminus Deus vester. Non faciétis fur-tum. Non mentiémini, nec decipiet unusquisque proximum suum. Non perjurábis in nómine meo, nec pollues nomen Dei tui. Ego Dóminus. Non facies calúmniam proximo tuo: nec vi opprimes eum. Non morábitur opus mercenárii tui apud te usque manè. Non maledíces furdo, nec coram cæco pones offendículum: sed timébis Dóminum Deum tuum, quia ego sum Dóminus. Non facies quod iníquum est, nec iníustè judicábis. Non consideres personam pauperis, nec honóres vultu poténtis. Justè judica proximo tuo. Non eris criminátor, nec susúrro in pópulo. Non stabis contra sanguinem proximi tui. Ego Dóminus. Non óderis fratrem tuum in corde tuo, sed públicè argue eum, nè habeas super illo peccátum. Non quæras ultiónem, nec memor eris injuriæ civium tuorum. Diliges amicum tuum sicut teipsum. Ego Dóminus. Leges meas custo-

dite. Ego enim sum Dóminus Deus vester.

**Graduale.** Exaltábo te Dómine, quoniam suscepísti me: nec deléstasti inimicos meos super me. **V.** Dómine Deus meus clamávi ad te, & sanásti me: Dómine, abstraxísti ab inferis ánimam meam, salvásti me à descendéntibus in lacum.

**Tractus.** Dómine, non secúndum peccáta nostra, quæ fecimus nos: neque secúndum iniquitátes nostras retríbuas nobis. **V.** Dómine, nè memíneris iniquitátum nostrárum antiquárum: citò anticipent nos misericórdiæ tuæ, quia pauperes facti sumus nimis. **V. \* Hic genua flectit.** Adjuva nos Deus salutaris noster: & propter glóriam nóminis tui Dómine, libera nos: & propítius esto peccátis nostris, propter nomen tuum.

## Sequéntia sancti Evangelii

secúndum Joánnem.

**I**N illo témpore: Facta sunt Encænía in Jerosólymis: & hiems erat. Et ambulábat Jesus in templo, in pórticu Salomónis. Circumdederunt ergo eum Judæi, & dicebant ei: Quóusque ánimam nostram tollis? si tu es Christus, dic nobis palam. Respondit eis Jesus: Loquor vobis, & non creditis. Opera, quæ ego facio in nómine Patris mei, hæc testimonium perhibent de me: sed vos non creditis; quia non estis ex óvibus meis. Oves meæ vocem meam audiunt: & ego cognósko eas, & sequúntur me: & ego vitam ætérnam do eis: & non peribunt in ætérnum, & non rapiet eas quis-

T

quam



quam de manu mea. Pater meus quod dedit mihi, majus omnibus est: & nemo potest rapere de manu Patris mei. Ego & Pater unum sumus. Sustulerunt ergo lapides Judæi, ut lapidarent eum. Respondit eis Jesus: Multa bona opera ostendi vobis ex Patre meo, propter quod eorum opus me lapidatis? Responderunt ei Judæi: De bono opere non lapidamus te, sed de blasphemia: & quia tu, homo cum sis, facis teipsum Deum. Respondit eis Jesus: Nonne scriptum est in lege vestra: quia Ego dixi, dii estis? Si illos dixit deos, ad quos sermo Dei factus est, & non potest solvi Scriptura: quem Pater sanctificavit, & misit in mundum, vos dicitis: Quia blasphemias: quia dixi, Filius Dei sum? Si non facio opera Patris mei, nolite credere mihi. Si autem facio: & si mihi non vultis credere, operibus credite, ut cognoscatis, & credatis quia Pater in me est, & ego in Patre.

**Offertorium.** Eripe me de inimicis meis, Deus meus: & ab insurgentibus in me libera me Domine.

**Secreta.**

**A**nnue misericors Deus: ut hostias placationis & laudis, facerem tibi deferamus obsequio. Per Dominum nostrum.

**Altera Secreta, vel Protege nos.** vel Oblatis quasumus. Pag. 140.

**Communio.** Lavabo inter innocentes manus meas, & circuibō altare tuum Domine: ut audiam vocem laudis tuæ, & enarrem universa mirabilia tua.

**Postcommunio.**

**C**œlestis doni benedictione percēpta, supplices te Deus omnipotens deprecāmur: ut hoc idem nobis & sacramenti causa sit, & salutis. Per Dominum nostrum.

**Altera Postcommunio, vel Quasumus Domine.** vel Hæc nos quasumus. Pag. 141.

**Super populum.** Oremus. Humiliatē capita vestra Deo.

**Oratio.**

**A**desto supplicationibus nostris omnipotens Deus: & quibus fiduciam sperandæ pietatis indulges, consuētæ misericordiæ tribue benignus effectum. Per Dominum nostrum Jesum Christum.

## FERIA V.

Statio ad S. Apollinarem.

**Introitus.**



**O**mnia, quæ fecisti nobis Domine, in vero iudicio fecisti: quia peccavimus tibi, & mandatis tuis

non obedivimus: sed da gloriā nōmini tuo, & fac nobiscum secundum multitudinem misericordiæ tuæ. **Psalmus.** Beati immaculati in via: qui ambulant in lege Domini. Omnia, quæ fecisti.

**Oratio.**

**P**resta quasumus omnipotens Deus: ut dignitas conditionis humanæ per immoderantiam sauciata, medicinalis parsimonie studio reformetur. Per Dominum nostrum.

**Altera**

**Altera Oratio, vel Ecclesiæ tuæ.** vel Deus omnium fidelium. Pag. 139.

**Lectio Daniëlis Prophætæ.**

**I**n diebus illis: Oravit Azariás Dominum, dicens: Domine Deus noster: nè, quasumus, tradas nos in perpetuum propter nomen tuum, & nè dissipes testamentum tuum: neque auferas misericordiam tuam à nobis, propter Abraham dilectum tuum, & Isaac servum tuum, & Israël sanctum tuum: quibus locutus es, pollicens quod multiplicares semen eorum sicut stellas cœli, & sicut arenam quæ est in littore maris: quia Domine imminuti sumus plusquam omnes gentes, sumusque humiles in universa terra hodie propter peccata nostra. Et non est in tempore hoc princeps, & dux, & Propheta, neque holocaustum, neque sacrificium, neque oblatio, neque incensum, neque locus primitiarum coram te, ut possimus invenire misericordiam tuam: sed in animo contrito, & spiritu humilitatis suscipiamur. Sicut in holocausto arietum, & taurorum, & sicut in millibus agnorum pinguium: sic fiat sacrificium nostrum in conspectu tuo hodie, ut placeat tibi: quoniam non est confusio confidentibus in te. Et nunc sequimur te in toto corde, & timemus te, & quærimus faciem tuam. Nè confundas nos: sed fac nobiscum juxta mansuetudinem tuam, & secundum multitudinem misericordiæ tuæ. Et erue nos in mirabilibus tuis, & da gloriā nōmini tuo Domine:

& confundantur omnes, qui ostendunt servis tuis mala, confundantur in omnipotentia tua, & robur eorum coneratur: & sciant quia tu es Dominus Deus solus, & gloriosus super orbem terrarum, Domine Deus noster.

**Graduale.** Tollite hostias, & introite in atria ejus: adorāte Dominum in aula sancta ejus. **Re**velabit Dominus condensa: & in templo ejus omnes dicent gloriā.

**Sequentia sancti Evangelii secundum Lucam.**

**I**n illo tempore: Rogabat Jesum quidam de Phariseis; ut manducaret cum illo. Et ingressus domum Pharisei, discubuit. Et ecce mulier, quæ erat in civitate peccatrix, ut cognovit quod accubisset in domo Pharisei, attulit alabastrum unguenti: & stans retrò secus pedes ejus, lacrymis cepit rigare pedes ejus, & capillis capitis sui tergēbat, & osculabatur pedes ejus, & unguento ungēbat. Videntes autem Phariseus, qui vocaverat eum, ait intra se, dicens: Hic si esset Propheta, sciret utique, quæ & qualis est mulier, quæ tangit eum: quia peccatrix est. Et respondens Jesus, dixit ad illum: Simon, habeo tibi aliquid dicere. At ille ait: Magister dic. Duo debitores erant cuidam feneratori: unus debēbat denarios quingentos, & alius quinquaginta. Non habentibus illis unde redderent, donavit utrisque. Quis ergo eum plus diligit? Respondens Simon, dixit: Aestimo quia is, cui plus donavit. At ille dixit ei: Rectè judicasti.

T 2



dicasti. Et conversus ad mulierem, dixit Simóni: Vides hanc mulierem? Intravi in domum tuam, aquam pedibus meis non dedisti: hæc autem lacrimis rigavit pedes meos, & capillis suis terxit. Osculum mihi non dedisti: hæc autem, ex quo intravit, non cessavit osculari pedes meos. Oleo caput meum non unxisti: hæc autem unguento unxit pedes meos. Propter quod dico tibi: Remittuntur ei peccata multa, quoniam dilexit multum. Cui autem minus dimittitur, minus diligit. Dixit autem ad illam: Remittuntur tibi peccata. Et cæperunt, qui simul accumbabant, dicere intra se: Quis est hic qui etiam peccata dimittit? Dixit autem ad mulierem: Fides tua te salvam fecit: vade in pace.

**Offertorium.** Super flumina Babylonis illic sedimus, & flevimus, dum recordarémur tui Sion.

**Secræta.**

**D**omine Deus noster, qui in his potius creaturis, quas ad fragilitatis nostræ subsidium condidisti, tuo quoque nomini munera iussisti dicanda constitui: tribue quæsumus; ut & vitæ nobis præsentis auxilium, & æternitatis efficiant sacramentum. Per Dominum nostrum.

**Altera Secræta, vel** Protege nos. **vel** Oblatis, quæsumus. **Pag.** 140.

**Communio.** Memento verbi tui servo tuo Domine, in quo mihi spem dedisti: hæc me consolata est in humilitate mea.

**Postcommunio.**

**Q**uod ore sumpsimus Domine, pura mente capiamus: & de

munere temporali, fiat nobis remedium sempiternum. Per Dominum nostrum.

**Altera Postcommunio, vel** Quæsumus Domine. **vel** Hæc nos quæsumus. **Pag.** 141.

**Super populum.** Oremus.

Humiliâte capita vestra Deo.

**Oratio.**

**E**sto, quæsumus Domine, propitius plebi tuæ: ut, quæ tibi non placent, respuentes; tuorum potius repleantur delectationibus mandatorum. Per Dominum nostrum Jesum Christum.

**FERIA VI.**  
**FESTUM**  
**Septem Dolorum B. Virginis MARIE.**

**Introitus.**

**S**tabat juxta Crucem Jesu mater ejus, & soror matris ejus Maria Cleophæ, & Salômæ & Maria Magdalænæ. **V.** Mulier, ecce filius tuus, dixit Jesus: ad discipulum autem; Ecce Mater tua. **V.** Gloria Patri & Filio.

**Oratio.**

**D**EUS, in cujus passione, secundum Simeonis prophetiam, dulcissimam animam gloriôsæ Virginis & matris Mariæ doloris gladius pertransivit: concede propitius; ut qui transfixionem ejus & passionem venerando recolimus, gloriôsis meritis & precibus omnium Sanctorum Cruci fideliter astan-

tium

tium intercedentibus, passionis tuæ effectum felicem consequamur. Qui vivis & regnas.

**Commemoratio Feriæ.**

**Lectio libri Judith.**

**B**enedixit te Dominus in virtute tua, qui per te ad nihilum redégit inimicos. Benedicta es tu à Domino Deo excelsio præ omnibus mulieribus super terram. Benedictus Dominus, qui creavit cælum & terram, quia hodie nomen tuum ita magnificavit, ut non recedat laus tua de ore hominum, qui memores fuerint virtutis Domini in æternum: pro quibus non pepercisti animæ tuæ propter angustias & tribulationes generis tui, sed subvenisti ruinæ ante conspectum Dei nostri.

**Graduale.** Dolorôsa & lacrymabilis es Virgo Maria, stans juxta crucem Domini Jesu filii tui Redemptoris. **V.** Virgo Dei genitrix, quem totus non capit orbis; hoc crucis fert supplicium vitæ factus homo.

**Tractus.** Stabat sancta Maria, cæli Regina, & mundi Domina, juxta crucem Domini nostri Jesu Christi dolorôsa. **V.** O vos omnes, qui transitis per viam, attendite & videte, si est dolor sicut dolor meus.

**Sequentia.**

**S**tabat Mater dolorôsa  
Juxta crucem lacrymôsa:  
Dum pendebat Filius.

**C**ujus animam gementem,  
Contristantem, & dolentem  
Pertransivit gladius.

**Q**uam tristis & afflicta  
Fuit illa benedicta  
Mater Unigeniti!

**Q**uæ mœrebat & dolēbat,  
Et tremēbat, cum vidēbat  
Nati pœnas inclyti.

**Q**uis est homo, qui non fleret,  
Christi Matrem si videret  
In tanto supplicio?

**Q**uis non posset contristari,  
Piam Matrem contemplari,  
Dolentem cum Filio?

**P**ro peccatis suæ gentis,  
Vidit Jesum in tormentis,  
Et flagellis subditum.

**V**idit suum dulcem Natum,  
Moriētem desolatum,  
Dum emisit spiritum.

**E**ja Mater fons amoris,  
Me sentire vim doloris,  
Fac ut tecum lugeam.

**F**ac ut ardeat cor meum:  
In amando Christum Deum,  
Ut sibi complaceam.

**S**ancta Mater istud agas,  
Crucifixi fige plagas,  
Cordi meo valide.

**T**ui Nati vulnerati,  
Tam dignati pro me pati,  
Pœnas mecum divide.

**F**ac me verè tecum flere,  
Crucifixo condolere,  
Donec ego vixero.

**J**uxta crucem tecum stare,  
Te libenter sociare,  
In planctu desidero.

**V**irgo Virginum præclara,  
Mihi jam non sis amara,  
Fac me tecum plângere.

**F**ac ut portem Christi mortem,  
Passionis fac consortem,  
Et plagas recollere.



**F**ac me plagis vulnerari,  
Cruce hac inebriari,  
Ob amorem Filii.

**I**nflammatuſ & accenſuſ,  
Per te Virgo ſim deſenſuſ,  
In die iudicii.

**F**ac me cruce cuſtodiri,  
Morte Chriſti præmuniri,  
Conſoveri grátia.

**Q**uando corpus moriétur,  
Fac ut animæ donétur  
Paradiſi glória. Amen.

**Sequência ſancti Evangelii ſe-**  
cundum Joannem.

**I**n illo tẽpore: Stabant juxta  
crucem Jeſu mater ejus, & ſoror  
matris ejus Mariã Cléophæ, & Ma-  
riã Magdalénæ. Cũ vidiffet er-  
go Jeſuſ matrem, & diſcipulum  
ſtãntem, quem diligebat, dicit ma-  
tri ſuæ: Mulier, ecce filiuſ tuuſ.  
Deinde dicit diſcipulo: Ecce Ma-  
ter tua. Et ex illa hora accẽpit  
eam diſcipuluſ in ſua. **Credo.**

**Offertorium.** Recordare Virgo  
Mater Dei, dum ſteteriſ in conſpẽ-  
ctu Dõmini, ut loquãriſ pro nobiſ  
bona, & ut avértat indignationem  
ſuam à nobiſ.

**Secreta.**

**O**fferimus tibi preceſ & hõ-  
ſtiãſ Dõmine Jeſu Chriſte,  
humiliter ſupplicanteſ: ut qui tranſ-  
fixionem dulciſſimi ſpirituſ beãta  
Mariæ matris tuæ præcibuſ recen-  
ſemuſ; ſuorumque ſub Cru-  
ce Sanctõrum conſortium, multi-  
plicato piſſimo intervẽntu méritiſ  
mortiſ tuæ, méritum cum beãtiſ ha-  
beãmuſ. Qui viviſ & regnaſ cum  
Deo Patre in unitate.

**Præfatio de Beata Maria.** Et te  
in tranſfixione.

**Communio.** Feliceſ ſenſuſ beã-  
tæ Mariæ Virginis, qui ſine morte  
meruerunt martyrii palmam ſub  
Cruce Dõmini.

**Postcommunio.**

**S**acrificia, quæ ſumpſimuſ, Dõ-  
mine Jeſu Chriſte, tranſfixiõ-  
nem matris tuæ & Virginis devotẽ  
celebranteſ, nobiſ impetrent apud  
clementiam tuam omniſ boni ſalu-  
taris effectum. Qui viviſ & regnaſ  
cum Deo Patre in unitate.

\*\*\*\*\*

**FERIA VI.**

*Statio ad S. Stephanum in Caelio Monte.*

**Introitus.**

**M**iſerere mihi Dõ-  
mine, quoniam  
tribulor: libera  
me, & eripe me  
de manibꝯ ini-  
micõrum meõ-  
rum, & à perſequentibꝯ me: Dõ-  
mine non confundar, quoniam in-  
vocavi te. **Psalmus.** In te Dõmi-  
ne ſperavi, non confundar in æter-  
num: in juſticia tua libera me. Mi-  
ſerere mihi.

**Oratio.**

**C**ordibꝯ noſtriſ, quæſumuſ  
Dõmine, gratiam tuam be-  
nignuſ infunde: ut peccata noſtra  
caſtigatiõne voluntaria cohiben-  
teſ; temporaliter potiꝯ macerẽ-  
mur, quàm ſuppliciiſ deputẽmur æ-  
terniſ. Per Dõminuſ noſtruſ.

**Altera Oratio, vel Eccleſiæ tuæ.**  
**vel Deus omnium fidelium.** Pag.  
139.

**Lectio**

**Lectio Jeremiæ Prophætæ.**

**I**n diebus illiſ: Dixit Jeremiãſ:  
Dõmine, omneſ qui te derelin-  
quunt, confundentur: recedenteſ  
à te, in terra ſcribentur: quoniam  
dereliquerunt venam aquarum vi-  
ventium Dõminuſ. Sana me Dõ-  
mine, & ſanabor: ſaluſ me fac,  
& ſaluſ ero: quoniam lauſ mea  
tu eſ. Ecce ipſi dicunt ad me: Ubi  
eſt verbum Dõmini? Veniãt. Et  
ego non ſum turbatuſ, te paſtoreſ  
ſequenſ: & diem hõmiſ non de-  
ſideravi, tu ſciſ. Quod egreſſuſ  
eſ de labiis meiſ, rectuſ in con-  
ſpectu tuo fuit. Non ſiſ tu mihi  
formidini, ſpeſ mea tu in die af-  
ſictiõniſ. Confundantur qui me  
perſequuntur, & non confundar  
ego: pãveant illi, & non pãveam  
ego: induc ſuper eoſ diem af-  
ſictiõniſ, & duplici contritiõne con-  
tere eoſ, Dõmine Deus noſter.

**Graduale.** Pacificẽ loquebantur  
mihi inimici mei: & in ira molẽti  
erant mihi. **V.** Vidifti Dõmine,  
nẽ ſileãſ: nẽ diſcedãſ à me.

**Tractus.** Dõmine, non ſecun-  
dum peccata noſtra, quæ fecimuſ  
noſ: neque ſecundum iniquitateſ  
noſtraſ retribuaſ nobiſ. **V.** Dõ-  
mine, nẽ memineriſ iniquitatum  
noſtrarum antiquarum: citò anti-  
cipent noſ miſericordiæ tuæ, quia  
pauperes facti ſuamꝯ nimis. **V.**  
Adjuva noſ Deus ſalutaris noſter:  
& propter gloriã nõmiſ tui Dõ-  
mine, libera noſ: & propitiuſ eſto  
peccatiſ noſtriſ, propter nomen  
tuum. **Psalmus.** Domine Deus David rex israel  
non des

**Sequência ſancti Evangelii ſe-**  
cundum Joannem.

**I**n illo tẽpore: Collegérunt  
Pontificeſ & Phariſæi conciliuſ  
adverſuſ Jeſuſ, & dicebant: Quid  
facimuſ, quia hic hõmo multa ſigna  
facit? Si dimittimuſ eum ſic, om-  
neſ credent in eum: & venient  
Romani, & tollent noſtruſ locuſ,  
& gentem. Unuſ autem ex ipſiſ  
Caiphaſ nõmine, cũ eſſet Ponti-  
fex anni illiuſ, dixit eiſ: Voſ nẽſci-  
tiſ quidquam, nec cogitatiſ, quia  
expedit vobiſ, ut unuſ moriãtur  
hõmo pro populo, & non tota gens  
pereat. Hoc autem à ſemetipſo  
non dixit: ſed cũ eſſet Pontifex  
anni illiuſ, prophetavit, quod Je-  
ſuſ morituruſ erat pro gente, &  
non tantum pro gente, ſed ut filioſ  
Dei, qui erant diſperſi, congregã-  
ret in unum. Ab illo ergo die co-  
gitaverunt ut interficerent eum.  
Jeſuſ ergo jam non in palãm ambu-  
lãbat apud Judæoſ; ſed abiit in re-  
giõnem juxta deſertuſ, in civitatẽ  
quæ dicitur Ephrem, & ibi mo-  
rabatur cum diſcipuliſ ſuiſ.

**Offertorium.** Benedictuſ eſ Dõ-  
mine, doce me juſtificationeſ tuãſ:  
& non tradãſ calumnianteſ me  
ſuperbiſ: & reſpondẽbo expo-  
brãntibuſ mihi verbum.

**Secreta.**

**P**reſta nobiſ miſericorſ Deus:  
ut dignẽ tuiſ ſervire ſemper al-  
taribuſ mereãmur; & eõrum per-  
petua participatiõne ſalvãri. Per  
Dõminuſ noſtruſ.

**Altera Secreta, vel Protege noſ.**  
**vel Oblatiſ quæſumuſ.** Pag. 140.

**Commu-**



Psal.  
26.

**Communio.** Nè tradideris me Dómine in ánimas persequéntium me: quóniam insurrexérunt in me testes iníqui, & mentita est iníquitas sibi.

**Postcommunio.** **S**umpti sacrificii, Dómine, perpétua nos tuitio non derelinquat: & nóxia semper à nobis cuncta depéllat. Per Dóminum nostrum Jesum Christum.

**Altera Postcommunio, vel Quæsumus Dómine.** **vel Hæc nos quæsumus.** Pag. 141.

**Super populum.** **O**remus. Humiliâte cápita vestra Deo.

**Oratio.**

**C**oncède quæsumus omnípotens Deus: ut qui protectiōnis tuæ grátiam quærimus, liberáti à malis omnibus, secúra tibi mente serviámus. Per Dóminum nostrum Jesum Christum Fílium tuum: Qui tecum vivit & regnat.

\*\*\*\*\*

## SABBATO.

*Statio ad S. Joannem ante Portam Latinam.*

**Introitus.**

Psal.  
30.

**M**iserere mihi Dómine, quóniam tribulor: libera me, & éripe me de manibus inimicōrum meōrum, & à persequéntibus me: Dómine non confundar, quóniam invocávi te. **Psalms.** In te Dómine sperávi, non confundar in ætérnum: in iustitia tua libera me. Miserere mihi.

Ibid.

**Oratio.**

**P**roficiat, quæsumus Dómine, plebs tibi dicata piæ devotiōnis afféctu: ut sacris actiōnibus erudita, quantò maiestati tuæ fit grátior, tantò donis potiōribus augeatur. Per Dóminum nostrum.

**Altera Oratio, vel Ecclesiæ tuæ.** **vel Deus omnium fidélium.** Pag. 139.

**Lectio Jeremiæ Prophætæ.**

**I**n diēbus illis: Dixérunt impij Judæi ad invicem: Veníte, & cogitémus contra justum cogitationes: non enim peribit lex à sacerdote, neque consiliū à sapiente, nec sermo à Propheta: veníte, & percutiāmus eum linguā, & non attendāmus ad univérso sermōnes ejus. Attēde Dómine ad me, & audi vocem adversariōrum meōrum. Numquid rédditur pro bono malum, quia fodérunt foveam animæ meæ? Recordāre quòd steterim in conspéctu tuo, ut loquerer pro eis bonum, & avérterem indignatiōnem tuam ab eis. Propterea dà filios eōrum in famem, & deduc eos in manus gládi: fiant uxōres eōrum absque liberis, & viduæ: & viri eārum interficiāntur morte: júvenes eōrum confodiāntur gládio in prælio. Audiātur clamor de dómibus eōrum: adduces enim super eos latrōnem repēntē: quia fodérunt foveam ut cāperent me, & láqueos absconderunt pedibus meis. Tu autem Dómine scis omne consiliū eōrum adversum me in mortem: nè propitiēris iniquitati eōrum, & peccatum eōrum à facie tua non deleatur:

tur:

tur: fiant corruētes in conspéctu tuo, in témpore furōris tui abutere eis, Dómine Deus noster.

**Graduale.** Pacíficè loquebāntur mihi inimici mei: & in ira molésti érant mihi. **Ps.** Vidisti Dómine, nè síleas: nè discēdas à me.

**Sequētia sancti Evangélii** secūndum Joānnem.

**I**n illo témpore: Cogitavérunt principes sacerdotum, ut & Lázarus interficerent: quia multi propter illum abibant ex Judæis, & credébant in Jesum. In crástinum autem turba multa, quæ vénérat ad diem festum, cum audissent quia venit Jesus Jerosolymam: acceperunt ramos palmārum, & processérunt obviam ei, & clamabant: Hosanna, benedictus qui venit in nómine Dómini, rex Israël. Et invénit Jesus asellum, & sedit super eum, sicut scriptum est: Noli timere filia Sion: ecce rex tuus venit sedens super pullum asinæ. Hæc non cognovérunt discipuli ejus primū: sed quando glorificatus est Jesus, tunc recordāti sunt, quia hæc erant scripta de eo, & hæc fecérunt ei. Testimōnium ergo perhibebat turba, quæ erat cum eo quando Lázarus vocāvit de monumento, & suscitāvit eum à mortuis. Propterea & obviam venit ei turba: quia audierunt eum fecisse hoc signum. Pharisei ergo dixerunt ad semetipsos: Vidētis quia nihil proficimus? Ecce mundus totus post eum abiit. Erant item quidam gentiles, ex his qui ascēderant ut adorarent in die festo. Hi ergo accessérunt ad Phi-

lippum, qui erat à Bethsáida Galilææ, & rogābant eum, dicentes: Dómine, vólumus Jesum vidēre. Venit Philippus, & dicit Andréas: Andréas rursus & Philippus dixerunt Jesu. Jesus autem respōdit eis, dicens: Venit hora, ut clarificetur Fílius hómīnis. Amen, amen dico vobis, nisi granum fruménti cadens in terram, mórtuum fuerit, ipsum solum manet. Si autem mórtuum fuerit, multum fructum affert. Qui amat animam suam, perdet eam: & qui odit animam suam in hoc mundo, in vitam ætérnam custōdit eam. Si quis mihi ministrat, me sequatur: & ubi sum ego, illic & minister meus erit. Si quis mihi ministrāverit, honorificābit eum Pater meus. Nunc anima mea turbāta est. Et quid dicam? Pater, salvifica me ex hac hora. Sed propterea veni in horam hanc. Pater, clarifica nomen tuum. Venit ergo vox de cælo: Et clarificāvi, & iterum clarificābo. Turba ergo, quæ stabat, & audierat, dicebat tonitruum esse factum. Alii dicebant: Angelus ei locutus est. Respōdit Jesus, & dixit: Non propter me hæc vox venit, sed propter vos. Nunc iudiciū est mundi, nunc princeps hujus mundi ejicietur foras. Et ego si exaltātus fuero à terra, omnia traham ad me ipsum: (hoc autem dicebat, significans qua morte esset moritūrus.) Respōdit ei turba: Nos audivimus ex lege, quia Christus manet in ætérnum: & quomodo tu dicis. Opórtet exaltāri Fílium hómīnis? Quis est iste Fílius hómīnis? Dixit ergo eis Jesus: Adhuc módicum lu-

U

men



men in vobis est. Ambulâte dum lucem habētis, ut non vos tenebræ comprehendant: & qui ambulat in tenebris, nescit quò vadat. Dum lucem habētis, credite in lucem, ut filii lucis sitis. Hæc locutus est Jesus: & abiit, & abscondit se ab eis.

**Offertorium.** Benedictus es Domine, doce me justificationes tuas: & non tradas calumniantibus me superbis: & respondēbo exprobrantibus mihi verbum.

**Secreta.**

**A** cunctis nos, quæsumus Domine, reatibus & periculis propitiatus absolue: quos tanti mysterii tribuis esse consortes. Per Dominum nostrum.

**Altera Secreta, vel** Protege nos, vel Oblatis quæsumus. **Pag.** 140.

**Communio.** Nè tradideris me Domine, in animas persequentium me: quoniam insurrexerunt in me testes iniqui, & mentita est iniquitas sibi.

**Postcommunio.**

**D**ivini muneris largitate satiati, quæsumus Domine Deus noster: ut hujus semper participatione vivamus. Per Dominum nostrum.

**Altera Postcommunio, vel** Quæsumus Domine, vel Hæc nos, quæsumus. **Pag.** 141.

**Super populum.** Orémus.

Humiliâte capita vestra Deo.

**Oratio.**

**T**ueatur, quæsumus Domine, dextera tua populum deprecantem: & purificatum dignanter erudiat; ut consolatione præsentis,

ad futura bona proficiat. Per Dominum nostrum Jesum Christum Filium tuum.

## DOMINICA IN PALMIS.

**Completa Tertia, & facta asper- sione aquæ, more solito, Sacerdos indutus pluviali violaceo, vel sinè casula, cum ministris similiter indutis, procedit ad benedicendum ramos palmarum, & olivarum, sive aliarum arborum, in medio ante Altare, vel ad cornu Epistolæ pos- tos. Et primò cantatur à Choro Antiphona.**



**H**osanna filio David: benedictus qui venit in nōmine Domini. O Rex Israël: Hosanna in excelsis.

**Deinde Sacerdos stans in cornu Epistolæ, non vertens se ad populum, dicit in tono Orationis Missæ ferialis. Dominus vobiscum. Et cum spiritu tuo.**

**Orémus. Oratio.**

**D**EUS, quem diligere & amare, justitia est, ineffabilis gratiæ tuæ in nobis dona multiplica: & qui fecisti nos in morte Filii tui sperare quæ credimus; fac nos eodem resurgente pervenire quò tendimus. Qui tecum vivit & regnat in unitate Spiritus sancti Deus.

**Posteà Subdiaconus in loco solito cantat sequentem Lectionem in**

tono

**tono Epistolæ, & in fine osculatur manum Sacerdotis.**

### Lectione libri Exodi.

**I**N diēbus illis: Venērunt filii Israël in Elim, ubi erant duodecim fontes aquarum, & septuaginta palmar: & castrametati sunt juxta aquas. Profectique sunt de Elim, & venit omnis multitudo filiōrum Israël in desertum Sin, quod est inter Elim & Sinai: quintodécimo die mensis secūdi, postquam egressi sunt de terra Ægypti. Et murmuravit omnis congregatio filiōrum Israël contra Moysen & Aaron in solitudine. Dixeruntque filii Israël ad eos: Utinam mortui essemus per manum Domini in terra Ægypti, quando sedebamus super ollas carniū, & comedebamus panem in saturitate: cur eduxistis nos in desertum istud, ut occideretis omnem multitudinem fame? Dixit autem Dominus ad Moysen: Ecce, ego pluam vobis panes de cælo: egrediatur populus, & colligat quæ sufficiunt per singulos dies: ut tentem eum, utrum ambulet in lege mea, an non. Die autem sexto parent quod inferant: & sit duplum quàm colligere solēbant per singulos dies. Dixeruntque Moyses & Aaron ad omnes filios Israël: Vespere sciētis quòd Dominus eduxerit vos de terra Ægypti: & manē vidēbitis gloriā Domini.

**Deinde cantatur pro Graduali.**

**¶ Collegērunt Pontifices & Pharisæi concilium, & dixerunt: Quid facimus, quia hic homo multa signa facit? Si dimittimus eum sic, omnes credent in eum: \* Et vé-**

nient Romāni, & tollent nostrum locum, & gentem. **¶** Unus autem ex illis, Caiphas nōmine, cū esset pontifex anni illius, prophetavit, dicens: Expedi vobis, ut unus moriatur homo pro populo, & non tota gens pereat. Ab illo ergo die cogitaverunt interficere eum, dicentes. Et venient.

**Vel aliud. ¶** In monte Oliveti oravit ad patrem: pater, si fieri potest, transeat à me calix iste. **¶** Spiritus quidem promptus est, caro autem infirma: fiat voluntas tua. **¶** Vigilate, & orate, ut non intrētis in tentationem. Spiritus quidem.

**Interim dum cantatur. ¶** Diaconus ponit librum Evangeliorum super Altare: & Sacerdos, ministrante Diacono naviculam, ponit incensum in thuribulo. Deinde Diaconus dicit, **Munda cor meum.** accipit librum de Altari, petit benedictionem à Sacerdote: postea Subdiacono librum tenente, medius inter duos Acolythos tenentes candelabra accensa, signat librum, incensat, & cantat Evangelium, ut infra, more consueto: quo finito, Subdiaconus defert librum osculandum Sacerdoti, qui & incensatur à Diacono.

**Sequentia sancti Evangelii secundum Matthæum.**

**I**N illo tempore: Cū appropinquasset Jesus Jerosolymis, & venisset Bethphage ad montem Oliveti: tunc misit duos discipulos suos, dicens eis: Ite in castellum, quod contra vos est, & statim invenietis asinam alligatam, & pullum cum ea: solvite, & adducite mihi:

U 2

& si



& si quis vobis aliquid dixerit, dicite quia Dominus his opus habet: & confestim dimittet eos. Hoc autem totum factum est, ut adimpleretur quod dictum est per Prophetam, dicentem: Dicite filiae Sion: ecce rex tuus venit tibi mansuetus, sedens super asinam, & pullum, filium subjugalis. Euntes autem discipuli, fecerunt sicut praecepit illis Jesus. Et adduxerunt asinam, & pullum: & imposuerunt super eos vestimenta sua, & eum desuper sedere fecerunt. Plurima autem turba straverunt vestimenta sua in via: alii autem caedebant ramos de arboribus, & sternebant in via: turbae autem, quae praecedebant, & quae sequebantur, clamabant, dicentes: Hosanna filio David: benedictus, qui venit in nomine Domini.

Post haec benedicuntur rami. Sacerdos stans in eodem cornu Epistolae, dicit in tono Orationis Ferialis: Dominus vobiscum. Et cum spiritu tuo.

Orémus. Oratio.

**A**uge fidem in te sperantium Deus, & supplicum preces clementer exaudi: veniat super nos multiplex misericordia tua: benedicantur & hi palmites palmiarum, seu olivarum: & sicut in figura Ecclesiae multiplicasti Noe egredientem de arca, & Moysen exeuntem de Aegypto cum filiis Israel: ita nos portantes palmas, & ramos olivarum, bonis actibus occurramus obviam Christo: & per ipsum in gaudium introeamus aeternum. Qui tecum vivit & regnat in unitate Spiritus sancti Deus.

**P**er omnia saecula saeculorum.

**R.** Amen. **V.** Dominus vobiscum.

**R.** Et cum spiritu tuo. **V.** Sursum corda. **R.** Habemus ad Dominum. **V.** Gratias agamus Domino Deo nostro. **R.** Dignum & iustum est. **V.** Verè dignum & iustum est, æquum & salutare, nos tibi semper, & ubique gratias

gratias agere, Domine sancte Pater omnipotens, æterne Deus. Qui gloriaris in consilio Sanctorum tuorum. Tibi enim serviunt creaturae tuae: quia te solum auctorem & Deum cognoscunt: & omnis factura tua te collaudat, & benedicunt te sancti tui. Quia

illud magnum Unigeniti tui nomen, coram regibus & potentatibus huius saeculi, libera voce confitentur. Cui assistunt Angeli & Archangeli, Throni & Dominationes: cumque omni militia coelestis exercitus, hymnum gloriae tuae concinunt, sine fine dicentes.



**Et cantatur Sanctus à Choro.**

**S**anctus, Sanctus, Sanctus Dominus Deus Sabaoth. Pleni sunt celi & terra gloria tua, Hosanna in excelsis. Benedictus qui venit in nomine Domini, Hosanna in excelsis. **Sequitur: Dominus vobiscum.**

**R.** Et cum spiritu tuo.

**Orémus. Oratio.**

**P**etimus, Domine sancte, Pater omnipotens, æterne Deus: ut hanc creaturam olivæ, quam ex ligni materia prodire iussisti, quamque columba rediens ad arcam proprio pertulit ore, bene **✠**dicere, & sanctificari **✠**cære digneris: ut quicumque ex ea receperint, accipiant sibi protectionem animæ & corporis: fiatque, Domine, nostræ salutis remedium, tuæ gratiæ sacramentum. Per Dominum nostrum. **R.** Amen.

**Orémus.**

**D**EUS, qui dispersa congregas, & congregata conservas: qui populis obviam Jesu ramos portantibus benedixisti: bene **✠**dic etiam hos ramos palmæ & olivæ, quos tui famuli ad honorem nominis tui fideliter suscipiunt: ut in quemcumque locum introducti fuerint, tuam benedictionem habitatores loci illius consequantur: & omni adversitate effugata, dextera tua protegat quos redemit Jesus Christus Filius tuus Dominus noster. Qui tecum vivit & regnat.

**Orémus.**

**D**EUS, qui miro dispositionis ordine, ex rebus etiam insensibilibus, dispensationem nostræ salutis ostendere voluisti: da quæ-

sumus; ut devota tuorum corda fidelium salubriter intelligant, quid mystice designet in facto, quod hodie cælesti lumine afflata, Redemptori obviam procedens, palmârum atque olivârum ramos vestigiis ejus turba substravit. Palmârum igitur rami de mortis principe triumphos expectant: furculi verò olivârum, spiritualem unitiōnem advenisse quodammodo clamant. Intellēxit enim jam tunc illa hominum beata multitudo præfigurari: quia Redemptor noster humanis condolens miseriis, pro totius mundi vita cum mortis principe esset pugnaturus, ac moriendo triumphaturus. Et ideo talia obsequens administravit, quæ in illo & triumphos victoriæ, & misericordiæ pinguēdinem declararent. Quod nos quoque plena fide, & factum & significatum retinētes, te Domine sancte, Pater omnipotens, æterne Deus, per eundem Dominum nostrum Jesum Christum suppliciter exoramus; ut in ipso, atque per ipsum, cujus nos membra fieri voluisti, de mortis imperio victoriam reportantes, ipsius gloriôsæ resurrectionis participes esse mereamur. Qui tecum vivit & regnat.

**Orémus.**

**D**EUS, qui per olivæ ramum, pacem terris columbam nuntiare iussisti: præsta quæsumus; ut hos olivæ, caterarumque arborum ramos, cælesti bene **✠**dictiōne sanctifices: ut cuncto populo tuo proficiant ad salutem. Per Christum Dominum nostrum.

**Orémus.**

**Orémus.**

**B**ene **✠**dic, quæsumus Domine, hos palmârum, seu olivârum ramos: & præsta; ut quod populus tuus in tui venerationem hodierna die corporaliter agit, hoc spiritualiter summa devotione perficiat, de hoste victoriam reportando, & opus misericordiæ summo perē diligendo. Per Dominum nostrum.

**Hic Celebrans ponit incensum in thuribulum, deinde ter aspergit ramos aquâ benedictâ, dicendo Antiphonam, Asperges me. sine cantu, & sine Psalmo: & ter adolet incenso. Postea dicit: Dominus vobiscum. R.** Et cum spiritu tuo.

**Orémus.**

**D**EUS, qui Filium tuum Jesum Christum Dominum nostrum, pro salute nostra in hunc mundum misisti, ut se humiliaret ad nos, & nos revocaret ad te: cui etiam, dum Jerusalem veniret, ut adimpleret Scripturas, credentium populorum turba, fidelissima devotione vestimenta sua cum ramis palmârum in via sternebant: præsta quæsumus; ut illi fidei viam præparēmus, de qua, remoto lapide offensionis, & petra scândali, frondeant apud te opera nostra justitiæ ramis: ut ejus vestigia sequi mereamur. Qui tecum vivit & regnat in unitate.

**Completa benedictione, dignior ex Clero accedit ad Altare, & dat ramum benedictum Celebranti, qui non genuflectit, nec osculatur manum dantis. Postea Celebrans stans ante Altare versus ad populum, distribuit ramos, primum di-**

**gniori, à quo ipse accepit, deinde Diacono & Subdiacono paratis, & aliis clericis singulatim per ordinem, ultimò laicis: omnibus genuflectentibus, & ramum ac manum Celebrantis osculantibus, exceptis Prælati, si adsint. Et cum inceperit distribuere, à Choro cantantur sequentes Antiphonæ.**

**P**ueri Hebræorum portantes ramos olivârum obviaverunt Domino, clamantes, & dicentes: Hosanna in excelsis.

**Alia Antiphona.**

**P**ueri Hebræorum vestimenta prosternebant in via, & clamabant dicentes: Hosanna filio David: benedictus qui venit in nomine Domini.

**Quæ si non sufficiant, repetantur quousque ramorum distributio finiatur. Deinde Sacerdos dicit: Dominus vobiscum. R.** Et cum spiritu tuo.

**Orémus.**

**O**mnipotens sempiternus Deus, qui Dominum nostrum Jesum Christum super pullum asinæ sedere fecisti, & turbas populorum vestimenta, vel ramos arborum in via sternere, & hosanna decantare in laudem ipsius docuisti: da quæsumus; ut illorum innocentiam imitari possimus, & eorum meritum consequi mereamur. Per eundem Christum Dominum nostrum. **R.** Amen.

**Postea fit Processio. Et primò Celebrans imponit incensum in thuribulum: & Diaconus vertens se ad populum, dicit: Procedamus in pace. Et chorus respondet: In nomine Christi, Amen. Præcedit**



dit thuriferarius cum thuribulo  
fumigante : deinde Subdiaconus  
paratus : deferens Crucem, medius  
inter duos Acolythos cum candela-  
bris accensis : sequitur Clerus per  
ordinem, ultimò Celebrans cum  
Diacono à sinistris, omnes cum ra-  
mis in manibus, & cantantur se-  
quentes Antiphonæ, vel omnes,  
vel aliquæ, quousque durat Pro-  
cessio.

Antiphona.

Mat.  
21. **C**ū appropinquāret Dóminus  
Jerósolymam, misit duos ex discí-  
pulis suis, dicens: Ite in castellum,  
quod contra vos est: & inveniētis  
pullum ásinæ alligātum, super quem  
nullus hóminum sedit: sòlvite, &  
addúcite mihi. Si quis vos inter-  
rogáverit dicite: opus Dómino  
est. Solvéntes adduxêrunt ad Je-  
sum: & imposuêrunt illi vestimén-  
ta sua, & sedit super eum: ál-  
ii expandébant vestiménta sua in via,  
ál-  
ii ramos de arbóribus sternébant:  
& qui sequebántur, clamábant: Ho-  
sanna, benedíctus qui venit in nó-  
mine Dómini: benedíctum regnum  
patris nostri David: Hosanna in  
excélsis: miserére nobis fili David.

Alia Antiphona.

Cū audisset pōpulus, quia Je-  
sus venit Jerosólymam, acceperunt  
ramos palmárum : & exiērunt ei  
óbuiam, & clamábant púeri, dicen-  
tes: Hic est, qui ventúrus est in sa-  
lútem pōpuli. Hic est salus no-  
stra, & redemptio Israēl. Quantus  
est iste, cui Throni & Dominatiō-  
nes occurrunt? Noli timēre, filia  
Sion : ecce Rex tuus venit tibi,  
sedens super pullum ásinae : sicut  
scriptum est. Salve Rex fabrica-

tor mundi, qui venisti redimere nos.

### Alia Antiphona.

**A**nte sex dies solénnis Paschá, quando venit Dóminus in civitatem Jerúsalem, occurrérunt ei pueri: & in mánibus portábant ramos palmárum, & clamábant voce magnâ, dicétes: Hosánna in excélsis: benedíctus qui venísti in multítudine misericórdiæ tuæ: Hosánna in excélsis.

Alia Antiphona.

Occurrunt turbæ cum flôribus  
& palmis Redemptóri óbuiam: &  
victóri triumphánti digna dant ob-  
séquia: Filium Dei ore gentes præ-  
dicant: & in laudem Christi voces  
tonant per núbila: Hosâna in ex-  
celsis.

### Alia Antiphona.

**C**um Angelis & pueris fideles in-  
veniâmur, triumphatôri mortis cla-  
mântes: Hosanna in excelsis.

**Alia Antiphona.**

**T**urba multa, quæ convenerat  
ad diem festum, clamabat Dómino:  
Benedíctus qui venit in nómine Dó-  
mini, Hosánnā in excélsis.

**P** In reversione Processionis, duo vel quatuor cantores intrant in Ecclesiam, & clauso ostio stantes versa facie ad Processionem, incipiunt *ꝯ. Glória, laus. & decantant duos primos versus. Sacerdos verò cum aliis extra Ecclesiam, repetit eosdem. Deinde qui sunt intus, cantant alios versus sequentes vel omnes, vel partem, prout videbitur: & qui sunt extra, ad quoslibet duos versus respondent: Glória, laus. sicut à principio ꝯ.*

**Glória**

**G**Lória, laus, & honor, tibi fit  
Rex Christe Redemptor:  
Cui puerile decus prompsit Ho-  
sánna pium.

**I**sraël es tu Rex, Davîdis & inclyta  
proles:

Nómine qui in Dómini Rex bene-  
dicte venis. **Rx.** Glória, laus.

Cœtus in excelsis te laudat cœlicus  
omnis.

Et mortâlis homo, & cuncta creâ-  
ta simul. **R.** Glória, laus.

**P**lebs Hebræa tibi cum palmis ób-  
via venit:

Cum prece, voto, hymnis, ádfu-  
mus ecce tibi. **R.** Glória, laus.

**H**i tibi passuro solvébant múnia  
laudis:

Nos tibi regnanti pāngimus ecce  
melos. **R.** Glória, laus.

**H**i placuêre tibi, plăceat devótio  
nostra:

Rex bone, Rex clemens, cûi bona  
cuncta placent. **R.** Glória, laus.

Posteâ Subdiaconus hastili Cru-  
cis percutit portam: qua statim a-  
pertâ, Processio intrat Ecclesiam,  
cantando **Ꝛ**. Ingrediénte Dómino  
in sanctam civitatē, Hebræorum  
pueri resurrectionē vitæ pronun-  
tiantes, \* Cum ramis palmârum  
Hosâna clamâbant in excelsis. **Ꝛ**.  
Cum audisset pópulus, quòd Iesus  
veniret Jerosólymam, exiêrunt ób-  
viam ei. Cum ramis.

Et non dicitur, Glória Patri.

Deinde celebratur Missa, & rami tenentur in manibus dum canitur Passio & Evangelium tantum.

*Statio ad S. Joannem in Laterano.*

Introitus.

**D**omine, nè longè faciās auxiliū tuū à me, ad defensionem meam aspice: libera me de ore leōnis, & à cornibus unicōrniū humilitatem meam. **Psalmus. Deus** Deus meus, respice in me, quare me dereliquisti? longè à salute mea verba delictōrum meorum. **D**omine, nè longè.

Oratio.

**O**Mnípotens sempitérne Deus,  
qui humano géneri ad imi-  
tandum humilitátis exéplum, Sal-  
vatôrem nostrum carnem sùmere,  
& crucem subîre fecísti: concède  
propítius; ut & patientiæ ipsíus  
habère documénta, & resurrectiô-  
nis consórtio mereámur. Per eúm-  
dem Dóminum nostrum Jesum  
Christum.

Et hæc Oratio tantum dicitur.

**L**ectio Epistolæ Beati Pauli  
Apóstoli ad Philippénſes.

**F**ratres, Hoc enim sentite in vobis, quod & in Christo Jesu Phil. 2. b. qui cum in forma Dei esset, non rapinam arbitratus est esse se æqualem Deo : sed semetipsum exinavit formam servi accipiens, in similitudinem hominum factus, & habitu inventus ut homo. Humiliavit semetipsum, factus obediens usque ad mortem, mortem autem crucis. Propter quod & Deus exaltavit illum, & donavit illi nomen,

X

quod



quod est super omne nomen: \* ut  
in nōmine Jesu omne genu flectā-  
tur cœlestium, terrestrium, & in-  
fernōrum, & omnis lingua confi-  
teatur, quia Dōminus Jesus Chri-  
stus in glōria est Dei Patris.

**Graduale.** Tenuisti manum dex-  
teram meam: & in voluntate tua  
deduxisti me: & cum glōria assump-  
sisti me. \* Quam bonus Israël  
Deus rectis corde! mei autem pæ-  
nē moti sunt pedes; pænē effusi  
sunt gressus mei: quia zelavi in  
peccatoribus, pacem peccatorum  
videns.

**Tractus.** Deus Deus meus, re-  
spice in me: quare me dereliqui-  
sti? \* Longē à salute mea ver-  
ba delictōrum meōrum. \* Deus  
meus clamābo per diem, nec exau-  
dies: in nocte, & non ad inspien-  
tiam mihi. \* Tu autem in san-  
cto habitas, Laus Israël. \* In te  
speraverunt patres nostri: sperave-  
runt, & liberasti eos. \* Ad te  
clamaverunt, & salvi facti sunt: in  
te speraverunt, & non sunt confusi.  
\* Ego autem sum vermis, & non  
homo: opprobrium hōminum, &  
abjectio plebis. \* Omnes qui vi-  
debant me, aspernabantur me: lo-  
cūti sunt labiis, & moverunt caput.  
\* Speravit in Dōmino, eripiat  
eum: saluum faciat eum, quoniam  
vult eum. \* Ipsi verò considera-  
verunt, & conspexerunt me: divi-  
serunt sibi vestimenta mea, & su-  
per vestem meam miserunt sortem.  
\* Libera me de ore leōnis: & à  
cornibus unicōrnium humilitatem  
meam. \* Qui timētis Dōminum,  
laudate eum: univēsum semen Ja-  
cob magnificate eum. \* Annun-

tiabitur Dōmino generatio ventū-  
ra: & annuntiabunt cœli justitiam  
ejus. \* Pōpulo qui nascetur, quem  
fecit Dōminus.

**Passio Domini incipitur abso-  
lutē: non dicitur, Munda cor me-  
um. non petitur benedictio, non  
deferuntur luminaria, nec incen-  
sum: non dicitur, Dōminus vo-  
biscum. nec respondetur, Glōria  
tibi Dōmine. & Celebrans, seu Dia-  
conus, dum pronuntiat, Passio Dō-  
mini nostri, non signat librum, ne-  
que seipsum. Quod & in aliis die-  
bus servatur, quando legitur Passio.**

**Passio Dōmini nostri Jesu  
Christi secundum Matthæum.**

**I**n illo tempore: Dixit Jesus disci-  
pulis suis: \* Scitis quia post  
biduum Pascha fiet, & Filius hōmi-  
nis tradetur ut crucifigatur. \* Tunc  
congregati sunt principes sacerdotū,  
& seniores pōpuli, in atrium  
principis sacerdotum, qui dicebatur  
Cāiphas: & consiliū fecerunt  
ut Jesum dolo tenerent, & occide-  
rent. Dicebant autem: \* Non in  
die festo, nē fortē tumultus fieret  
in pōpulo. \* Cū autem Jesus ef-  
set in Bethānia in domo Simōnis  
leprosi, accessit ad eum mulier ha-  
bens alabastrum unguenti pretiosi,  
& effudit super caput ipsius recum-  
bentis. Videntes autem discipuli,  
indignati sunt, dicentes: \* Ut quid  
perditio hæc? potuit enim istud  
venūdari multo, & dari pauperi-  
bus. \* Sciens autem Jesus, ait il-  
lis: \* Quid molesti estis huic mu-  
lieri? opus enim bonum operata  
est in me. Nam semper pauperes  
habētis vobiscum: me autem non

semper

semper habētis. Mittens enim hæc  
unguentum hoc in corpus meum,  
ad sepeliendum me fecit. Amen  
dico vobis, ubicūque prædicatum  
fuerit hoc Evangelium in toto  
mundo, dicetur & quod hæc fecit  
in memoriā ejus. \* Tunc abiit  
unus de duodecim, qui dicebatur  
Judas Iscariotes, ad principes sa-  
cerdotum: & ait illis: \* Quid vul-  
tis mihi dare, & ego vobis eum tra-  
dam? \* At illi constituerunt ei tri-  
ginta argenteos. Et exinde quæ-  
rebatur opportunitatem ut eum tra-  
deret. Primā autem die Azymō-  
rum accesserunt discipuli ad Jesum,  
dicentes: \* Ubi vis parēmus tibi  
comedere Pascha? \* At Jesus di-  
xit: \* Ite in civitatem ad quem-  
dam, & dīcite ei: Magister dicit:  
Tempus meum propē est, apud te  
facio Pascha cum discipulis meis.  
\* Et fecerunt discipuli sicut con-  
stituit illis Jesus, & paraverunt Pa-  
scha. Vespere autem facto, discum-  
bebat cum duodecim discipulis suis.  
Et edentibus illis, dixit: \* Amen  
dico vobis, quia unus vestrū me  
traditurus est. \* Et contristati  
valde, cœperunt singuli dicere: \*  
Numquid ego sum Dōmine? \* At  
ipse respondens, ait: \* Qui intin-  
git mecum manum in parōpside,  
hic me tradet. Filius quidem hō-  
minis vadit, sicut scriptum est de  
illo: vā autem hōmini illi, per  
quem Filius hōminis tradetur: bo-  
num erat ei, si natus non fuisset ho-  
mo ille. \* Respondens autem Ju-  
das, qui tradidit eum, dixit: \* Num-  
quid ego sum Rabbi? \* Ait illi:  
\* Tu dixisti. \* Cœnantibus au-  
tem eis, accēpit Jesus Panem, & be-

nedixit, ac fregit, deditque disci-  
pulis suis, & ait: \* Accipite, &  
comedite: hoc est Corpus meum.  
\* Et accipiens calicem, grācias e-  
git: & dedit illis, dicens: \* Bibi-  
te ex hoc omnes. Hic est enim  
Sanguis meus novi testamēti, qui  
pro multis effundetur in remissio-  
nem peccatorum. Dico autem vo-  
bis: non bibam amodō de hoc ge-  
nimine vitis, usque in diem illum,  
cū illud bibam vobiscum novum  
in regno Patris mei. \* Et hymno  
dicto, exierunt in montem Olivē-  
ti. Tunc dicit illis Jesus: \* Om-  
nes vos scandalum patiēmini in me  
in ista nocte. Scriptum est enim:  
Percutiam pastorem, & dispergen-  
tur oves gregis. Postquam autem  
resurrexero, præcedam vos in Ga-  
lilæam. \* Respondens autem Pe-  
trus, ait illi: \* Et si omnes scanda-  
lizati fuerint in te, ego numquam  
scandalizabor. \* Ait illi Jesus: \*  
Amen dico tibi, quia in hac nocte,  
antequam gallus cantet, ter me ne-  
gabis. \* Ait illi Petrus: \* Etiam  
si oportuerit me mori tecum, non  
te negabo. \* Similiter & omnes  
discipuli dixerunt. Tunc venit Je-  
sus cum illis in villam, quæ dici-  
tur Gethsémani, & dixit discipulis  
suis: \* Sedete hīc, donec vadam  
illuc, & orem. \* Et assumpto Pe-  
tro, & duobus filiis Zebédæi, cœ-  
pit contristari & mœstus esse. Tunc  
ait illis: \* Tristis est anima mea  
usque ad mortem: sustinete hīc,  
& vigilate mecum. \* Et progrē-  
sus pusillum, procidit in faciem su-  
am, orans, & dicens: \* Pater mi,  
si possibile est, transeat à me calix  
iste. Verūtamēn non sicut ego



volō, sed sicut tu. **c** Et venit ad discipulos suos, & invenit eos dormientes: & dicit Petro: **✠** Sic non potuistis unā horā vigilare mecum? Vigilare, & orare ut non intrētis in tentationem. Spiritus quidem promptus est, caro autem infirma. **c** Iterum secundo abiit, & oravit, dicens: **✠** Pater mi, si non potest hic calix transire nisi bibam illum, fiat voluntas tua. **c** Et venit iterum, & invenit eos dormientes: erant enim oculi eorum gravati. Et relictis illis, iterum abiit, & oravit tertio, eundem sermonem dicens. Tunc venit ad discipulos suos, & dicit illis: **✠** Dormite jam, & requiescite: ecce appropinquavit hora, & Filius hominis tradetur in manus peccatorum. Surgite, eamus: ecce appropinquavit qui me tradet. **c** Adhuc eo loquente, ecce Judas unus de duodecim venit, & cum eo turba multa cum gladiis & fustibus, missi à principibus sacerdotum, & senioribus populi. Qui autem tradidit eum, dedit illis signum, dicens: **s** Quemcumque osculatus fuero, ipse est, tenete eum. **c** Et confestim accedens ad Jesum, dixit: **s** Ave Rabbi. **c** Et osculatus est eum. Dixitque illi Jesus: **✠** Amice, ad quid venisti? **c** Tunc accesserunt, & manus injecerunt in Jesum, & tenuerunt eum. Et ecce unus ex his qui erant cum Jesu, extendens manum, exemit gladium suum, & percutiens servum principis sacerdotum, amputavit auriculam ejus. Tunc ait illi Jesus: **✠** Convertite gladium tuum in locum suum. Omnes enim qui acceperint gladium, gladio per-

ibunt. An putas, quia non possum rogare Patrem meum, & exhibebit mihi modò plus quam duodecim legiones Angelorum? Quomodo ergo implebuntur Scripturæ, quia sic oportet fieri? **c** In illa hora dixit Jesus turbis: **✠** Tamquam ad latronem existis cum gladiis & fustibus comprehendere me: quotidie apud vos sedebam docens in templo, & non me tenuistis: **c** Hoc autem totum factum est, ut adimplerentur Scripturæ Prophetarum. Tunc discipuli omnes, relicto eo, fugerunt. At illi tenentes Jesum, duxerunt ad Caiapham principem sacerdotum, ubi Scribæ & seniores convenerant. Petrus autem sequebatur eum à longè, usque in atrium principis sacerdotum. Et ingressus intro, sedebat cum ministris, ut videret finem. Principes autem sacerdotum, & omne concilium, quærebant falsum testimonium contra Jesum, ut eum morti traderent: & non invenerunt, cum multi falsi testes accessissent. Novissime autem venerunt duo falsi testes, & dixerunt: **s** Hic dixit: Possum destruere templum Dei, & post triduum reedificare illud. **c** Et surgens princeps sacerdotum, ait illi: **s** Nihil respondes ad ea, quæ isti adversum te testificantur? **c** Jesus autem tacebat. Et princeps sacerdotum ait illi: **s** Adjuro te per Deum vivum, ut dicas nobis si tu es Christus Filius Dei. **c** Dicit illi Jesus: **✠** Tu dixisti. Verumtamen dico vobis, amodò vidēbitis Filium hominis sedentem à dextris virtutis Dei, & venientem in nubibus cæli. **c** Tunc

princeps

princeps sacerdotum scidit vestimenta sua, dicens: **s** Blasphemavit: quid adhuc egemus testibus? ecce nunc audistis blasphemiam: quid vobis videtur? **c** At illi respondentes, dixerunt: **s** Reus est mortis. **c** Tunc exspuerunt in faciem ejus, & colaphis eum ceciderunt, alii autem palmas in faciem ejus dederunt, dicentes: **s** Prophetiza nobis Christe, quis est, qui te percussit? **c** Petrus verò sedebat foris in atrio: & accessit ad eum una ancilla, dicens: **s** Et tu cum Jesu Galilæo eras. **c** At ille negavit coram omnibus, dicens: **s** Nescio quid dicis. **c** Exeunte autem illo januam, vidit eum alia ancilla, & ait his qui erant ibi: **s** Et hic erat cum Jesu Nazaréno. **c** Et iterum negavit cum juramento: Quia non novi hominem. Et post pusillum accesserunt qui stabant, & dixerunt Petro: **s** Verè & tu ex illis es: nam & loquela tua manifestum te facit. **c** Tunc cepit detestari & jurare quia non novisset hominem. Et continuo gallus cantavit. Et recordatus est Petrus verbi Jesu, quod dixerat: Priusquam gallus cantet, ter me negabis. Et egressus foras, flevit amare. Manè autem facto, consilium iniierunt omnes principes sacerdotum & seniores populi adversus Jesum, ut eum morti traderent. Et vinctum adduxerunt eum, & tradiderunt Pontio Pilato prædici. Tunc videns Judas, qui eum tradidit, quod damnatus esset; poenitentia ductus, retulit triginta argenteos principibus sacerdotum, & senioribus, dicens: **s** Peccavi,

tradens sanguinem justum. **c** At illi dixerunt: **s** Quid ad nos? tu videris. **c** Et projectis argenteis in templo, recessit: & abiens, laqueo se suspendit. Principes autem sacerdotum, acceptis argenteis, dixerunt: **s** Non licet eos mittere in carbonam, quia pretium sanguinis est. **c** Consilio autem inito, emerunt ex illis agrum figuli, in sepulturam peregrinorum. Propter hoc vocatus est ager ille, Haceldama, hoc est, ager sanguinis, usque in hodiernum diem. Tunc implētum est, quod dictum est per Jeremiam Prophetam, dicentem: Et acceperunt triginta argenteos pretium appretiati, quem appretiaverunt à filiis Israël: & dederunt eos in agrum figuli, sicut constituit mihi Dominus. Jesus autem stetit ante præsidem, & interrogavit eum Præses, dicens: **s** Tu es Rex Judæorum? **c** Dicit illi Jesus: **✠** Tu dicis. **c** Et cum accusaretur à principibus sacerdotum, & senioribus, nihil respondit. Tunc dicit illi Pilatus: **s** Non audis quanta adversum te dicunt testimonia? **c** Et non respondit ei ad ullum verbum, ita ut miraretur Præses vehementer. Per diem autem solèmnem consuēverat Præses populo dimittere unum vinctum, quem voluissent. Habebat autem tunc vinctum insignem, qui dicebatur Barabbas. Congregatis ergo illis, dixit Pilatus: **s** Quem vultis dimittam vobis: Barabbam, an Jesum, qui dicitur Christus? **c** Sciēbat enim quod per invidiam tradidissent eum. Sedente autem illo pro tribunali, misit ad eum uxor

X3

ejus,



Jesus, dicens: **s** Nihil tibi, & iusto illi: multa enim passa sum hodie per visum propter eum. **c** Principes autem sacerdotum & seniores persuaserunt populis ut peterent Barabbam, Jesum vero perderent. Respondens autem Praeses, ait illis: **s** Quem vultis vobis de duobus dimitti? **c** At illi dixerunt: **s** Barabbam. **c** Dicit illis Pilatus: **s** Quid igitur faciam de Jesu, qui dicitur Christus? **c** Dicunt omnes: **s** Crucifigatur. **c** Ait illis Praeses: **s** Quid enim mali fecit? **c** At illi magis clamabant, dicentes: **s** Crucifigatur. **c** Videns autem Pilatus quia nihil proficeret, sed magis tumultus fieret: accepta aqua, lavit manus coram populo, dicens: **s** Innocens ego sum a sanguine iusti huius? vos videtis. **c** Et respondens universus populus, dixit: **s** Sanguis ejus super nos, & super filios nostros. **c** Tunc dimisit illis Barabbam: Jesum autem flagellatum tradidit eis ut crucifigeretur. Tunc milites Praefidis suscipientes Jesum in Praetorium, congregaverunt ad eum universam cohortem: & exuentes eum, chlamydem coccineam circumdederunt ei; & plectentes coronam de spinis, posuerunt super caput ejus, & arundinem in dextera ejus, & genu flexo ante eum, illudebant ei, dicentes: **s** Ave rex Judaeorum. **c** Et expuentes in eum, acceperunt arundinem, & percutiebant caput ejus. Et postquam illuserunt ei, exuerunt eum chlamyde, & induerunt eum vestimentis ejus, & duxerunt eum ut crucifigerent. Exeuntes autem, invenerunt homi-

nem Cyrenaeum, nomine Simonem: hunc angariaverunt ut tolleretur crucem ejus. Et venerunt in locum, qui dicitur Gólgatha, quod est, Calvariae locus. Et dederunt ei vinum bibere cum felle mistum. Et cum gustasset, noluit bibere. Postquam autem crucifixerunt eum, diviserunt vestimenta ejus, sortem mittentes: ut impleretur quod dictum est per Prophetam dicentem: Diviserunt sibi vestimenta mea, & super vestem meam miserunt sortem. Et sedentes, servabant eum. Et imposuerunt super caput ejus causam ipsius scriptam: Hic est Jesus Rex Judaeorum. Tunc crucifixi sunt cum eo duo latrones; unus a dextris, & unus a sinistris. Prætereuntes autem blasphemabant eum, moventes capita sua, & dicentes: **s** Vah qui destruis templum Dei, & in triduo illud reedificas: salva te ipsum. Si Filius Dei es, descende de cruce. **c** Similiter & principes sacerdotum illudentes cum Scribis & senioribus, dicebant: **s** Alios salvos fecit, seipsum non potest salvum facere: si Rex Israel est, descendat nunc de cruce, & credimus ei: confidit in Deo: liberet nunc, si vult eum: dixit enim: Quia Filius Dei sum. **c** Id ipsum autem & latrones, qui crucifixi erant cum eo, imprecabantur ei. A sexta autem hora tenebra factae sunt super universam terram usque ad horam nonam. Et circa horam nonam clamavit Jesus voce magna, dicens: **✠** Eli, Eli, lamma sabachthani? **c** Hoc est: **✠** Deus meus, Deus meus, ut quid

dereli-

dereliquisti me? **c** Quidam autem illic stantes, & audientes, dicebant: **s** Eliam vocat iste. **c** Et continuo currens unus ex eis, acceptam spongiam implevit aceto, & imposuit arundini, & dabat ei bibere. Ceteri vero dicebant: **s** Sine videamus an veniat Elias liberans eum. **c** Jesus autem iterum clamans voce magna emisit spiritum. **c** Et ecce velum templi scissum est in duas partes a summo usque deorsum: & terra mota est, & petrae scissae sunt, & monumenta aperta sunt: & multa corpora sanctorum, qui dormierant, surrexerunt. Et exeuntes de monumentis post resurrectionem ejus, venerunt in sanctam civitatem, & apparuerunt multis. Centurio autem, & qui cum eo erant, custodientes Jesum, viso terramotu & his quae fiebant, timuerunt valde, dicentes: **s** Verè Filius Dei erat iste. **c** Erant autem ibi mulieres multae a longè, quae secutae erant Jesum a Galilaea, ministrantes ei: inter quas erat Maria Magdalene, & Maria Jacobi & Joseph mater, & mater filiorum Zebedaei. Cum autem serò factum esset, venit quidam homo dives ab Arimathaea, nomine Joseph, qui & ipse discipulus erat Jesu. Hic accessit ad Pilatum, & petiit corpus Jesu. Tunc Pilatus iussit reddi corpus. Et accepto corpore, Joseph involvit illud in sindone munda. Et posuit illud in monumento suo novo, quod exciderat in petra. Et advolvit saxum magnum ad ostium monumenti, & abiit. Erat autem ibi Maria Magdalene, & al-

tera Maria, sedentes contra sepulchrum.

**Hic dicitur, Munda cor meum. petitur benedictio, defertur incensum sine luminaribus, & incensatur liber: non dicitur, Dominus vobiscum. & Celebrans, aut Diaconus non signat librum, neque seipsum: & quod sequitur, cantatur in tono Evangelii: in cuius fine Celebrans osculatur librum, & incensatur. Quae omnia & in aliis Passionibus servantur, praeterquam Feria sexta in Parasceve.**

**A**ltera autem die, quae est post Parasceven, conveniunt principes sacerdotum & Pharisei ad Pilatum, dicentes: Domine, recordati sumus, quia seductor ille dixit adhuc vivens: Post tres dies resurgam. Jube ergo custodiri sepulchrum usque in diem tertium: ne forte veniant discipuli ejus, & furentur eum: & dicant plebi: Surrexit a mortuis. Et erit novissimus error peior priore. Ait illis Pilatus: Habetis custodiam, ite, custodite, sicut scitis. Illi autem abeuntes, muniunt sepulchrum, signantes lapidem, cum custodibus. **Credo.**

**Offertorium.** Improperium expectavit cor meum, & miseriam: & sustinui qui simul mecum contristaretur, & non fuit: consolantem me quaesivi, & non inveni: & dederunt in escam meam fel, & in siti mea potaverunt me aceto.

**Secreta.**

**C**oncede quaesumus Domine, ut oculis tuae majestatis munus oblatum, & gratiam nobis devotionis obtineat, & effectum beatae

perenni-